

2/26

9/61


36

৭/৬।
আর্দ্র

চৈত্র

শ্রী বামদেবানন্দ









সাধক
রামপ্রসাদ

7/61

স্বামী রামদেবানন্দ প্রণীত



উদ্বোধন কার্যালয়
বাগবাজার, কলিকাতা

সর্বস্বত্ব সংরক্ষিত]

মূল্য ২৬ ছই টাকা

প্রকাশক—স্বামী আত্মবোধানন্দ

উদ্বোধন কার্যালয়

১, উদ্বোধন লেন, বাগবাজার

কলিকাতা

আবৃত্ত—১৩৫৩

প্রিণ্টার—শ্রীদেবেন্দ্রনাথ শীল

শ্রীকৃষ্ণ প্রিণ্টিং ওয়ার্কস্

২৭বি, গ্রে ইন্সট্

কলিকাতা

7/61

ভূমিকা


এই বাঙ্গালদেশে হইতেছে বিশেষ করিয়া কালী ও কৃষ্ণের দেশ—মধ্যযুগ হইতে বাঙ্গালী হিন্দু জনগণ ভীষণ-মধুর কালী-কৃষ্ণ-ভাবে উপাসক হইয়া আছে। সগুণ সাকার উপাসনা হিন্দুর মধ্যে যে-সমস্ত দেব-প্রতীককে আশ্রয় করিয়া বিষ্ণুমান, সেগুলির মধ্যে শিব ও উমা এবং বিষ্ণু ও শ্রী, গভীরত্বে গভীরত্বে প্রসারে সর্বদ্বন্দ্বের অপূর্ব, পৃথিবীর অত্যাধিক দেব-কল্পনা, জ্ঞানরূপী শিব, শক্তি ও মাতুরূপিণী উমা, প্রেমরূপী বিষ্ণু এবং সমৃদ্ধি-সৌন্দর্য্যময়ী শ্রীর কল্পনার পাদপীঠের কাছেও পছঁছিতে পারে না। দক্ষিণ ভারতের তমিল ভক্তেরা বিশেষ ভাবে নটরাজ শিবের কল্পনার দ্বারা আবিষ্ট হইয়াছিলেন; উত্তর ভারতের জনগণের চিত্তে তেমনি সীতাপতি রাজা রামচন্দ্র একচ্ছত্র সাম্রাজ্য স্থাপিত করিয়াছেন; বাঙ্গাল দেশে তেমনি একদিকে জগজ্জননী উমা সংহারময়ী অথচ স্নেহময়ী কালীরূপে নিজ ভীষণতা ও কারুণ্য উভয় ভাব লইয়া বাঙ্গালী হিন্দুর হৃদয়ে আপন আসন পাতিয়া গিয়াছেন; এবং অতীত মহাবিষ্ণু, বংশীধারী রাধাকান্ত শ্রীকৃষ্ণরূপেও বাঙ্গালীর হৃদয়-কমলে বিরাজ করিতেছেন।

কৃষ্ণ ও কালী, ইহাদের লইয়াই বাঙ্গালা সাহিত্যে শ্রেষ্ঠ সৌন্দর্য্য ও আধ্যাত্মিকতার প্রকাশ হইয়াছে। কৃষ্ণ-বিষয়ক সাহিত্য বাঙ্গালা গীতি-কবিতার ক্ষেত্রের অনেকটা জুড়িয়া আছে। এই সাহিত্য, প্রসারে ও সৌন্দর্য্যে বিশাল ও মনোহর—‘বৈষ্ণব পদাবলী’ নামে এই সাহিত্য বাঙ্গালীর হৃদয়ের ধন। কালী-বিষয়ক গীতি-সাহিত্য, সৌন্দর্য্যে ও সৌকুমার্য্যে এবং বিস্তারে ও ব্যাপকতায় কৃষ্ণ-বিষয়ক গীতি-সাহিত্যের চেয়ে বড় নয়, ইহা অপেক্ষা প্রাচীনও নয়; কিন্তু ভাবুকতায়, গভীরতায়, আধ্যাত্মিক অনুভূতিতে, ইহা যে কোনও গভীর ভাবের গীতি-সাহিত্যের প্রতিস্পর্শী। এবং ইহার স্বকীয় ভক্তি-রস, মাতৃপ্রতীকে ঈশ্বরের সাধনা ও উপলব্ধি, এই শাক্ত গীতি-সাহিত্যকে বিশিষ্ট শক্তি-যুক্ত করিয়াছে, ইহাকে বাঙ্গালীর অত্যন্ত আদরের বস্তু করিয়া রাখিয়াছে।

শাক্ত গীতি-হারের মধ্যমণি হইতেছে প্রসাদ-পদাবলী। রামপ্রসাদ বাঙ্গালী হিন্দু গণমনের পরিচায়ক ভক্ত কবি। তাঁহার ব্যক্তিত্বের আলোচনা, তাঁহার রচনার সহিত পরিচয়, যত বেশী করিয়া হয় ততই মঙ্গল। প্রস্তুত গ্রন্থে অতি উপযোগী ভাবে দরদের সহিত এই আলোচনা এবং এই পরিচয় ঘটাইবার প্রয়াস করা হইয়াছে। আশা করি বাঙ্গালী পাঠক সমাজ স্বামীজীর এই সরল অনাড়ম্বর

ভাবশুদ্ধ সন্দর্ভে পরিতৃপ্ত হইবেন। বইখানি আমার
ভাল লুগিয়াছে; আশা করি ইহা অন্য অনেকেরও ভাল
লাগিবে; এবং ইহার দ্বারা প্রমাদের পদের সহিত বহু
বাক্যলী ও অন্য পাঠক কথঞ্চিং পরিচয়-সাধন করিতে
পারিবেন। ইতি।

কলিকাতা বিশ্ববিদ্যালয় }
২৫শে ডিসেম্বর ১৩৫৩২০০৩। } শ্রীমুখীভিকুমার চট্টোপাধ্যায়



নিবেদন

সংক্ষিপ্ত রামপ্রসাদের জীবনী প্রকাশিত হইল। কলিকাতারই অতি নিকটে তিনি জন্মগ্রহণ করিয়া তীব্র সাধনার দ্বারা সিদ্ধিলাভ করেন। তাঁহার সুমিষ্ট গান আজ বাংলার কণ্ঠে কণ্ঠে ধ্বনিত, ঘরে ঘরে প্রতিধ্বনিত। সাধক রামপ্রসাদের পদাবলীতে বাংলা মায়ের মুখ উজ্জল হইয়াছে। প্রায় সুদীর্ঘ পঞ্চাশ বৎসর পূর্বের কবি ঈশ্বরচন্দ্র গুপ্ত মাসিক 'প্রভাকর' পত্রে রামপ্রসাদ প্রভৃতি কবিগণের বিষয়ে অনেক তথ্য প্রকাশ করিয়া যান। ইহা ব্যতীত, 'প্রসাদ-প্রসঙ্গ'-কার স্বর্গীয় দয়ালচন্দ্র ঘোষ মহাশয় রামপ্রসাদ সম্বন্ধে অনেক কথা লিখেন। ইহার পর প্রায় অর্দ্ধশতাব্দী কাটিয়া গেল প্রসাদ সম্বন্ধে নূতন কোন বিশেষ তথ্য কেহই সংগ্রহ করিতে পারিলেন না। ইহা বড়ই দুঃখের বিষয়। বাংলা তথা বাঙ্গালীর পক্ষে গৌরবের বিষয় নয়, নিশ্চয়ই।

রামপ্রসাদের গানে আছে—

‘লাখ উকিল করেছি খাড়া’ অর্থাৎ মনে হয়, রামপ্রসাদ যেন এক লক্ষ গান রচনা করিয়া যান। কিন্তু আজ

শত চেষ্টায়ও কম-বেশী আড়াই-শ' গানের বেশী পাওয়া
গেল না। ভবিষ্যতে কেহ যদি আরও কিছু গান
সংগ্রহের চেষ্টা করেন বা জীবনী সম্বন্ধে নূতন কোন
কিছু বাহির করিতে পারেন তাহা হইলে বাংলা
সাহিত্যের পরিপুষ্টি হইবে, সন্দেহ নাই।

আর একটা কথা। অনেক সময়ে দেখা যায়,
মহাপুরুষ বা সাধক মহাজনের জীবনী-সংগ্রহে বিশেষ
কিছু পাওয়া যায় না। সেই জন্য অনেকে গ্রন্থ
বাড়াইবার জন্য সামান্য ঘটনাবলীকে ফেনাইয়া নাটক
অথবা উপন্যাস লিখিয়া বসিয়া থাকেন। রামপ্রসাদ-
জীবনেও ইহার ব্যতিক্রম হয় নাই। মহাপুরুষ-জীবনকে
উপন্যাস আকারে সাজাইয়া সাধারণ মানুষের মধ্যে
একটা ভ্রান্ত ধারণার সৃষ্টি করা উচিত নয়। যতটুকু
তথ্য ঠিক মত পাওয়া যায়, সেইটুকুই জনসমাজে ধরিয়া
দেওয়া ভাল। জীবনী-সংগ্রহ তাই হইয়া উপন্যাস
লিখিব, এ কোনও বুদ্ধিমানের যুক্তি হইতে পারে না।

প্রসাদ-জীবনের যথায়থ ঘটনাবলী লইয়া এই বইখানি
লিখিবার চেষ্টা করা হইয়াছে। অযথা কলেবর বৃদ্ধি
করা উদ্দেশ্য নয়। শেষ অধ্যায়ে প্রসাদ-পদাবলী এবং
তাহার অন্যান্য রচনাবলীর কিছু কিছু অংশ সন্নিবিষ্ট হইল।

রামপ্রসাদের পদাবলী বাংলা সাহিত্যে এক

অমূল্য সম্পদ। কোন ভাবেই ইহার পরিমাপ করা যায় না। ভাষার স্বচ্ছন্দ সরল গতি, সুরের অনাড়ম্বর সংযত ভঙ্গী, ভাবের গভীরতা একত্রে কেন্দ্রীভূত হইয়া প্রসাদ-পদাবলীকে অপূর্ব বস্তুতে পরিণত করিয়াছে। এমন প্রাণ-মাতানো গানের মহত্ব ভাষায় বর্ণনা করা যায় না। সাধনার রাজ্যে অগ্রসর না হইলে এই সব গানের মর্ম উপলব্ধি করাও শক্ত।

শ্রীশ্রীরামকৃষ্ণ পরমহংসদেব রামপ্রসাদী গান বড় ভালবাসিতেন। দক্ষিণেশ্বরে সুদীর্ঘ দ্বাদশবর্ষব্যাপী কঠোর তপস্যা কালে এবং পরেও এই গানগুলি মধুর সুরে গাহিতেন। আগন্তুক ভক্তজন গান শুনিয়া মুগ্ধ হইত।

কলিকাতা বিশ্ববিদ্যালয়ের অধ্যাপক শ্রীযুক্ত সুনীতি কুমার চট্টোপাধ্যায় বইখানি দেখিয়া দিয়াছেন, এইজন্য তাঁহাকে আন্তরিক কৃতজ্ঞতা জানাইতেছি।

শ্রীযুক্ত কালীপ্রসন্ন শর্মা প্রকাশিত 'প্রসাদ-পদাবলী' হইতে অনেক সাহায্য পাইয়াছি।

প্রচ্ছদপটে যে ছবি দেওয়া আছে উহা গঙ্গাবক্ষ হইতে হালিশহর গ্রামের দৃশ্য।

এই বইএর ছবিগুলি সমস্ত সুদক্ষ শিল্পী শ্রীযুক্ত নরেশচন্দ্র দাসের সৌজন্যে পাইয়াছি। ইহা ব্যতীত, বন্ধু-

শত চেষ্টায়ও কম-বেশী আড়াই-শ' গানের বেশী পাওয়া
গেল না। ভবিষ্যতে কেহ যদি আরও কিছু গান
সংগ্রহের চেষ্টা করেন বা জীবনী সম্বন্ধে নূতন কোন
কিছু বাহির করিতে পারেন তাহা হইলে বাংলা
সাহিত্যের পরিপূষ্টি হইবে, সন্দেহ নাই।

আর একটা কথা। অনেক সময়ে দেখা যায়,
মহাপুরুষ বা সাধক মহাজনের জীবনী-সংগ্রহে বিশেষ
কিছু পাওয়া যায় না। সেই জন্য অনেকে গ্রন্থ
বাড়াইবার জন্য সামান্য ঘটনাবলীকে ফেনাইয়া নাটক
অথবা উপন্যাস লিখিয়া বসিয়া থাকেন। রামপ্রসাদ-
জীবনেও ইহার ব্যতিক্রম হয় নাই। মহাপুরুষ-জীবনকে
উপন্যাস আকারে সাজাইয়া সাধারণ মানুষের মধ্যে
একটা ভ্রান্ত ধারণা সৃষ্টি করা উচিত নয়। যতটুকু
তথ্য ঠিক মত পাওয়া যায়, সেইটুকুই জনসমাজে ধরিয়া
দেওয়া ভাল। জীবনী-সংগ্রহে নাই বলিয়া উপন্যাস
লিখিব, এ কোনও বুদ্ধিমানের যুক্তি হইতে পারে না।

প্রসাদ-জীবনের যথাযথ ঘটনাবলী লইয়া এই বইখানি
লিখিবার চেষ্টা করা হইয়াছে। অযথা কলেবর বৃদ্ধি
করা উদ্দেশ্য নয়। শেষ অধ্যায়ে প্রসাদ-পদাবলী এবং
তাহার অন্যান্য রচনাবলীর কিছু কিছু অংশ সন্নিবিষ্ট হইল।

রামপ্রসাদের পদাবলী বাংলা সাহিত্যে এক

অমূল্য সম্পদ। কোন ভাবেই ইহার পরিমাপ করা যায় না। ভাষার স্বচ্ছন্দ সরল গতি, সুরের অনাড়ম্বর সংযত ভঙ্গী, ভাবের গভীরতা একত্রে কেন্দ্রীভূত হইয়া প্রসাদ-পদাবলীকে অপূর্ব বস্তুতে পরিণত করিয়াছে। এমন প্রাণ-মাতানো গানের মহত্ব ভাষায় বর্ণনা করা যায় না। সুধারাজ্যে অগ্রসর না হইলে এই সব গানের মর্ম উপলব্ধি করাও শক্ত।

শ্রীশ্রীরামকৃষ্ণ পরমহংসদেব রামপ্রসাদী গান বড় ভালবাসিতেন। দক্ষিণেশ্বরে সুদীর্ঘ দ্বাদশবর্ষব্যাপী কঠোর তপস্যা কালে এবং পরেও এই গানগুলি মধুর সুরে গাহিতেন। আগন্তুক ভক্তজন গান শুনিয়া মুগ্ধ হইত।

কলিকাতা বিশ্ববিদ্যালয়ের অধ্যাপক শ্রীযুক্ত সুনীতি কুমার চট্টোপাধ্যায় বইখানি দেখিয়া দিয়াছেন, এইজন্য তাঁহাকে আন্তরিক কৃতজ্ঞতা জানাইতেছি।

শ্রীযুত কালীপ্রসন্ন শর্মা প্রকাশিত 'প্রসাদ-পদাবলী' হইতে অনেক সাহায্য পাইয়াছি।

প্রচ্ছদপটে যে ছবি দেওয়া আছে উহা গঙ্গাবন্দন হইতে হালিশহর গ্রামের দৃশ্য।

এই বইএর ছবিগুলি সমস্ত সুদক্ষ শিল্পী শ্রীযুক্ত নরেশচন্দ্র দাসের সৌজন্যে পাইয়াছি। ইহা ব্যতীত, বন্ধু-

বান্ধব অনেকে এই বইখানির জন্ত তথ্য সংগ্রহ করিতে সাহায্য করিয়াছেন। সকলকে আন্তরিক ধন্যবাদ।

বইখানি বাংলার ঘরে ঘরে প্রচারিত হইলে পরিশ্রম সার্থক মনে করিব। ইতি—

প্রহকার

সূচীপত্র

পৃষ্ঠা

১।	জন্মভূমি	১
২।	গোড়ার কথা	৭
৩।	অভাবের তাড়নায়	১৪
৪।	সাধনার প্রারম্ভে	২০
৫।	ডুব দেরে মন কালী ব'লে	২৫
৬।	ভাবদর্শনাদি সম্বন্ধে নানা কথা	৩০
৭।	সাধনা ও দিব্যভাব	৩৭
৮।	মায়ের মৃত্যু	৪০
৯।	আজু গৌসাই ও রামপ্রসাদ	৪৩
১০।	তান্ত্রিক সাধনা সম্বন্ধে কয়েকটি কথা	৫৫
১১।	পুতিব্রতা সর্বগী	৬৮
১২।	কৃষ্ণচন্দ্রের স্বর্গারোহণ	৭২
১৩।	তারার আমার নিরাকার	৭৬
১৪।	বিদায়	৮১
১৫।	প্রসাদের রচনাবলী	৮৯

পদ-সূচী

গনেশ বন্দনা	৯৬	আমার সনদ দেখে যারে	১২৭
সরস্বতী বন্দনা	৯৭	আমি ওই খেদে খেদ করি	১৪২
লক্ষ্মী বন্দনা	৯৯	আমি এত দোষী কিসে	১১৪
কালী বন্দনা	১০১	আমি করবে কালীবাসী হব	১৭৮
—		আমি কি এমনি রব	২৭
অকলঙ্ক শশিসুখী	১৫০	আমি কি দুঃখে ডরাই	১১৬
অন্নপূর্ণার ধন্য কালী	১৯২	আমি ক্ষেমার খাসতালুকের	১২৬
অপার সংসার, নাহি পারাপার	১৮৮	আমি তাই অভিমান করি	১২২
অভয় চরণ সব লুটালে	১০৯	আমি নয় পলাতক আসামী	১৭৩
অভয় পদে প্রাণ সঁপেছি	১৩১	আর কাজকি আমার কালী	১০৫
অসকালে যাব কোথা	১২৫	আর তোরে না ডাকব কালী	১৪১
আছি তেঁই তরুতলে বসে	১৩৩	আর বাণিজ্যে কি বাসনা	১১৫
আজ শুভনিশি পোহাইল	১৮৫	আর ভুলালে ভুলব না গো	১৩৩
আয় মন বেড়াতে যাবি	৪৯	ইথে কি আর আপদ আছে	১৭৫
আমায় ছুঁয়োনা রে শমন	১৬২	একবার ডাকরে কালীতারা	১২২
আমায় দাও মা তবিলদারী	১৮	এবার আমি করব কৃষি	১৫৯
আমায় কি ধন দিবি তোর	১৬৪	এবার আমি বুঝব হরে	১০৭
আমার অন্তরে আনন্দময়ী	১৬৫	এবার আমি ভাল ভেবেছি	৮০
আমার উমা সামান্য মেয়ে নয়	১৭৯	এবার আমি সার ভেবেছি	১১৩
আমার কপাল গো তারা	১৮৯	এবার কালী কুলাইব	১২৫
আমার মনের বাসনা জননী	৬২	এবার কালী তোমায় খাব	৫১

পদ-সূচী

এবার বাজী ভোর হলো	১০২	কালী গো কেন লেংটা ফের	১৮৩
এবার ভাল ভাব পেয়েছি	১৭৬	কালী তারার নাম জপ মুখে	১৭১
এমন দিন কি হবে তারা	১৩২	কালীর নাম বড় মিঠা	১২১
এলোকেশে কে শবে এলরে	১৫৩	কালীপদ মরকত আলানে	১১৭
এলোকেশী দিখসনা	১৪৫	কালীর নামে গণ্ডী দিয়ে	১৬৭
এলো চিকুর ক্ষির	১৪৭	কালী বল রসনা রে	১৯৩
এ শরীরে কাজ কি রে ভাই	১৩৬	কালী সব ঘুটালে লেটা	১২৪
এ সংসার ধোঁকার টাটি	৫০	কালী হলি মা রাসবিহারী	১৮৩
এ সংসারে ডরি কারে	১৭৫	কুলবালা উলঙ্গ, ত্রিভঙ্গ	১৫৯
এস দেখি মন তুমি	১৬১	কে জানে রে কালী কেমন	১১৮
ও কার রমণী সমরে নাচিছে	১৫৮	কেন গঙ্গাবাসী হব	১২৫
ওকে ইন্দ্রবর-নিন্দি কাস্তি	১৪৮	কেবল আমার আশা	১৯৯
ওগো রাণি, নগরে	১৮৬	কেন করে ছাড়ায়ে যাবা	১২৭
ওরে মন কি ব্যাপারে	১৩০	কে মোহিনী ভালে ভাল শশী	১৫৭
ওরে মন বলি, ভজ কালী	১২০	করে ওই মনোমোহিনী	১৪৬
ওরে শমন কি ভয় দেখাও	১২৯	করে বামা কার কামিনী	১৮২
ওহে প্রাণনাথ গিরিবর হে	১৮৭	গিরি এবার আমার উমা	১৮৭
করুণাময়ি ! কে বলে তোরে	১৯৭	গেল দিন মিছে রঙ্গ রসে	১১১
কাজ কি, মা ! সামান্য খনে	১৬৫	গেলনা গেলনা, দুঃখের	১৭২
কাজ কি রে মন ঐয়ে কালী	১৯০	চিকণ-কালরূপা সুনন্দরী	১৫৭
কাজ কি আমার কালী	১৬৬	ছি মন তুই বিষয় লোভা	১৩৭
কালী কালী বল রসনা	১৯৬	ছি-ছি মনপ্রমরা দিলি বাজী	১৩৯
কালীপুণ গেয়ে, বগল বাজারে	১৬২	জগত-জননী তরাও গো	১৭৪

সাধক রামপ্রসাদ

জয় কালী জয় কালী বল	১৬৮	নিত্যই তোয় বুঝাবে কেটা	১১৩
জাল ফেলে জেলে রয়েছে	১৬৭	পতিতপাবনী তারা	১২৮
ডাকরে মন কালী বলে	১২৩	পতিত পাবনী পরা	১২৬
ডুব দেবে মন কালী	৪৭	পুলো নাকো মনের আশা	১৮১
ঢল ঢল জলদবরগী	১৪২	বড়াই কর কিংসে গো মা	১৩৫
ঢলিয়ে ঢলিয়ে কে আসে	১৮৪	বল দেখি ভাই কি হয় ম'লে	১২৮
তাই কালরূপ ভালবাসি	১৪০	বল মা তারা দাঁড়াই কোথা	১০৬
তারা আমি নই আটাসে	১৩০	বামা ও কে এলোকেশে	১৪৭
তারা আর কি ক্ষতি হবে	১৪৩	ভবে আসা খেলব পাশা	১২৫
তারা তরী লেগেছে ঘাটে	৮৩	ভাব কি ভেবে পরাণ গেল	১৬৮
তারা ! তোমার আর কি মনে	১২২	ভাবনা কালী ভাবনা কিবা	১০৬
তারা নামে সকলি ঘুচার	১২৩	ভাল নাই মোর কোন কালে	১১২
তিলেক দাঁড়া ওরে শমন	১১৭	ভাল ব্যাপার মন কর্তে এলে	১৭৭
তুমি কার কথার ভুলেছ	১৭৪	ভূতের বেগার খাটব কত	১৭২
তোমার কে মা বুঝবে লীলে	১৩১	ভেবে দেখ মন কেউ কার নয়	১৭০
থাকি একথান ভাঙ্গা ঘরে	১৮১	মন করোনা স্থিরের আশা	১১০
দিবানিশি ভাবরে মন	১৪৩	মন করো না দেবাদেবী	৪৪
দীন-দয়াময়ী কি হবে শিবে	১৬৪	মন কি কর তত্ত্ব তাঁরে	১২০
হুংখের কথা শুন মা তারা	১৭৫	মন কেন মাগ্নের চরণ ছাড়া	১১৪
দূর হয়ে যা যমের ভর্তা	১৩২	মন কেন তোয় ভ্রম গেলনা	১৬১
নবনীল-নীরদ-তল্লুচি কে	১৪৮	মন কেনরে ভাবিসু এত	১০৮
নলিনী নবীনা মনোমোহনী	১৬০	মন খেলাও রে ডাঙাগুলি	১২১
নিতান্ত বাবে দিন এদিন বাবে	১০৮	মন গরীবের কি দোষ আছে	১৪১

পদ-সূচী

মন জ্ঞান নাকি ঘটবে কি	১৬৩	মা মা বলে আর ডাকবো না	২৮
মন তুই কাঙ্গালী কিসে	১৯	মান্নার এ পরম কোতুক	১১৮
মন তুমি কি রঙ্গে আছ	১৭৭	মান্নের এগ্নি বিচার বঁটে	১৬৬
মন তোরে তাই বলি বলি	১৭৬	মান্নের চরণতলে স্থান লব	১৮১
মনরে ভাল বাস তাঁরে	১৩৬	মা হওয়া কি মুখের কথা	১২৬
মন ভেবেছ তীর্থে বাবে	১৩৮	মুক্ত কর মা মুক্তকেনী	১৪০
মন রে, আমার এই মিনতি	৪৮	মোহিনী আশা বাসা	১৫০
মন রে, আমার ভোলা মামা	১১৯	যদি ডুবলো না ডুবায় বা	১৭১
মনরে কৃষি কাজ জ্ঞান না	১০৪	যারে শমন যারে ফিরি	১২৯
মনরে, তোর চরণ ধরি	১৮২	রসনে, কালী নাম রটরে	১১৬
মনরে শ্রামা মাকে ডাক	১৩৮	শঙ্কর পদতলে মগনা রিপদলে	১৫৪
মন হারালে কাজের গোড়া	১৭২	শমন আসার পথ ঘুচেছে	১৭০
মরি ও রমণী কি রণ করে	১৫২	শ্রামা বামা কে ?	১৫৬
মা আমার ঘুরাবে কত	১০৪	শ্রামা বামা কে বিরাজে	১৫৫
মা আমার খেলান হলো	১৮০	শ্রামা বামা গুণধামা	১৫৩
মা আমার অন্তরে আছি	১১২	শ্রামা মা উড়াচ্ছে ঘুড়ি	১৬৯
মা আমার বড় ভয় হয়েছে	১৭৮	সদাশিব শবে আরোহিণী	১৫১
মা কত নাচ গো রণে	১৪৫	সমর করে ও কে রমণী	১৫৫
মাগো আমার কপাল দোষী	১৩৪	সাধের ঘুমে ঘুম ভাঙ্গে না	১৯২
মা গো তারা ও শঙ্করী	১১১	সামাল সামাল ডুবল তরী	১২৪
মা বসন পর	১৯১	সামাল ভবে ডুবে তরী	৮৫
মা তোমারে বারে বারে	১৬৩	সুস্বাপান করি না আমি	৬৭
মা বিরাজে ঘরে ঘরে	১৮০	সে কি এমনি মেয়ের মেয়ে	১৪২


সাধক রামপ্রসাদ

সে কি শুধু শিবের সতী	১৬৯	শ্রীশ্রীকালীকীর্তন	২০০
হয়েছি জোর ফরিয়াদী	১৪৪	শ্রীশ্রীকৃষ্ণকীর্তন	২০৩
ছুকারে সংগ্রামে ও কে	১৪৯	সীতা-বিলাপ	২০৪
কুৎ কমল-মঞ্চের দোলে	১৮৮	শিব-সঙ্কীৰ্ত্তন	২০৭
হের কার রমণী নাচে	১৯৪		

Presented to
Anandamoyee Ashra

NCL/works
2/5/65

কবিরঞ্জন রামপ্রসাদ সেনের বংশ তালিকা



সাধক রামপ্রসাদ

জন্মভূমি

সাধক রামপ্রসাদের জন্মভূমি হালিশহর গ্রাম। ইহা ২৪ পরগণার অন্তর্গত নৈহাটি থানার অধীন, পুণ্যতোয়া ভাগীরথী তীরে অবস্থিত। এই গ্রামের অপর নাম কুমারহাট বা কুমারহাটী। বহু কুস্তকারের বাস ছিল বলিয়া এই নামকরণ হইয়াছে ইহা অনেকের ধারণা। তবে এই নাম সম্বন্ধে একটা জনশ্রুতি আজও প্রচলিত আছে। কুস্তকারব্যতীত এই গ্রামে বহু ব্রাহ্মণ কায়স্থেরও বাস ছিল। শিক্ষা দীক্ষায় এককালে এই গ্রাম নবদ্বীপকেও পরাস্ত করিয়াছিল।

কথিত আছে একদা নবদ্বীপের বহু পণ্ডিত এই গ্রামের পণ্ডিতগণের সঙ্গে শাস্ত্র বিচার করিতে আসিয়াছিলেন। কিন্তু কুমারহাটের পণ্ডিতগণ বিচারে প্রবৃত্ত না হইয়া একটা কৌশল অবলম্বন করিলেন। একজন সুচতুর কুস্তকারকে

নানা কথা শিখাইয়া নবদ্বীপের পণ্ডিতগণের নিকট পাঠাইয়া দিলেন। বুদ্ধিমান কুস্তকার জীবশে সজ্জিত হইয়া একটি অল্প বয়স্ক ছেলেকে সঙ্গে লইয়া পণ্ডিতগণের নিকট উপস্থিত হইল। ছেলেটিকে তাহার পুত্র বলিয়া পরিচয় দিয়া পণ্ডিতগণের পরিচারিকা হিসাবে নিযুক্ত হইল। প্রত্যুষে পরিচারিকা ঘরকন্নার কাজে ব্যস্ত। চারিদিকে কাকগুলি কা কা রব করিতেছিল, ছেলেটি হঠাৎ বলিয়া উঠিল—মা, কাক কেন ডাকছে? দাসী জবাবে বলিল—পণ্ডিতদের জিজ্ঞাসা কর, কাক কেন ডাকছে, আমি মুখ্য মানুষ, কি বলব?

ছেলেটি পণ্ডিতগণের নিকট গিয়া উপরোক্ত প্রশ্ন করিল। জবাবে তাঁহারা বলিলেন—কি করে বলব, কাক কেন ডাকছে। সকাল হয়েছে তাই ডাকছে। উত্তর শুনিয়া ছেলেটি সুখী হইল না। পুনরায় মার নিকট গিয়া বায়না ধরিল। মায়ের শিক্ষানুযায়ী ছেলেটি যে অভিনয় করিতেছে ইহা পণ্ডিতগণ বুঝিতে পারিলেন না।

মা বলিলেন—তুই কি করে বুঝবি? তুই কি সংস্কৃত জানিস্। সংস্কৃতে একটি শ্লোক আছে,—

তিমিরারিস্তমো হস্তি শঙ্কাকুলিতমানসাঃ।

বয়ং কাকা বয়ং কাকা ইতি জল্পন্তি বায়সাঃ।

সূর্য্যদেব অন্ধকার নাশ করিয়া আলো দান করিতেছেন।

কাকদিগের মনে ভয় হইয়াছে—তাহাদের অঙ্গের কৃষ্ণ বর্ণকে অন্ধকার মনে করিয়া সূর্য্যদেব পাছে তাহাদিগকে বিনষ্ট করেন এই ভয়ে কাক সকল, বয়ং কাকাঃ, বয়ং কাকাঃ (আমরা কাক, আমরা কাক) এই বলিয়া সূর্য্য দেবকে জানাইতেছে।


পরিচারিকার মুখে সংস্কৃত শ্লোকের এরূপ ব্যাখ্যা শুনিয়া পণ্ডিতগণ স্তম্ভিত হইলেন। ডাকিয়া জিজ্ঞাসা করিলেন—তুমি এসব কোথা হতে শিখলে? উত্তরে পরিচারিকা বলিল—এ গ্রামের পণ্ডিতদের বাড়ীর কাছে আমার বাড়ী। সঁদা সর্ব্বদা সংস্কৃত আলোচনা হয়, আমি তাঁদের কাছেই শুনেছি। পণ্ডিতগণ তখন প্রমাদ গণিলেন।

যে গ্রামের দাস-দাসীরা এতটা বিদ্যাবুদ্ধি রাখে, সে গ্রামের পণ্ডিতদের সঙ্গে শাস্ত্র-বিচারে প্রবৃত্ত হওয়া বুঝা। এরূপ চিন্তা করিয়া হতাশ হৃদয়ে তাঁহারা সেই দিনই সেখান হইতে পলায়ন করিলেন।


° হালিশহরের পণ্ডিতগণ সব বৃত্তান্ত শুনিয়া আনন্দিত। সামান্য নীচ জাতীয় কুস্তকারের বুদ্ধির প্রশংসা না করিয়া থাকিতে পারিলেন না। মান রক্ষা করিয়াছে বলিয়া তাঁহারা গ্রামের নাম রাখিলেন কুমারহট্ট বা কুমারহাটী। এই জনশ্রুতি যে কতটা সত্য জানি না—তবে এই গ্রামে যে বহু পণ্ডিত বাস করিতেন এবং এখানে এককালে যে বিদ্যার চর্চা খুবই ছিল ইহা বেশ বুঝা যায়। আর একটা

কিংবদন্তী আছে যে চন্দ্রগ্রহণ সূর্যগ্রহণ ইত্যাদি নানা যোগ উপলক্ষ করিয়া যশোহরের রাজ বংশীয়েরা এই স্থানে গঙ্গাস্নান করিতে আসিতেন। যশোহর হইতে হালিশহর পর্য্যন্ত জাঙ্গাল নামে একটি বড় রাজপথ ছিল। আজকালও স্থানে স্থানে এই জাঙ্গালের ভগ্নাবশেষ দেখিতে পাওয়া যায়। মহারাজ প্রতাপাদিত্যের পুত্র কুমার উদয়াদিত্য বহু লোকজন লইয়া এই গ্রামে প্রায়ই গঙ্গাস্নান করিতে আসিতেন। কুমারের আগমন উপলক্ষে ঐ সময়ে একটি বড় হাট বসিত। ধীরে ধীরে সেই হাট স্থায়ী হইয়া যায়। তদনুসারে এই গ্রামের নাম কুমারহট্ট—ইহা অনেকের ধারণা। কুমারহট্ট ও হালিশহর এই দুই নামেই যে গ্রাম খানি চলিয়া আসিয়াছে তাহার অনেক প্রাচীন প্রমাণ আছে। চৈতন্য মহাপ্রভুর মন্ত্রগুরু শ্রীঈশ্বর পুরী এই গ্রামে বাস করিতেন। মহাপ্রভু একবার শ্রীগুরু দর্শন করিবার জন্য এইখানে আসিয়াছিলেন। শ্রীকৃন্দারন দাস ঠাকুর তাঁহার চৈতন্য-ভাগবতে এই বিষয় সম্বন্ধে লিখিয়াছেন :—

আপনে ঈশ্বর শ্রীচৈতন্য ভগবান্ ।
দেখিলেন ঈশ্বর পুরীর জন্মস্থান ॥
প্রভু বোলে কুমারহট্টেরে নমস্কার ।
শ্রীঈশ্বরপুরীর যে গ্রামে অবতার ॥



ভগ্নমন্দির (হালিশহর)



চৈতন্য ডোবা (৫ পৃষ্ঠা)

জন্মভূমি

- কান্দিলেন বিস্তর চৈতন্য সেই স্থানে।
আর শব্দ কিছু নাই—‘ঈশ্বরপুরী’ বিনে ॥
সে স্থানের মৃত্তিকা আপনে প্রভু তুলি।
লইলেন বহির্বাসে বান্ধি এক ঝুলি ॥
প্রভু বোলে ঈশ্বর পুরীর জন্মস্থান।
এ মৃত্তিকা মোহর জীবন ধন প্রাণ ॥

• চৈতন্য মহাপ্রভুর দেখাদেখি সজ্জের শিষ্যেরা মাটি
উঠাইতে লাগিলেন। ইহাতে ঐ স্থানটী একটী খাদে
পরিণত হয়। • সেই খাদটী আজও বিদ্যমান। ইহাকে
চৈতন্যডোবা বলে। কবিকঙ্কণ মুকুন্দরাম চক্রবর্তীর
চণ্ডীমঙ্গলেও হালিশহর ও ত্রিবেণী সন্মিলনে নিম্নলিখিত বর্ণনা
পাওয়া যায়—

- বামদিকে হালিশহর, দক্ষিণে ত্রিবেণী।
• দুকুলের যাত্রীর রবে কিছুই না শুনি ॥
• লক্ষ লক্ষ লোক এক ঘাটে করে স্নান।
বাস হেম তৈল ধেনু কেহ করে দান ॥

ইহা হইতেই স্পষ্ট বুঝা যায় হালিশহর এক কালে খুব
সমৃদ্ধি-সম্পন্ন গ্রাম ছিল। ইহা নবদ্বীপাধিপতি মহারাজা
কৃষ্ণচন্দ্রের জমিদারীর অন্তর্গত। এই গ্রামের মনোরম
সৌন্দর্য্য দেখিয়া মহারাজ একটী বায়ুসেবনালয় এবং একটী

সাধক রামপ্রসাদ

ধৰ্মাধিকরণ স্থাপন করিয়াছিলেন। তিনিও মাঝে মাঝে আসিয়া এই জনসমাকীর্ণ গ্রামে বাস করিতেন এবং নানাবিধ ধৰ্ম কার্য্য সম্পন্ন করিতেন। সাধক রামপ্রসাদও তাঁহার জন্মভূমি বাস্তুভিটা এবং সিদ্ধ পীঠ সম্বন্ধে এরূপ বলিয়াছেন—

ধরাতলে ধন্য সেই কুমারহট্ট গ্রাম ।

তত্র মধ্যে সিদ্ধপীঠ রামকৃষ্ণ ধাম ॥

শ্রীমণ্ডপে জাগ্রত শৈলেশ-পুত্রী যথা ।

নিশাকালে চরিতার্থ শ্রীরঞ্জন তথা ॥

হালিশহর গ্রামে আধুনিক ঠাকুরপাড়া ও চড়কডাঙ্গার মধ্যবর্তী স্থানেই রামপ্রসাদের পৈতৃক ভিটা। সেখানে রামপ্রসাদের সাধন-পীঠের ভগ্নাবশেষ এখনও দেখিতে পাওয়া যায়। কিছুদিন হইল গ্রামবাসীরা সেইখানে প্রসাদের একটি স্মৃতিশালা নির্মাণ করিয়াছেন। বহু জঁন-কোলাহল পূর্ণ হালিশহর গ্রামখানি যে কত বড় সমৃদ্ধশালী ছিল তাহা আমরা অতি সহজেই অনুমান করিতে পারি। কিন্তু হায়! বর্তমান হালিশহর গ্রাম দেখিয়া এক কালে যে ইহা ধনজনে পরিপূর্ণ ছিল তাহার কোন বিশেষ চিহ্নই পাওয়া যায় না। শুনা যায়, ১১০৭ সালে দারুণ ম্যালেরিয়া রোগে এই মনোহর গ্রামখানি শ্মশানে পরিণত হইয়াছে। বর্তমানে গ্রাম একেবারে জনশূন্য বলিলেই চলে। তাহার

গোড়ার কথা

পতনোন্মুখ দেব মন্দির, ভগ্ন সৌধাবলী অতীত গৌরবের
সাক্ষ্য দিতেছে মাত্র। বাংলার ভাগ্যলক্ষ্মীর সঙ্গে তাহার
গ্রামগুলির বিচিত্র মনোরম শ্রীও বিদায় লইয়াছে।
জানি না ভবিষ্যতে বাংলার শ্রী আর ফিরিবে
কি না। শুধু অতীতের স্মৃতি লইয়া ভবিষ্যৎ বাংলা
তাহার গৌরব অনুভব করিবে মাত্র। ইহা ছাড়া আর কি
উপায় আছে ?

গোড়ার কথা

এই সুপ্রসিদ্ধ হালিশহর গ্রামে আনুমানিক ১৭২৩
খ্রীষ্টাব্দ অথবা ১১২৯ সালে এক বিশিষ্ট বৈদ্যবংশে রামপ্রসাদ
জন্মগ্রহণ করেন। তাঁহার বংশের আদিপুরুষ কীর্ত্তিবাস
সেন দয়া-দাক্ষিণ্যে কোমল ব্যবহারে এবং সরল স্বভাবের
গুণে তখনকার দিনে খুবই প্রসিদ্ধি লাভ করিয়াছিলেন।
এই সেনেরা বংশ-পরম্পরায় তান্ত্রিক কুলাচরী ছিলেন।
তন্মোক্ত যে কোন ক্রিয়াকলাপ উপলক্ষ করিয়া তিনি
অজস্র অর্থ ব্যয় করিতেন। এই কীর্ত্তিবাস হইতেই সেন
বংশের খ্যাতি এবং প্রতিপত্তি চারিদিকে বিস্তৃত হয়।
তাঁহার পুত্র রামেশ্বর সেন পিতার মতই দান ধ্যান
কার্য্যে নিযুক্ত ছিলেন। কিন্তু অকালে মৃত্যুমুখে পতিত
হওয়ায় বিশেষ কিছু করিয়া যাইতে পারেন নাই।

সাধক রামপ্রসাদ

তাহারই পুত্র রামরাম সেন আমাদের সাধক রামপ্রসাদের
পিতা। রামপ্রসাদ তাহার নিজের জীবনী সম্বন্ধে বা
তাহার বংশ সম্বন্ধে বিশেষ কিছু লিখিয়া যান নাই। শুধু
তাহার প্রণীত কবিরঞ্জন বিদ্যামুন্দর গ্রন্থে এক স্থানে বংশ
পরিচয় দিয়াছেন। নিম্নে তাহাই দেওয়া গেল—

ধন হেতু মহাকুল, পূর্বাপর গুণমূল, কুন্তিবাস তুলা

কীৰ্ত্তি কই।

দানশীল দয়াবন্ত, শিষ্টশাস্ত গুণানন্ত, প্রসন্ন কালিকা

কুপামই ॥

সেই বংশ সমুদ্ভূত, ধীর সর্ব-গুণ-যুত, ছিলা কত শত মহাশয়।

অনাচর দিনান্তর, জন্মিলেন রামেশ্বর, দেবীপুত্র সরল হৃদয় ॥

তদঙ্গজ রামরাম, মহাকবি গুণধাম, সদা যারে সদয়া অভয়া।

প্রসাদ তনয় তার, কহে পদে কালিকার, কুপাময়ী ময়ি

কুরু দয়া ॥

জ্যেষ্ঠা ভগ্নী ভবানী সাক্ষাৎ লক্ষ্মীদেবী ॥

যাঁর পাদপদ্ম আমি রাত্রিদিবা সেবি ॥

ভগ্নীপতি ধীর লক্ষ্মী নারায়ণ দাস।

পরম বৈষ্ণব কলিকাতায় নিবাস ॥

ভাগিনেয় যুগ্ম জগন্নাথ কুপারাম।

আমাতে একান্ত ভক্তি সর্বগুণধাম ॥

গোড়ার কথা

সৰ্ব্বাশ্রজা ভগ্নী বটে শ্রীমতী অম্বিকা ।

তাঁর ছুঃখ দূর কর জননী কালিকা ॥

গুণনিধি নিধিরাম বৈমাত্রেয় ভ্রাতা ।

তাঁরে কৃপাদৃষ্টি কর মাতা জগন্মাতা ॥

জগদীশ্বরীকে দয়া কর মহামায়া ।

মমানুজ বিশ্বনাথে দেহ পদছায়া ॥

“শ্রীকবিরঞ্জনে মাতা কহে কৃতাঞ্জলি ।

শ্রীরামচন্দ্রলালে মাগো দেহি পদধূলি ॥”

“শ্রীমতী পরমেশ্বরী সৰ্ব্বজ্যোষ্ঠা স্তুতা ।

শ্রীকবিরঞ্জনে ভণে কবিতা অদ্ভুতা ॥”

কবিরঞ্জন বিজ্ঞানসুন্দর

ইহা হইতেই পরিচয় পাওয়া যাইতেছে যে তাঁহার
পিতামহের নাম রামেশ্বর এবং পিতার নাম রামরাম সেন ।
রামরাম সেনের দুই বিবাহ ছিল । প্রথম পত্নীর গর্ভে
বৈমাত্রেয় ভ্রাতা নিধিরাম জন্মগ্রহণ করিয়াছিলেন ।
দ্বিতীয়া স্ত্রীর (সিদ্ধেশ্বরীর) গর্ভে সৰ্ব্বাশ্রজা ভগ্নী অম্বিকা
ও রামপ্রসাদের জ্যোষ্ঠা ভবানী দেবীর জন্ম হয় । ইহার
পরেই রামপ্রসাদ এবং তাঁহার ছোটভাই বিশ্বনাথ ।
রামপ্রসাদের বৈমাত্রেয় ভ্রাতা নিধিরাম, জ্যোষ্ঠা ভগ্নী অম্বিকা
এবং সৰ্ব্বকনিষ্ঠ বিশ্বনাথের বিষয়ে কোন সংবাদ বর্তমানে

সংগ্রহ করা কঠিন—তাহাদের সম্বন্ধে কেহ কিছু বলিতে পারে না। তবে কলিকাতা নিবাসী লক্ষ্মীনারায়ণ দাসের সহিত রামপ্রসাদের ভগ্নী ভবানীর বিবাহ হইয়াছিল এবং তাহার গর্ভে জগন্নাথ ও কুপারাম নামে দুইটি পুত্রও হইয়াছিল। উপরের বিবরণে আমরা দেখিতে পাইতেছি রামপ্রসাদ নিজের স্ত্রী সম্বন্ধে কিছু বলেন নাই। তিনি শুধু পরমেশ্বরী ও জগদীশ্বরী নামে দুই কন্যা এবং রামভুলাল নামে এক পুত্রের উল্লেখ করিয়াছেন।

রামপ্রসাদের নিজের লেখা হইতেই তাহার বংশ পরিচয় কিছু কিছু পাওয়া গেল। কিন্তু শেষ বয়সের কনিষ্ঠ পুত্র রামমোহনের নাম তাহার কোথাও পাওয়া যায় না। অথচ রামমোহনের বংশে বিদ্যমান থাকিয়া রামপ্রসাদের বংশরক্ষা করিতেছে।* ইহার প্রধান কারণ বোধ হয় যখন বিদ্যাসুন্দর লেখা হয় তখন কনিষ্ঠ পুত্রের জন্ম হয় নাই, অথচ বিদ্যাসুন্দর ব্যতীত অন্য কোন রচনাতে রামপ্রসাদ তাহার বংশের উল্লেখ করেন নাই। এই রামমোহনের জন্ম উপলক্ষ করিয়াই রামপ্রসাদ “এ সংসার ধোঁকার টাটি” এই গানটি রচনা করেন।

* প্রপৌত্র ৬ভূর্গাদাস সেন মহাশয় পরে হুগলী জেলার গরলগাছা গ্রামে আসিয়া বাস করিয়াছিলেন। তাহার পুত্র “অমরনাথ” সেন হাওড়ার অন্তর্গত শিবপুর গ্রামে বাস করিতেন।

গোড়ার কথা

পিতামাতার আদরের ছুলাল রামপ্রসাদ শশিকলার
ন্যায় দিন দিন বাড়িতে লাগিলেন। যথাসময়ে পিতা
তঁাহাকে বিদ্যাশিক্ষার নিমিত্ত গ্রাম্য পাঠশালায় ভর্তি
করিলেন। অদ্ভুত মেধা সম্পন্ন এই বালকটী অতি
অল্প দিনেই গুরু মহাশয়ের নিকট পাঠশালার শিক্ষা
সম্পূর্ণ করিল। ছেলের বিদ্যাবুদ্ধির পরিচয় পাইয়া
পিতা আনন্দিত। তিনি নিজে একজন কবিরাজ, আয়ু-
র্বেদ শাস্ত্রে বিশেষজ্ঞ, সুতরাং তঁহার সুসন্তানকে এই
বিদ্যায় পারদর্শী করিবার নিমিত্ত তিনি গ্রামের সংস্কৃত
টোলে ভর্তি করাইয়া দিলেন। অল্পদিনে পুত্র ব্যাকরণ
ও কাব্যে যথেষ্ট জ্ঞানার্জন করিলেন। পিতার বিশেষ
আগ্রহ, রামপ্রসাদ তঁহার পৈতৃক ব্যবসা অক্ষুণ্ণ রাখেন।
কিন্তু তঁহার সেদিকে বিশেষ মনোযোগ পরিলক্ষিত
হইল না। নানা বিদ্যাশিক্ষায় বিশেষ আগ্রহ আছে,
কিন্তু আয়ুর্বেদ-শাস্ত্রে তেমন আগ্রহ দৃষ্ট হইল না।
তঁহার ইচ্ছা আরও কয়েকটী ভাষা আয়ত্ত করিবেন।
তখন মুসলমান রাজত্ব, সুতরাং সাংসারিক জীবনে সুবিধা
হইবে ভাবিয়া পিতা তাহাকে পারসী ও হিন্দী ভাষা
শিক্ষা করিতে অনুমতি দিলেন। রামপ্রসাদ মনের
আনন্দে এ দুটী ভাষা শিখিতে আরম্ভ করিলেন।

পিতা এই সময় রামপ্রসাদের বিবাহের বন্দোবস্ত

সাধক রামপ্রসাদ

করিয়া সৰ্ব্বাঙ্গী নামী সৰ্ব্বগুণালঙ্কৃত বধু ঘরে আনিলেন।
রামপ্রসাদের বয়স তখন বাইশ বৎসর। কুলপ্রথানুযায়ী
কুলগুরু নব পরিণীতা দম্পতিকে দীক্ষা দিলেন।

রামপ্রসাদ যে সাধারণ সংসারের মানুষ নন, অতি
অল্প বয়স হইতেই ধীরে ধীরে তাঁহার পরিচয় পাওয়া
যাইতেছিল। সংসারের দিকে তাঁহার আকর্ষণ যে
একেবারেই নাই, পিতা ইহা বহু পূর্বেই লক্ষ্য করিয়া-
ছিলেন। আরও লক্ষ্য করিয়াছিলেন, সাংসারিক সৰ্ব্ব
বিষয়ে তাহার কেমন যেন এক আনমনা ভাব। মাঝে
মাঝে অত্যন্ত গম্ভীর হইয়া যান—কেন, রামপ্রসাদ
নিজেই বুঝিতে পারেন না। হৃদয়ের অন্তরতম প্রদেশ
হইতে একটা তীব্র বেদনা সময় সময় তাঁহাকে বড় অস্থির
করিয়া তোলে। মন চায় শান্তি, নির্জনতা। কোলাহল
হইতে দূরে অতি দূরে সরিয়া যাইতে চায়। অষ্টাদশ
বর্ষ বয়স হইতেই ধীরে ধীরে এই ভাবটা হৃদয়ে আরও
বদ্ধমূল হইয়া উঠিল। সাধনার রাজ্যে মন ডুবিতে
চায়। পিতা আত্মপূর্বিক বিবেচনা করিয়াই তাঁহার
বিবাহের বন্দোবস্ত করিলেন।

কুলগুরুর নিকট দীক্ষা লইয়া রামপ্রসাদ মনের
আনন্দে ধীরে ধীরে সাধনার রাজ্যে ডুবিলার চেষ্টা করিতে
লাগিলেন। কিন্তু বেশীদিন সে সুযোগ হইল না। হঠাৎ

গোড়ার কথা

কুলগুরু যত্নমুখে পতিত হইলেন। এই সময় সাধক-শ্রেষ্ঠ তান্ত্রিক-পণ্ডিত আগমবাগীশ কুমারহট্টে আগমন করেন। তখনকার দিনে পণ্ডিত ও সাধক হিসাবে আগমবাগীশের খুব নাম। তাঁহার আগমনে গ্রাম ধন্য হইয়া গেল, এবং বহুলোক তাঁহার নিকট যাইয়া উপদেশ গ্রহণ করিতে লাগিলেন। রামপ্রসাদ সুর্যোগ বুঝিয়া একদিন একাকী নির্জনে তাঁহার সঙ্গে দেখা করিলেন। পণ্ডিত-প্রবর সাধকশ্রেষ্ঠ আগমবাগীশ রামপ্রসাদকে দেখিয়াই বুঝিতে পারিলেন—এ সামান্য মানব নহে। আনন্দে কয়েকদিন তাঁহাকে তত্ত্বোক্ত সাধনা বিষয়ে নানা উপদেশ করিতে লাগিলেন। কয়েক দিন পর আগমবাগীশ চলিয়া গেলেন, কিন্তু রামপ্রসাদ দ্বিগুণ উৎসাহে তান্ত্রিক সাধনায় মগ্ন হইলেন। পিতা দেখিলেন, সাংসারিক কোন বিষয়ে রামপ্রসাদের আগ্রহ একেবারেই নাই। নানা ভাবে ধর্মকারণ্যে তিনি অধিকংশ সময় অতিবাহিত করেন। পিতা নিজে ধার্মিক। সুতরাং পুত্রকে ধর্মকারণ্যে বাধা দিবার কথা কোন দিন তাঁহার মনে স্থান পায় নাই। বরং তাহাতে তিনি আনন্দিতই হন। কিন্তু সংসার তো আছে। পিতার সম্পত্তি বিশেষ কিছু নাই, কোন রকমে অভাবের সংসার সুখে দুঃখে চলিয়া যায়। তাঁহার অবর্তমানে রামপ্রসাদকেই সংসার চালাইতে

হইবে। অথচ পুত্রের সংসারকার্যে সেরূপ আগ্রহ না থাকায়, পিতা মাঝে মাঝে চিন্তাকুল হইয়া পড়িতেন। কিন্তু মুখ ফুটিয়া কোন দিন কিছু বলিতেন না। যাহার ইচ্ছায় এই বিশ্বসংসার চলে, সেই পরম কারুণিক পরমেশ্বর কি আর এই ক্ষুদ্র সংসারের ভার লইবেন না? ক্ষুদ্র পরিবারের এই কয়েকটি প্রাণীকে কি আর দেখিবেন না? উপায়ান্তর না দেখিয়া পিতা এইভাবে আপনার মনকে বুঝাইতেন।

এদিকে রামপ্রসাদ বিশেষ আগ্রহে পূজাপাঠ জপ ধ্যানে মগ্ন। নানা বিদ্যাশিক্ষায়ও কোন ক্রটি পরিলক্ষিত হইল না। কিন্তু চিরকাল সমান যায় না। হঠাৎ রামপ্রসাদকে অকুল সাগরে ভাসাইয়া তাঁহার পিতৃদেবস্বর্গারোহণ করিলেন।

অভাবের তাড়নায়

হঠাৎ পিতৃবিয়োগ হওয়ায়, রামপ্রসাদের মাথায় যেন আকাশ ভাঙিয়া পড়িল। এতদিন তিনি নানা বিদ্যা শিক্ষায় তাঁহার সমগ্র মন প্রাণ ঢালিয়া দিয়াছিলেন। কাব্য ও দর্শনশাস্ত্রে তাঁহার বেশ জ্ঞান লাভ হইয়াছিল। পারসী এবং হিন্দী ভাষাতেও ইতিমধ্যে যথেষ্ট ব্যুৎপত্তি হইয়াছিল। যৌবনের প্রারম্ভে যখন বেশ সহজ স্বচ্ছন্দ গতিতে চলিতেছিলেন, তখন হঠাৎ একটা

দমকা হাওয়া তাঁহার জীবনের শ্রোত ফিরাইয়া দিল। পিতৃবিয়োগে সত্যই তিনি চারিদিক অন্ধকার দেখিলেন। মৃত্যু সময়ে পিতা বিশেষ কিছু রাখিয়া যান নাই। স্নেহময়ী জননী, স্ত্রী, ভগিনী প্রভৃতি পরিবারের সকলকে লইয়া তিনি অকূল সাগরে ভাসিলেন। কি করিবেন? সংসারের অভিজ্ঞতা তাঁহার কিছুই নাই, জীবিকার্জনের উপায়ও কিছু জানা নাই। ভাবিয়া ভাবিয়া রামপ্রসাদ দিশাহারা হইয়া পড়িলেন, কিন্তু কূল কিনারা কিছুই ঠিক করিতে পারিলেন না। এই ক্ষুদ্র সংসারের বোঝা যে এত ভারী, পিতা বর্তমানে রামপ্রসাদ একদিনের জন্যও তাহা অনুভব করেন নাই। অথচ আজ ইহা তাঁহার জীবনে বিপর্যয় আনিয়াছে। সহজ স্বচ্ছন্দ গতিকে মন্থর করিয়াছে। আনন্দের সংসারে বিবাদের কালিমা লেপিয়া দিয়াছে।

উপায়ান্তর না দেখিয়া রামপ্রসাদ তাঁহার একমাত্র আরাধ্যা দেবী আত্মশক্তি জগজ্জননী মহামায়ার নিকট করুণ প্রার্থনা জানাইলেন।

কিছুকাল এইভাবে কাটিল কিন্তু উপায় কিছুই হইল না। অবশেষে রামপ্রসাদ মায়ের নাম করিতে করিতে জন্মভূমি পরিত্যাগ করিয়া অর্থোপার্জনের উদ্দেশ্যে কলিকাতা শহরে আসিলেন।

তখনকার কলিকাতা এত বড় না হইলেও, সেখানে বহু ধনী লোকের বাস ছিল, সুতরাং কিছুদিন চেষ্টার পরই রামপ্রসাদের চাকুরী জুটিল। গরাণহাটায় নবরঙ্গ-কুলাধিপতি ৩৬২৭৮৭ মিত্র মহাশয়ের বাটীতে নবাগত যুবক কেরানী হিসাবে নিযুক্ত হইলেন। মাহিনা ৩০ টাকা।*

৩০ টাকার কেরানীগিরি পাইয়া রামপ্রসাদ আনন্দে আত্মহারা হইয়া গেলেন। জগজ্জননী মা আত্মাশক্তি তাঁহাকে কৃপা করিয়াছেন, তাঁহার করুণ নিবেদন শুনিয়াছেন—তাই তিনি মনের আনন্দে গান লিখিয়া বসিলেন—“আমায় দাও মা তবিলদারী”। রামপ্রসাদের ছঁস নাই, হিসাবের খাতায় গান লেখা। মা তাঁহার প্রতি প্রসন্ন। তাই তিনি তাড়াতাড়ি কৃতজ্ঞতা জানাইলেন হিসাবের খাতায়—“আমি নিমকহারাম নই শঙ্করী।”

ইহার পর হইতেই রামপ্রসাদ মায়ের নামে মাতিয়া উঠিলেন। চাকুরী লইয়াছেন, সুতরাং হিসাবের খাতা তাঁহাকে লিখিতেই হইবে। কিন্তু প্রাণ চায় শুধু মায়ের

* কেহ বলেন ভূকৈলাসের রাজ বাড়ীতে আবার কেহ কেহ বলেন—বাগবাজারের মদন গোপাল বিগ্রহ প্রতিষ্ঠাতা দেওয়ান গোকুল মিত্রের বাড়ীতে চাকুরী হইয়াছিল। কিন্তু এ বিষয়ে কোন প্রমাণ পাওয়া যায় না।

নামগানে বিভোর হইয়া থাকিতে। অন্তরের অন্তরতম প্রদেশ হইতে ভক্তির আতিশয্যে বিভিন্ন সময়ে গানের উৎস-মুখ যেন উন্মুক্ত হইতে লাগিল। পাছে ভুলিয়া যান, তাই হিসাবের খাতাতেই লিখিয়া রাখেন, হুঁস নাই। মাঝে মাঝে কালী নাম, দুর্গা নামও হিসাবের খাতায় স্থান পাইল। সে এক অভিনব ব্যাপার! দেখিতে দেখিতে দুর্গা নাম, কালী নাম, প্রসাদী গান, হিসাব প্রভৃতিতে মনিবের খাতা ভরিয়া উঠিল। এই ভাবে প্রায় এক বৎসর কাটিয়া গেল। সাধারণ দৃষ্টিতে এ নিছক পাগলামী বলিয়া মনে হয়। রামপ্রসাদ বিশেষ জানেন, হিসাবের খাতা মায়ের গান কালী নাম লিখিবার জন্ত নয়। ধরা পড়িলে চাকুরী তো যাইবেই, আরও বহু অনর্থ ঘটিতে পারে। কিন্তু কার্যকালে হুঁস থাকে কই? আত্মশক্তি মহামায়ার নামে সময় সময় এত তন্ময় হইয়া পড়েন যে তখন হিসাব বে-হিসাব হইয়া যায়। সাধারণ জগতের নিক্তির হিসাব মনে থাকে কই? মন তখন ক্ষুদ্র সাধারণ গণ্ডী পার হইয়া উচ্চ উচ্চতর প্রদেশে চলিয়া যায়—তাই রামপ্রসাদ হিসাবের খাতায় গান লিখেন—‘আমি বিনা মাহিনার চাকর, কেবল চরণ-ধূলার অধিকারী।’ ক্রমে রামপ্রসাদ গান রচনায় এতটা তন্ময় হইয়া পড়িলেন যে কাজ-কর্মে ক্রটি-বিচ্যুতি ঘটিতে লাগিল। উদ্বর্তন কর্মচারীরা ক্রমশঃ বিরক্ত

হইয়া উঠিলেন এবং মনিবের নিকট পুনঃ পুনঃ নালিশ জানাইতে লাগিলেন। কিন্তু দয়ালু মনিব প্রথম প্রথম বিশেষ কিছুই বলিতেন না। নবাগত যুবকের চাকুরী যাইলে পরিবারের ভরণ পোষণ হইবে কি করিয়া? কিন্তু ক্রমাগত নালিশ শুনিয়া তিনিও বিরক্ত হইয়া উঠিলেন এবং একদিন রামপ্রসাদকে ডাকিয়া আনিবার জন্য আদেশ করিলেন। কৰ্মচারীরা স্বেযোগ বুঝিয়া রামপ্রসাদ এবং হিসাবের খাতা দুই-ই মনিবের সম্মুখে উপস্থিত করিলেন। হিসাবের খাতাখানি হাতে লইয়া মনিব দেখিলেন—একি! আষ্টে-পৃষ্ঠে কালীনাম, দুর্গানাম, মায়ের নামগান। প্রথমেই গানটী ফোখে পড়িল—
আমায় দাও মা তবিলদারী।

আমি নিমকহারাম নই শঙ্করী ॥

পদরত্ন ভাণ্ডার সবাই লুটে, ইহা আমি সহিতে নারি।

ভাঁড়ার জিন্মা যার কাছে মা, সে যে ভোলা ত্রিপুরারী ॥

শিব আশুতোষ স্বভাব-দাতা, তবু জিন্মা রাখ তাঁরি।

অৰ্দ্ধ অঙ্গ জায়গীর—তবু শিবের মাইনে ভারি ॥

আমি বিনা মাহিনার চাকর, কেবল চরণ-ধূলার অধিকারী।

যদি তোমার বাপের ধারা ধর, তবে বটে আমি হারি ॥

যদি আমার বাপের ধারা ধর, তবে তোমা পেতে পারি।

প্রসাদ বলে এমন পদের বালাই ল'য়ে আমি মরি।

ও পদের মতো পদ পাই তো সে পদ ল'য়ে বিপদ সারি ॥

অভাবের তাড়নায়

বার বার তিন বার তিনি এই গানটী পড়িলেন।
ধার্মিকু মনিব গান পড়িতে পড়িতে গম্ভীর হইয়া গেলেন।
“আমি বিনা মাহিনার চাকর তোমার চরণ-ধূলার অধিকারী”
—এই ছত্রটী পড়িবার সময় তাঁহার দুই চোখ জলে ভরিয়া
উঠিল। সম্মুখে দৃষ্টিতে রামপ্রসাদের দিকে তাকাইয়া
বলিলেন—রামপ্রসাদ, এ তুচ্ছ সংসারে কাজ করার জন্য
তুমি জন্মগ্রহণ কর নাই। তুমি তবিলদারী চেয়েছ, সময়
হ'লেই পাবে। আপাততঃ ঘরে গিয়া মায়ের নাম গুণগান
কর এবং সেজন্ত প্রস্তুত হও। হিসাবের খাতা তুমি নষ্ট
কর নাই, বরং তোমার পবিত্র হস্তের লেখনীতে খাতা পবিত্র
হ'য়েছে। বংশানুক্রমে এই খাতা আমার ঘরে যত্নে
থাকবে এবং তোমার ভগবদ্ভক্তির সাক্ষ্য প্রদান ক'রবে।
এখন তুমি বাড়ী যাও। তুমি আমার সংসার হইতে
মাসিক ৩০ টাকা বৃত্তি পাবে।

মনিবের সম্মুখে এখন রামপ্রসাদের ডাক পড়িয়াছে
তখন হইতেই তিনি মায়ের নামে বিভোর, হুঁস নাই।
মনিবের দয়ার কথা ভাবিয়া তিনি আনন্দে মাতোয়ারা
হইয়া গান ধরিলেন—

মন তুই কাঙ্গালী কিসে।

ও তুই জানিস্ না রে সর্বনেশে ॥

সাধক রামপ্রসাদ

অনিত্য ধনের আশে, ভ্রমিতেছ দেশে দেশে ।

ও তোর ঘরে চিন্তামণি নিধি, দেখিসূরে তুই ব'সে ব'সে ॥

মনের মত মন যদি হও, রাখরে যোগেতে মিশে,

যখন অজপা পূর্ণিত হবে, ধ'রবে না আর কাল বিষে ॥

গুরুদত্ত রত্ন তোড়া বাঁধরে যতনে ক'ষে,

দীন রামপ্রসাদের এই মিনতি অভয় চরণ পাবার আশে ॥

মিত্র মহাশয় গান শুনিয়া মুগ্ধ হইয়া গেলেন ।

প্রচুর পারিতোষিক দিয়া তাঁহাকে স্বদেশে পাঠাইয়া দিলেন ।

রামপ্রসাদ ভাবে বিভোর—

“আমি নিমকহারাম নই শঙ্করী ।”

সাধনার প্রারম্ভ

বাড়ী আসিয়া রামপ্রসাদ তাঁহার স্নেহময়ী জননীকে

এই শুভ সংবাদ দিলেন । মা জগদ্ব্যাস কৃপা মনে করিয়া

গর্ভধারিণী তাঁহার উদ্দেশে প্রণাম জানাইলেন । পিতার

মৃত্যুর পর ক্ষুদ্র সংসারের বোঝা রামপ্রসাদের জীবনকে

হ্রস্ববহ করিয়া তুলিয়াছিল । চাকুরী পাইয়া সে ভার

খানিক লাঘব হইল বটে, কিন্তু কেরানীগিরির চাপেতে তাঁহার

জীবনের সহজ স্বচ্ছন্দ গতি মাঝে মাঝে বাধা পাইতেছিল ।

সুমধুর মাতৃনামের অবিরল ধারা মাঝে মাঝে যেন থামিয়া

সাধনার প্রারম্ভে

যাইতেছিল। ইহার জ্ঞাত তাঁহার মনে দুঃখও কম হইত না। কিন্তু উপায় ছিল না। আজ মহামায়া কৃপা করিয়া রাম-প্রসাদের সে বাধাও দূর করিলেন। চাকুরীর চাপ হাঙ্কা হইয়া যাওয়াতে সত্য সত্যই তিনি আজ মুক্ত। বাধা নাই, বিঘ্ন নাই। মায়ের নামে বিভোর হইয়া গেলেন। নিত্য নূতন গান তিনি রচনা করিতেন। গঙ্গাস্নানে গিয়া আকণ্ঠ জলে দাঁড়াইয়া প্রাণ ভরিয়া উচ্চৈঃস্বরে মায়ের নাম গাহিতেন। কুলুকুলুনাদিনী পতিত-পাবনী গঙ্গাবক্ষে সে সুর ধ্বনিত, প্রতিধ্বনিত হইয়া আকাশে বাতাসে খেলিয়া বেড়াইত। সে সুরের মোহিনী শক্তিতে বহুলোক আকৃষ্ট হইত। গঙ্গা-তীরে দাঁড়াইয়া পথশ্রান্ত পথিক আবেগ ভরে গান শুনিত। দিনের পর দিন সুমধুর গান শুনিবার জ্ঞাত গ্রামের লোক ছুটিয়া আসিত। গঙ্গাস্নানার্থী যাত্রীদের ভিড় লাগিয়া যাইত। রামপ্রসাদ মনে বিভোর—“বল্ মা তারা দাঁড়াই কোথা, আমার কেহ নাই শঙ্করী হেথা।”

গঙ্গাবক্ষে নৌকারোহীদের অনেকে নৌকা থামাইয়া বিভোর হইয়া রামপ্রসাদের গান শুনিত। কিন্তু তাঁহার হৃৎস নাই, কেঁ যায়, কে আসে—কে তাঁহার গান শুনে! মায়ের নামে রামপ্রসাদ যেন পাগলপারা হইয়া গেলেন। কথিত আছে—নবদ্বীপাধিপতি মহারাজ কৃষ্ণচন্দ্র একদা নৌকারোহণ-কালে রামপ্রসাদের গান শুনিয়া মুগ্ধ হইয়া

সাধক রামপ্রসাদ

যান। যতক্ষণ গান চলিল, গঙ্গাবক্ষে নৌকা থামাইয়া তিনি একান্ত মনে গান শুনিতে লাগিলেন। রামপ্রসাদ মায়ের নামে বাহু জ্ঞান হীন, মহারাজ কৃষ্ণচন্দ্র গভীর ভাবে মগ্ন। অনেকক্ষণ এইভাবে চলিল, ধীরে ধীরে রামপ্রসাদ তীরে উঠিয়া সন্ধ্যাঙ্ক করিতে লাগিলেন। মহারাজ নৌকা তীরে ভিড়াইয়া অপেক্ষা করিতে লাগিলেন। উপাসনা শেষ হইলে তিনি রামপ্রসাদের সঙ্গে আলাপ করিয়া বড়ই প্রীতি লাভ করিলেন, এবং নবদ্বীপে যাইবার জন্ত তাঁহাকে আমন্ত্রণ করিলেন।

মহারাজ কৃষ্ণচন্দ্র নিজে গুণী লোক, সুতরাং গুণের আদর জানিতেন। গুণী লোক পাইলেই আদর করিয়া প্রচুর অর্থ দিয়া তাঁহার সভায় রাখিতেন। মহারাজ বিক্রমাদিত্যের নবরত্নের সভার স্থায় মহারাজ কৃষ্ণচন্দ্রের পঞ্চরত্নের সভাও খুবই প্রসিদ্ধি লাভ করিয়াছিল। মহারাজ কৃষ্ণচন্দ্র সাধক-চুড়ামণি আগমবাগীশকে গুরুপদে বরণ করিয়া সভার প্রধান রত্ন মধ্যে পরিগণিত করিয়াছিলেন। কবি ভারতচন্দ্র, গোপাল ভাঁড় প্রভৃতি গুণী লোককে তাঁহার সভায় রত্ন হিসাবে রাখিয়াছিলেন। আদি রসের কবি ভারতচন্দ্রকে তিনি রায় ও গুণাকর উপাধি এবং প্রচুর অর্থ দিয়াছিলেন।

জহরী জহর চিনে। সাধক রামপ্রসাদকে দেখিয়াই

সাধনার প্রারম্ভে

তিনি বুঝিলেন এ সামান্য ব্যক্তি নয়। মহারাজ তাঁহাকে সাদর আমন্ত্রণ করিলেন। প্রস্তাব শুনিয়া রামপ্রসাদের মাথায় যেন আকাশ ভাঙ্গিয়া পড়িল। রাজসভায় চাকুরী! রাজার চিত্তবিনোদন করিতে হইবে? তিনি যে একমাত্র আরাধ্যা দেবী মায়ের পায়ে সমগ্র মন প্রাণ ঢালিয়া দিয়াছেন। যে হৃদয় সিংহাসনে মা জগদম্বাকে বসাইয়াছেন— সেখানে মহারাজার স্থান কোথায় হইবে? অস্বীকার করিলে রাজার কোপানলে পড়িতে হইবে। ভাবিয়া ভাবিয়া রামপ্রসাদ কুল কিনারা কিছুই ঠিক করিতে পারিলেন না। অবশেষে রাজার অযাচিত দান তিনি বিনীতভাবে অস্বীকার করিলেন। মহারাজা কৃষ্ণচন্দ্র তাহাতে অসন্তুষ্ট হইলেন না, বরং প্রসাদের তীব্র বৈরাগ্য দেখিয়া মুগ্ধ হইয়া গেলেন। এক শত বিঘা নিষ্কর জমি পুত্রপৌত্রাদি ক্রমে যাহাতে প্রসাদ ভোগ করিতে পারেন, তাহার ব্যবস্থা করিয়া দিলেন। এবং তাঁহাকে কবিরঞ্জন উপাধি দিয়া সন্মানিত করিলেন। রামপ্রসাদ “নিমকহারাম” নন, সুতরাং রাজার এ অযাচিত দান তিনি ভুলিলেন না। কিছুদিন পর “বিজ্ঞানন্দর”* নামক কাব্যগ্রন্থ লিখিয়া মহারাজকে উপহার দেন।

* রামপ্রসাদের রচনাবলীতে আমরা বিজ্ঞানন্দর সম্বন্ধে আলোচনা করিয়াছি।

আর একটা কিংবদন্তী আছে। নবাব সিরাজদ্দৌল্লা তখনকার দিনে প্রবল প্রতাপাধিত। তিনি এই সময় মাঝে মাঝে নৌকা আরোহণে মুর্শিদাবাদ হইতে কলিকাতা যাতায়াত করিতেন। একদিন দূর হইতে হঠাৎ তিনি রামপ্রসাদের গান শুনিতে পান। সুমধুর কণ্ঠের গান তাঁহার বড়ই ভাল লাগিল। তিনি নৌকা তীরে ভিড়াইতে বলিলেন এবং কে এমন মধুর গান গাহিতেছে সংবাদ লইলেন। পরিচারকরা বলিল এক ব্যক্তি গঙ্গা-জলে দাঁড়াইয়া এই গান গাহিতেছে। তিনি নিকটে আসিয়া রামপ্রসাদকে তাঁহার নৌকায় উঠিতে বলিলেন। নবাব তাঁহার সুমধুর কণ্ঠের আর একটা গান শুনিতে চাহিলেন। রামপ্রসাদ নবাবের বুঝিবার উপযোগী একটা হিন্দী গান আরম্ভ করিলেন। নবাবের হিন্দী গান ভাল লাগিল না। তিনি বলিলেন—তুমি এইমাত্র যে গান গাহিয়াছিলে তাহাই গাও। রামপ্রসাদ এবার সুদূর্লভ কণ্ঠে তাঁহার স্বরচিত গান বিভোর হইয়া গাহিতে লাগিলেন। নবাব সাহেব গান শুনিয়া অতীব আনন্দিত হইয়া প্রসাদকে রাজধানী মুর্শিদাবাদ যাইবার জন্ত প্রসাদের নিমন্ত্রণ করিলেন। কিন্তু তখন তিনি তাঁহার নিমন্ত্রণ রক্ষা করিতে পারেন নাই। কথিত আছে, পরে এক সময় মুর্শিদাবাদ যাইয়া নবাবের অনুরোধ রক্ষা করিয়াছিলেন।

ডুব দে রে মন কালী ব'লে

রামপ্রসাদ তাঁহার পুরাণো মনিব মিত্র মহাশয়ের নিকট হইতে মাসিক ৩০ টাকা মাসহারা পাইতেন, সুতরাং মোটা ভাত মোটা কাপড়ের ব্যবস্থা ইহাতেই হইত। অতিরিক্ত তিনি আশা করেন নাই। অথচ আজ মহারাজ কৃষ্ণচন্দ্রের বদান্ততায় সংসারের সকল অভাব দূর হইল। প্রসাদ মায়ের আশীর্বাদ মনে করিয়া তাঁহাকে প্রণতি জানাইলেন।

আজ মায়ের কুপায় প্রসাদের সকল অভাব দূর হইয়াছে। মা অন্নপূর্ণার বিশেষ কুপায় প্রসাদের ভাগ্য ভরপুর হইয়া উঠিয়াছে। যে সংসারের বোঝা একদিন বড়ই ভারী বলিয়া বোধ হইতেছিল, যে বোঝা তাঁহার জীবনকে বিষময় করিয়া তুলিয়াছিল, মা অন্নপূর্ণা সে ভার লইয়াছেন। সুতরাং প্রসাদের আর আনন্দের সীমা নাই। তিনি সাধন-সমুদ্রে একেবারে ডুবিয়া গেলেন। “ডুব দে রে মন কালী ব'লে”—রামপ্রসাদ হৃদয়-সমুদ্রে ডুবিবার জন্ত উঠিয়া পড়িয়া লাগিলেন। সাধনার রাজ্যে ডুবিয়া যাওয়া যে কি জিনিস, পাঠক! আমাদের মত সাধারণ মানুষের ধারণায় আসে না। বাসনা কামনার আকর্ষণে মন বিক্ষিপ্ত হইয়া যে কোথায় ঘুরিয়া বেড়ায়, উন্মাদের মত ছুটাছুটি

করে,—সাধারণ মানুষ বুঝিতেই পারে না। শুধু অগাধ শ্রোতে গা ঢালিয়া দেয়। শ্রোতের টানে ঘাত-প্রতিঘাতে জীবনের উত্থান পতন চলিতে থাকে, এবং একদিন এই ভাবেই সাধারণ মানুষ ক্ষুদ্র জীবনের যবনিকা টানিয়া দেয়। সাধক বিক্ষিপ্ত মনকে পুনঃপুনঃ স্থির করিবার চেষ্টা করিয়া জীবনের গতি ফিরাইয়া দেন। এই সাধনা যে কি কঠোর জিনিস, তাহা সাধারণ মানুষের ধারণার বাহিরে। রামপ্রসাদ সাধনার রাজ্যে মাতিয়া উঠিয়াছেন। তিনি চান শুধু নির্জন স্থান, লোক সঙ্গ আর ভাল লাগে না।

তাঁহার বাটীর নিকটে একটি উদ্যান ছিল। বৃক্ষ-লতায় পরিপূর্ণ এই স্থানটি অতীব নির্জন। সুতরাং সাধনার পক্ষে অতি মনোরম। প্রসাদ সেখানে পঞ্চবটী * রোপন করিয়া পঞ্চমুণ্ডীর † আসন স্থাপন করিলেন। ইহাই রামপ্রসাদের সুবিখ্যাত সিদ্ধাসন।^১ কথিত আছে এই আসনেই সাধনা করিয়া তিনি তাঁহার আরাধ্যা দেবী জগজ্জননী মহামায়ার কৃপা লাভ করিয়াছিলেন।

সাধনার অনুকূল স্থান নির্দিষ্ট হইয়াছে। এইবার

* পঞ্চবটী—অশ্বথ, বেল, আমলকী, অশোক, বট—এই পাঁচটি বৃক্ষ একত্র প্রতিষ্ঠা করিয়া “পঞ্চবটী” স্থাপিত হয়।

† পঞ্চমুণ্ডী—সর্প, ভেক, শশ, শৃগাল ও নরমুণ্ডে রচিত হয়। কোথাও কোথাও পঞ্চজাতীর নমুণ্ডেই রচিত হইয়া থাকে।



রাসপ্রাণীদের পঞ্চবটী (ত্রিশ বৎসর পূর্বে গৃহীত ফটো হইতে)



পঞ্চবটীর অপর দৃশ্য

ডুব দেরে মন কালী বলে

রামপ্রসাদ ধীরে ধীরে “হৃদি রত্নাকরের অগাধ জলে” ডুবি-
তেছেন। মাতৃমূর্তি নির্মাণ করিয়া পূজা হোম জপ তপে
অধিকাংশ সময় অতিবাহিত করিতে লাগিলেন। দুইবেলা
আহারের সময় ব্যতীত গৃহে বড় একটা যাইতেন না। একা-
দশী, পূর্ণিমা, অমাবস্যায় কেহ রামপ্রসাদের দেখা পাইত
না, বাড়িতেও যাইতেন না। সাধনার রাজ্যে তাঁহার মন
ক্রমশঃই লীন হইতেছে। “রত্নাকর নয় শূন্য কখন, দু-চার
ডুবে ধন না মিলে”। রামপ্রসাদ মায়ের দর্শনের জন্য আকুল
হইয়া উঠিয়াছেন। মা দেখা দেও—মা দেখা দেও—বলিয়া
দিন রাত কি আকুল প্রার্থনা। মায়ের গান রচনা করিয়া
অবিরত সেইগুলি গাহিতেন—

আমি কি এমনি রবো, মা তারা।

আমার কি হবে গো দীন দয়াময়ী ॥

আমি ক্রিয়াহীন, ভজন-বিহীন

দীনহীন অসম্ভব ॥

আমার অসম্ভব আশা পূরাবে কি তুমি,

আমি কি ওপদ পাবো মা তারা ॥

সুপুত্র কুপুত্র যে হই সে হই,

চরণে বিদিত সব।

কুপুত্র হইলে, জননী কি ফেলে,

এ কথা কাহারে কবো মা তারা ॥

সাধক রামপ্রসাদ

প্রসাদ কহিছে তারা-ছাড়া, নাম
কি আছে যে আর তা লবো ।
তুমি তরাইতে পার, তেঁই সে তারিণী,
নামটী রেখেছেন ভবো, মা তারা ॥

কিন্তু ব্যাকুলতা বাড়িয়াই চলিল, মায়ের দর্শন আর
হইল না ।

নির্জন নিশীতে রামপ্রসাদ সংজ্ঞাহীন, মায়ের দর্শন
হইল না । কত অমাবস্তার মহানিশা কাটিয়া গেল,
কত পূর্ণিমার রাত্রি অবসান হইল, মায়ের দর্শন লাভ
হইল না দেখিয়া রামপ্রসাদ ব্যাকুল ।

মা মা বলে আর ডাকবো না ।

ওমা দিয়েছ দিতেছ কত যন্ত্রণা ॥

ছিলেম গৃহবাসী, বানালে সন্ন্যাসী,

আর কি ক্ষমতা রাখ এলোকেশী ;

ঘরে ঘরে যাবো, ভিক্ষা মেগে খাবো,

মা বলে আর কোলে যাবো না ॥

ডাকি বারে বারে মা মা বলিয়ে

মা কি রয়েছে চক্ষু কর্ণ খেয়ে,

মা বিত্তমানে, এ দুঃখ সম্বন্ধে,

মা মলে কি আর ছেলে বাঁচে না ॥

ডুব দেরে মন কালী বলে

ভণে রামপ্রসাদ মায়ের কি এ মূত্র,

মা হ'য়ে হলি মা সন্তানের শত্রু,
দিবানিশি ভাবি আর কি করিবি,

দিবি দিবি পুন জঠর-যন্ত্রণা ॥

আশার আশায় এই ভাবে বহু দিন কাটিল।
বাহ্যিক জ্ঞান প্রায়ই থাকিত না। অবশেষে একদিন
ভক্তের করুণ মিনতিতে মায়ের আসন টলিল। সত্য
সত্যই মা জগদম্বা প্রথম দর্শন* দিয়া প্রসাদের মনো-
বাঞ্ছা পূর্ণ করেন। প্রসাদ আনন্দে বিভোর, মাতৃনামে
ভরপুর। বহুদিন অপেক্ষা করিয়াই ছিলেন। আজ জগ-
জ্জননীর কুপায় বাসনার পরিতৃপ্তি হইয়াছে। মনের আনন্দে
কি যে করিবেন, কাহাকে বলিবেন, খুঁজিয়া পান না।

এই সময়, অপরূপ দিব্য জ্যোতিতে তাঁহার শরীর
উদ্ভাসিত হইয়া উঠিয়াছিল। প্রতিবেশীরা দেখিলে হঠাৎ
চিনিতে পারিত না, স্তম্ভিত হইত। এই কি সেই
রামপ্রসাদ। কি দিব্য কমনীয় কাস্তি, কি স্নেহময়—মূর্তি।
অপরূপ স্বর্গীয় জ্যোতি যেন সর্বদিকে খেলিয়া বেড়াইতেছে।
দিনের পর দিন আত্মীয়-স্বজন, পাড়া-প্রতিবেশী এ

* রামপ্রসাদের বাস্তব পশ্চিম কোণে এখনও একটা ডোবা
আছে। কথিত আছে তাহার পূর্বধারের বাগানে মায়ের
সহিত প্রসাদের প্রথম দর্শন হইয়াছিল।

দিব্য জ্যোতি দেখিত। কিন্তু কেন এমন হয় বৃথিত
না, অনুমানও কিছু করিতে পারিত না।

ভাব দর্শনাদি সম্বন্ধে নানা কথা।

সাধক-জীবনে সময় সময় বহু অলৌকিক ঘটনার
পরিচয় আমরা পাই। সংসারের সাধারণ মানুষ এ
জাতীয় ঘটনাবলীকে ঠিক ঠিক হৃদয়ঙ্গম করিতে পারে
না। রামপ্রসাদের জীবনেও এ জাতীয় দৃষ্টান্ত বহু
আছে। সেজন্য বিষয়টি একটু বিশদ ভাবে আলোচনা
না করিলে পরিষ্কার হইবে না।

প্রথমতঃ মানুষের অসংযত মনটাকে পুনঃপুনঃ
অভ্যাস পূর্বক সংযত করিতে হইবে। নতুবা সাংসারিক
জীবনে শান্তি পাওয়া যায় না। এই জাতীয় কথাগুলি
আমরা আমাদের প্রাচীন শাস্ত্রগ্রন্থে প্রায়ই উল্লেখ
দেখিতে পাই। কারণ কি? মনই মানুষ জীবনের
কাণ্ডারী। ধর্মজীবন, সামাজিক জীবন ও অর্থনৈতিক
জীবন, সবই মনের দ্বারা গঠিত ও পরিচালিত হয়।
সেই জন্য মন যদি বাউলা হইয়া যায় তা হইলে
সামাজিক জীবন প্রভৃতি সবই বৃথা। বিশেষ কোন
কাজেই লাগে না, এ আমরা বেশ দেখিতে পাই।
সেই জন্যই জপধ্যান-রূপ নানা তপস্ব্যাদির দ্বারা
মনঃসংযম করিবার যাবতীয় বিধান প্রাচীন ঋষিরা দিয়া'

ভাব দর্শনাদি সম্বন্ধে নানা কথা

থাকেন। ব্যাষ্টি এবং সমষ্টি জীবনে ধ্যান জপ তপস্বাদির চর্চা রাখা খুবই দরকার। নতুবা জীবনে শান্তি পাওয়া যায় না। সবই আছে—কিন্তু একের দয়া বিনে সব ছারে খারে গেল। ইহাই সাধারণ মানুষের জীবন।

মহাপুরুষ-জীবনে কিন্তু আমরা এই মনঃসংযমাদি ব্যাপার গভীরতর ভাবে দেখিতে পাই। ধীরে ধীরে যেমন তাঁহারা সাধনার রাজ্যে অগ্রসর হন, মন উচ্চ হইতে উচ্চতর স্তরে উঠিতে থাকে, এবং শেষ পর্য্যন্ত সমাধিস্তর পর্য্যন্ত উঠিয়া নিশ্চিত হয়। সাধকের মন যখন স্তরে স্তরে উঠিতে থাকে, তখন ভাব-দর্শনাদি অনেক রকম হইয়া থাকে। সাধকের আগ্রহে ও ভাবের আবেগে যুগ্মীয় মা চিন্ময়ী হইয়া যান; সাধকের সঙ্গে প্রাণ ভরিয়া কথা বলেন—এই যেমন সাধারণ একজন মানুষের সঙ্গে দাঁড়াইয়া আমরা কথা বলি। সাধক মাকে ভোগ নিবেদন করেন, যুগ্মীয় জীবন্ত হইয়া আদরে দেওয়া ভোগ নিঃশেষ করিয়া ফেলেন। সাধক-জীবনে এই জাতীয় ঘটনা বহু দেখিতে পাওয়া যায়।

বিংশ শতাব্দীতে বিজ্ঞানের প্রভাব যখন চরমে উঠিয়াছে, তখন এই জাতীয় আলোচনা করিতে ভয় হয়। কারণ আমরা বিজ্ঞানের যুগের লোক; চিন্ময়ী মাকে দূরবীন

যন্তে ফেলিয়া দেখিতে চাই। নতুবা বিশ্বাস করি না ;
অর্থাৎ চোখে আজুল দিয়া না দেখাইতে পারিলে
ভাব-দর্শনাদি এই সব মাথার খেয়াল এবং পাগলামি
বলিয়াই আধুনিক শিক্ষিত সমাজ ধরিয়া লয়। পাঠক !
চোখে আজুল দিয়া প্রমাণ করিবার সাহস এবং সামর্থ্য
রাখি না। কিন্তু মহাপুরুষ-জীবনে অলৌকিক ঘটনাবলী
এবং দর্শনাদির কথা আমরা বিশ্বাস করি। এ
বিষয়ে বিশ্বাস ছাড়া উপায় কি আছে ? দিব্য
দর্শন দিব্য চক্ষু ছাড়া হয় না। মহাপুরুষেরা তপস্রাদির
দ্বারা দিব্য চক্ষু লাভ করেন, এবং তাঁহাদের দিব্য দর্শন
হয়। তাই বলিয়া রামা শ্রামা যে কেউ দিব্য দর্শনাদির
সুবিধা সুযোগ লইয়া সংসারের সাধারণ মানুষগুলিকে
ঠকাইয়া বেড়াইবে, ইহাও বলিতেছি না। আমরা জানি
পেট-বৈরাগীর দল সংসারের সহজ সরল মানুষগুলির
বিশ্বাসকে মূলধন করিয়া ব্যবসায়ি খুলিয়া দেয়। ভাবে,
সংসারে দেনা-পাওনার এমন সহজ উপায় বুঝি আর
কিছু নাই।

চোখে আজুল দিয়া প্রমাণ করিবার সামর্থ্য রাখি
না, কিন্তু আধুনিক শিক্ষিত সমাজের লোকের মত
মহাপুরুষ-জীবনের অলৌকিক ঘটনাবলীকে মাথার খেয়াল
বলিয়া উড়াইয়া দিবার স্পর্দ্ধাও করি না। কয়লার

ডুব দেরে মন কালী বলে

খনিতে মণি পাওয়া যায় বলিয়া বাজারে কয়লা এবং মণি একদরে বিকায় না। ইহা বলিবার উদ্দেশ্য এইটুকু যে, মেকি জিনিস সংসারে আছে বলিয়া খাঁটি জিনিসের আমরা যেন অনাদর না করি।

নিম্নে রামপ্রসাদ-জীবনের কয়েকটি অলৌকিক ঘটনার অবতারণা করিতে হইবে। আধুনিক শিক্ষিত সমাজের নিকট এ জাতীয় ঘটনাবলী উল্লেখ করিতে সত্যই সঙ্কোচ বোধ হয়। সেই জন্য বিষয়টির সংক্ষেপে আলোচনা করিয়া লইলাম।

কথিত আছে, রামপ্রসাদের ঘরের বেড়া ভাঙ্গিয়া পড়িয়া ছিল। অর্থাভাবে কিছুতেই সেগুলি মেরামত করিতে পারিতেছিলেন না। একদিন নিজেই বেড়া বাঁধিতে আরম্ভ করিয়াছেন, এবং তাঁহার কন্যা জগদীশ্বরী অপর পার্শ্বে বসিয়া বেড়া বাঁধিবার দড়ি ফিরাইয়া দিতেছিলেন। অনেকক্ষণ এইভাবে চলিয়াছে, জগদীশ্বরী পিতাকে না বলিয়াই হঠাৎ কার্যোপলক্ষে চলিয়া গিয়াছেন। রামপ্রসাদ কিছুই জানিতে পারিলেন না। কন্যার অবর্তমানেও দড়ি ঠিক ফিরিয়া আসিতেছিল। অনেকক্ষণ পরে জগদীশ্বরী আসিয়া দেখিলেন, বেড়া অনেকদূর বাঁধা হইয়া গিয়াছে। আশ্চর্য্য হইয়া পিতাকে জিজ্ঞাসা করিলেন—দড়ি কে ফিরাইয়া দিলে, বাবা ?

সাধক রামপ্রসাদ

কেন মা তুমিই তো দড়ি ফিরাইয়া দিতেছ—রামপ্রসাদ
অতীব আশ্চর্য্যাব্বিত হইয়া বলিয়া উঠিলেন ।

আমি তো অনেকক্ষণ এখানে ছিলাম না, বাবা ।
অন্যকাজে গিয়াছিলাম ।

শুনিয়া রামপ্রসাদ স্তম্ভিত ! কে দড়ি ফিরাইয়া দিল !
অনেকক্ষণ অভিভূত হইয়া রহিলেন ! তাঁহার বিশ্বাস,
জগজ্জননী স্বয়ং কথারূপে আসিয়া দড়ি ফিরাইয়া
দিয়াছেন । কৃতজ্ঞতায় হৃদয়খানি ভরিয়া উঠিল ।
মনের আবেগে গান ধরিলেন—

মন কেন মায়ের চরণ ছাড়া ।

ও মন ভাব শক্তি, পাবে মুক্তি, বাঁধ দিয়া ভক্তি দড়া ॥
নয়ন থাকতে দেখলে না মন, কেমন তোমার কপাল পোড়া ।
মা ভক্তে তনয়া রূপেতে বেঁধে গেলেন ঘরের বেড়া ॥

যখনই রামপ্রসাদ মায়ের সাড়া পাইতেন, আনন্দে বিভোর
হইয়া তিনি গান ধরিতেন ; পাগল হইয়া যাইতেন ।
অপার্থিব আনন্দে তাঁহার মন যে কোথায় খেলিয়া
বেড়াইত, কে জানে ?

কথিত আছে, একদিন অল্প-বয়স্কা পরমা সুন্দরী
একটি স্ত্রীলোক রামপ্রসাদের গান শুনিতে আসেন ।
প্রসাদ তখন স্নান করিতে যাইতেছিলেন । সুতরাং

ডুব দেরে মন কালী বলে

রমণীকে বসিতে বলিলেন । স্নান করিয়া কিরিয়া আসিয়া দেখেন স্ত্রীলোকটি নাই, কোথায় অন্তর্হিত হইয়া গিয়াছেন । হঠাৎ ভয়ে ও বিস্ময়ে তাঁহার রোমাঞ্চ হইল, এবং এদিক ওদিক তাকাইয়া স্ত্রীলোকটির সন্ধান করিতে লাগিলেন । চণ্ডী-মণ্ডপের দেওয়ালে চোখ পড়িতেই দেখিলেন লেখা রহিয়াছে—আমি অন্তর্পুরী, তোমার গান শুনিতে এসেছিলাম । এখন আর অপেক্ষা করিতে পারিনে । তুমি কালীতে গিয়ে আমাকে গান শুনিয়া আসবে ।

দেওয়ালের গায়ে এই কয়টি কথা পড়িয়া রামপ্রসাদ একেবারে চঞ্চল হইয়া উঠিলেন । কি করিবেন, ভাবিয়া কিছু ঠিক করিতে পারিলেন না । মা অন্তর্পুরী স্বয়ং আসিয়াছিলেন গরীবের কুটীরে গান শুনিতে ! কিন্তু স্নান করিবার ঝঞ্জাটে রামপ্রসাদ মা অন্তর্পুরীকে বসাইয়া রাখিলেন । ক্ষোভ ও ব্যথায় তাঁহার হৃদয়খানি ভরিয়া উঠিল । উপায় নাই, তাঁহাকে কালী যাইতেই হইবে । কাল বিলম্ব না করিয়া বারাণসীর দিকে রওয়ানা হইলেন । তিনি আনন্দে ভরপুর, মা অন্তর্পুরীকে গান শুনাইবেন । কিন্তু আর তাঁহার কালী যাওয়া হইল না । ত্রিবেণীর নিকটে পথি মধ্যে স্বপ্নে দেখিলেন, কালী যাইতে হইবে না । সেখানেই গান গাহিলে চলিবে ।

সাধক রামপ্রসাদ

তখন রামপ্রসাদ আনন্দে আত্মহারা ! ত্রিবেণীর সন্নিকটে বসিয়া মনের আনন্দে বহু গান গাহিলেন। হৃদয়ের গভীরতম প্রদেশ হইতে আপনি বহু গান ঝরণার ধারার আয় বহিয়া আসিতে লাগিল। সাক্ষাৎ সরস্বতী যেন কণ্ঠে বসিয়া গানের পর গান রচনা করিয়া দিলেন। রামপ্রসাদ বিভোর হইয়া গাহিতেছেন—৩মায়ের গান।*

আর একটি অলৌকিক ঘটনার কথা তাঁহার জীবনীতে পাওয়া যায়। রামপ্রসাদ কালীপূজার পরের দিন প্রতিমা-বিসর্জনের সময় এক গলা গঙ্গাজলে দাঁড়াইয়া চারটি গান রচনা করেন, এবং বিভোর হইয়া গাহিতে থাকেন।

কথিত আছে চতুর্থ গানের শেষ অংশ ‘দক্ষিণা হয়েছে’ এই কথাটি উচ্চারণ করা মাত্রই তাঁহার ব্রহ্মরন্ধ্র বিদীর্ণ হইয়া যায় এবং তৎক্ষণাৎ তিনি ভাগীরথী বক্ষে শেষ আশ্রয় গ্রহণ করেন।

রামপ্রসাদের জীবনে আরও অনেকগুলি অলৌকিক ঘটনার কিম্বদন্তী আছে। কিন্তু সঠিক প্রমাণ না পাওয়ায় সেগুলি আর এখানে লিপিবদ্ধ করা গেল না। অন্যান্য অধ্যায়ে সামান্য দুই একটি এ জাতীয় ঘটনার উল্লেখ আছে মাত্র।

* এই ঘটনাটিও কয়েকটি প্রসাদ-সঙ্গীত হইতে পাওয়া যায়।

সাধনা ও দিব্যভাব

সাধক জীবনে, সাধনার রাজ্যে মন যখন একেবারে লীন হইয়া যায়, তখন এ জাতীয় অলৌকিক দর্শনাদি হয় তো অনেক হয়, কে তাহার খবর রাখে ! সাধক নিজেও তাহা বিশেষ করিয়া বলিয়া যান না । সেই জন্ত আমাদের নিকট আর একটি বিরাট জগতের খবর যেন প্রহেলিকা মাত্র । গীতায় আছে—

“যা নিশা সর্বভূতানাং, তস্মাং জাগর্ন্তি সংযমী”

•—অর্থাৎ সর্বভূতের নিকট যাহা নিশা বা অন্ধকার বলিয়া ধরা হয়, সংযমী পুরুষের সেইটাই হইল জাগ্রত অবস্থা । সাধারণ মানুষের কাছে একটা বিরাট জগতের সংবাদ অজ্ঞাত ; কিন্তু, মহাপুরুষগণ দিব্যচক্ষে সেই জগতের যাবতীয় বস্তু ও ব্যাপার দেখিতে পান ।

মহাপুরুষ-জীবনের অলৌকিক ঘটনাবলীকে শুধু শ্রদ্ধার সহিত বিশ্বাস করা ছাড়া, আমাদের উপায় নাই ।

সাধনা ও দিব্যভাব

পঞ্চমুণ্ডীর, আসনে বসিয়া রামপ্রসাদ কঠোর সাধনায় মগ্ন ; আহার বিহার পর্যন্ত ভুল হইয়া গেল, প্রায়ই বাড়ীতে আসেন না । দৈনন্দিন খুঁটিনাটি কাজে আর তাঁহার মন লাগে না । গরীব সংসারে মাতা সর্বৈশ্বরী কোন উপায়ে

সাধক রামপ্রসাদ

সংসার চলাইয়া যান। রামপ্রসাদ তাহার সংবাদও রাখেন না। কঠোর সাধনা করিয়া ধীরে ধীরে তিনি মনকে জগত হইতে অনেক উপরে উঠাইয়া ফেলিয়াছেন। লোকজন কেহ সাধনার স্থানে—পঞ্চমুণ্ডীর আশে পাশে—যাইতে ভয় করিত। নবদ্বীপাধিপতি মহারাজা কৃষ্ণচন্দ্র মাঝে মাঝে গান শুনিবার জন্ত তথায় আসিতেন। রামপ্রসাদ নিত্য নূতন মায়ের গান রচনা করিয়া গাইয়া তাঁহাকে শুনাইতেন। মহারাজ কৃষ্ণচন্দ্র লক্ষ্য করিলেন—রামপ্রসাদ এ জগতের মানুষ নহেন। তাঁহার দিব্য ভাব, দিব্য কান্তি দেখিয়া মহারাজ মনে করিতেন, দেবলোক হইতে দেবর্ষি নাগিয়া আসিয়াছেন। রামপ্রসাদ মাঝে মাঝে মহারাজের সঙ্গে নানা বিষয়ে কথা বলেন; কিন্তু একটুখানি লক্ষ্য করিলেই বুঝা যায়, মন তাঁহার এ জগতে নাই। মহারাজ কৃষ্ণচন্দ্র অবাক হইয়া ভাবিতেন—এ কি অবস্থা! অনেক সময় তাঁহার কথাবার্তার কোন সামঞ্জস্য নাই, সাধারণ লোকে পাগল বলিয়াই মনে করিবে। কথাটীও সত্য। বাউলা হইয়া গিয়াছেন। পোষ্য স্ত্রীপুত্রপরিবারের ভরণ-পোষণাদির ভাবনা পর্য্যন্ত তাঁহার একেবারে লোপ পাইয়াছে। সাধারণ দৃষ্টিতে কর্তব্যের গুরুতর অব-হেলা! কিন্তু সংসারের সাধারণ মাপকাঠির নিজির ওজনে সাধকগণকে ওজন করা যায় না। সাধক জীবন

সাধনা ও দিব্যভাব

সাধারণ নিয়মের বাহিরে গিয়া দাঁড়ায়। দিব্যোন্মাদের এই রীতি, এই নিয়ম।

মাঝে মাঝে হয়তো কখনও বাড়ীতে আসিয়াছেন। দারিদ্র্যের পীড়নে পত্নীর দূরবস্থা লক্ষ্য করিয়াছেন। মুহূর্তের জ্ঞাত হয়তো তাঁহার হৃদয়ের গভীরতম প্রদেশ আলোড়িত হইয়া উঠিয়াছে; কিন্তু যখনই পুনরায় পঞ্চমুণ্ডীর আসনে গিয়াছেন, তখন সব ভুল হইয়াছে। স্ত্রীপুত্রপরিবার—কে কার? কঠোর সাধনার সময় রামপ্রসাদের দিনগুলি এইভাবে অতিবাহিত হইতে লাগিল। রামপ্রসাদ তিথি, নক্ষত্র ও বার ভুলিলেন। ৩মায়ের নামে তিনি ডুবিয়া গেলেন।

এই সময় তাঁহার স্বভাব একেবারে বালকের মত হইয়া গেল। তিনি যেন পাঁচ বৎসরের বালক। শাস্ত্রে আছে, যখন সাধনার উচ্চস্তরে মন উঠে তখন সাধকের মন উন্মাদবৎ, পিশাচবৎ অথবা বালকবৎ হইয়া যায়। রামপ্রসাদেরও আজ সেই অবস্থা। সবদিকে সমদৃষ্টি, ভাল মন্দের জ্ঞান নাই, সাধারণ জগতের লাভলোকসান ছোটবড় প্রভৃতি নিক্তির ওজনে হিসাব করা জিনিসের প্রতি, আজ তিনি সম্পূর্ণ উদাসীন। নির্বিকল্প সমাধিস্থরে সাধকের মন না গেলে এ অবস্থা হয় না। সাংসারিক কাজকর্ম রামপ্রসাদের

সাধক রামপ্রসাদ

একেবারেই ভুল হইয়া গেল। পরিবারের সকলে তাঁহার এই উচ্চ অবস্থা লক্ষ্য করিলেন, এবং সংসারের যাবতীয় ভার নিজেরা গ্রহণ করিলেন। তুচ্ছ সংসারের যাবতীয় খুঁটিনাটিতে তাঁহাকে আর মোটেই আসিতে হইল না। পুত্র রামহুলালও বুঝিলেন, এই অবস্থায় পিতাকে সামান্য তুচ্ছ জিনিসে কষ্ট দেওয়া বৃথা বিড়ম্বনা। প্রসাদ ধীরে ধীরে এ জগৎ ভুলিলেন। অন্তর্জগতের পর্দার আড়ালে বসিয়া তাঁহার দিনগুলি দিব্য আনন্দে কাটিয়া যাইত। সংসারের কোন দায়িত্ব তাঁহার নাই, রামপ্রসাদ আজ উদাসীন বালকের মত সহজ, সরল। এই সময় বহুলোক তাঁহার কাছে গান শুনিতে আসিত। মিষ্ট ব্যবহারে তিনি সকলকেই আদর আপ্যায়ন করিতেন, এবং মায়ের সুমধুর গান শুনিয়া সকলেই নিজেকে ধন্য মনে করিত।

মাতার মৃত্যু

এই সময় হইতে প্রসাদের নাম চারিদিকে ছড়াইয়া পড়িল। তাঁহার দেহের দিব্য কান্তি এবং কবিত্ব শক্তির অদ্ভুত সুরণ, এই দুই একসঙ্গে মিলিত হইয়া বহু লোককে আকর্ষণ করিতে লাগিল।

মায়ের মৃত্যু

বুঢ়া জননী সিদ্ধেশ্বরী সৰ্বদা তাঁহার পুত্রের মঙ্গল কামনা করিতেন। প্রসাদের আধ্যাত্মিক জীবনের ক্রমশই উন্নতি হইতেছে দেখিয়া তিনি যার পর নাই আনন্দিতা হইলেন। তাঁহার প্রিয় পুত্র মায়ের নাম-গানেই অধিকাংশ সময় অতিবাহিত করেন, সংসারের সংবাদও রাখেন না। বুঢ়া জননী সাধানুযায়ী সংসারের যাবতীয় কাজকর্ম করিতেন—তবুও রামপ্রসাদের সাধনায় বিঘ্ন উৎপাদন করিতেন না। কিন্তু সিদ্ধেশ্বরীর শরীর ভাঙ্গিয়া পড়িয়াছিল, এবং বার্ষিক্যহেতু নানাপ্রকার জটিল ব্যাধিতে তাঁহার শরীর আক্রান্ত হইয়া পড়িল। রামপ্রসাদ চিন্তাশ্রিত, জননীর পীড়ায় ব্যতিব্যস্ত হইয়া উঠিলেন। প্রসাদের স্ত্রী সৰ্ব্বাঙ্গী শাপুড়ীর সেবায় আত্ম-নিয়োগ করিলেন। কিন্তু কোনও ফল হইল না। প্রসাদের গৰ্ভধারিণী ইষ্ট নাম করিতে করিতে ইহলোক পরিত্যাগ করিলেন।

মাতার মৃত্যুর পর প্রসাদের জীবনে অদ্ভুত পরিবর্তন দেখা গেল। সদা সৰ্বদা উদাসীন ভাব। পিতার মৃত্যুতে তাঁহার জীবনে বিপর্যায় আসিয়াছিল, ক্ষুদ্র সংসারের বোঝা বড়ই ভারী হইয়া উঠিয়াছিল। কিন্তু মাতার মৃত্যুর পর অবস্থা ঠিক বিপরীত দাঁড়াইল। যেন সংসারের কোন দায়িত্বই আজ তাঁহার নাই। ইহার অস্তিত্ব আছে কি

না সন্দেহ ! অথচ স্ত্রীপুত্র পরিবার সবই বিদ্যমান । সংসার ধীরে ধীরে বড় হইয়া উঠিয়াছে । মাতৃ-বিয়োগে দৈনন্দিন কাজে তাঁহার তীব্র বৈরাগ্য পরিলক্ষিত হইল । স্নেহময়ী জননীর ভালবাসার কোমল বন্ধনে তিনি বাঁধা পড়িয়াছিলেন । আজ হঠাৎ সেই স্নেহের বন্ধন ছিন্ন হওয়াতে রামপ্রসাদ একেবারে উদাসীন হইয়া উগ্র তপস্যায় মাতিয়া উঠিলেন । ইহার পরই একদিন অমাবস্তা তিথিতে গ্রামের নিকটস্থ শ্মশানে* যাইয়া তিনি শবসাধনায় নিযুক্ত হইলেন । সমগ্র অমানিশিতে কি কাতর প্রার্থনা—মায়ের নিকট কি করুণ মিনতি ! কথিত আছে, বরাভয়করা আত্মাশক্তি মহামায়া অমানিশার সাধনায় তুষ্ট হইয়া প্রসাদের সম্মুখে উপস্থিত হইয়াছিলেন ।

গর্ভধারিণীর অভাবে প্রসাদের সংসার শূণ্য হইয়া গিয়াছে । কোনও বোঝা, ভার, দায়িত্ব তাঁহাকে সংসারে আকর্ষণ করিতে পারিল না । নিভৃত নির্জনে তাঁহার সিদ্ধাসনেই তিনি অধিকাংশ সময় অতিবাহিত

* কেহ কেহ বলেন, রামপ্রসাদের এই শবসাধনা—বড়তির বিলে হইয়াছিল । স্থানটি চব্বিশ পরগণায় শ্রামনগর ও ইছাপুরের মধ্যে অবস্থিত । প্রসাদের জীবনে ইহাই প্রধান কার্য—ইহার উত্তর সাধক ছিলেন একজন সন্ন্যাসী ।

আজু গোঁসাই ও রামপ্রসাদ

করেন। বিশেষতঃ অমাবস্তা, পূর্ণিমা, অষ্টমী, একাদশী, মঙ্গলবার, শনিবার প্রভৃতি বিশেষ দিন এবং বিশেষ তিথিতে তিনি আহার ও নিদ্রা পরিত্যাগ করিয়া মায়ের নাম ও ধ্যান করিতেন। সিদ্ধাসনে বসিয়া কি উগ্র তপস্তা।

সাধনার রাজ্যে রামপ্রসাদ অনেক দূর অগ্রসর হইয়াছিলেন। একটু বেশী করিয়া মন স্থির করিলে দেখিতে পাইতেন—মূর্ত্তিমতী মা কালীরূপে হস্ত বদনে দাঁড়াইয়া। বরাভয়করা চিন্ময়ী মূর্ত্তি। এই সময় প্রায়ই তাঁহার মাতৃ-দর্শন হইত। সমস্ত বিশ্বসংসার তিনি মাতৃময় দেখিতেন। আসনে বসিলেই ছায়ামূর্ত্তি দেখিতে পাইতেন। তাঁহার নিজের অস্তিত্বটুকু পর্য্যন্ত ভুলিয়া গিয়া তিনি সর্বস্ব মায়ের চরণে অর্পণ করিয়াছিলেন।

আজু গোঁসাই ও রামপ্রসাদ

সমসাময়িক এবং স্বগ্রামবাসী আজু গোঁসাইয়ের বিষয় কিছু না বলিলে রামপ্রসাদের জীবনের একটা অধ্যায় অপূর্ণ থাকিয়া যায়। আজু গোঁসাই বিশেষ স্বনামধন্য পুরুষ নহেন। তাঁহার বংশধরেরা আজ বাঁচিয়া নাই। কিন্তু রামপ্রসাদ-জীবনের পাশা-পাশি তিনি এমন ভাবে আসিয়া দাঁড়াইয়াছিলেন যে, সাধকের সঙ্গে তিনিও অমর হইয়া গিয়াছেন।

সাধক রামপ্রসাদ

হালিশহর গ্রাম প্রধানতঃ শাক্ত-প্রধান স্থান বলিয়াই বিখ্যাত। কিন্তু এখানে বৈষ্ণবদেরও যথেষ্ট প্রভাব প্রতিপত্তি ছিল। বিশেষ করিয়া মহাপ্রভু শ্রীচৈতন্যের সাক্ষোপাঙ্গ শ্রীবাস পণ্ডিত, মুরারি গুপ্ত প্রভৃতি এই গ্রামে এবং পার্শ্ববর্তী গ্রামসমূহে বাস করিয়াছিলেন। মহাপ্রভু শ্রীচৈতন্যের গুরু শ্রীঈশ্বরপুরীরও এ গ্রামে যথেষ্ট খ্যাতি ছিল। সময় সময় এখানে শাক্ত ও বৈষ্ণবদের মধ্যে পরিহাস চলিত, নানাবিধ তর্ক-বিতর্ক বাদ-বিবাদ হইত। বৈষ্ণবেরা শাক্তদের বিরুদ্ধে নানাবিধ ছড়া গাঁথিয়া গাহিয়া বেড়াইতেন। শাক্তরাও তাহার প্রতিবাদ ও প্রত্যুত্তর করিতেন। যদিও পরস্পরের মধ্যে ঠাট্টা বিদ্রোপাত্মক গান রচনাদি হইত, তাহা হইলেও এই দুই সম্প্রদায়ের মধ্যে কোন সত্যকার বিবাদ ছিল না। রামপ্রসাদ কখনও বিরোধী ভাব রাখিতেন না। তাঁহার নিম্নলিখিত গান হইতে ইহা বুঝা যায়।—

“মন ক’রো না দ্বেষাদ্বেষি।

যদি হবি রে বৈকুণ্ঠবাসী ॥

আমি বেদাগম পুরাণে, করিলাম কত খোঁজতালাসি।

ঐ যে কালী কৃষ্ণ, শিব রাম, সকল আমার এলোকেশী ॥

শিবরূপে ধর শিঙ্গা, কৃষ্ণরূপে বাজাও বাঁশী।

ওমা রামরূপে ধর ধনু, কালীরূপে করে অসি ॥

আজু গৌসাই ও রামপ্রসাদ

দিগম্বরী দিগম্বর, পিতার চরণবিলাসী ।

শ্মশানবাসিনী বাসী, অযোধ্যা গোকুলনিবাসী ।

ভৈরবী ভৈরব সঙ্গে শিশু সঙ্গে এক বয়সী ।

যেমন অনুজ ধানুকী সঙ্গে জানকী পরম রূপসী ॥

প্রসাদ বলে ব্রহ্ম নিরূপণের কথা দৈতোর হাসি ।

আমার ব্রহ্মময়ী সর্ব্ব ঘটে, পদে গঙ্গা গয়া কানী ॥”

রসিক বৈষ্ণব আজু গৌসাই সময় সময় বিদ্রুপাত্মক গণন রচনা করিতেন। তাঁহার আসল নাম যে কি ছিল কেহই বলিতে পারে না। অযোধ্যানাথ গৌসাই, অচ্যুত গৌসাই, রাজু গৌসাই ইত্যাদি বিভিন্ন নাম নানা লোক বলিয়া থাকে। রাজু গৌসাইকে আজু গৌসাই বলিয়া ডাকিত এবং শেষ পর্য্যন্ত তিনি এই নামেই পরিচিত ছিলেন। তিনি একজন গ্রাম্য কবি, ছড়া গান গাঁথিবার তাঁহার অদ্ভুত শক্তি। অদ্ভুত পরিহাস, রসিকতা, উপস্থিত ক্ষেত্রে রচনা করিবার বিশেষ ক্ষমতা, এবং কিঞ্চিৎ পাণ্ডিত্যও তাঁহার ছিল। রামপ্রসাদের গানের খ্যাতি চারিদিকে ছড়াইয়া পড়িয়াছিল। রসিক বৈষ্ণব আজু গৌসাই সাধকের গানের বিকৃত অর্থ করিয়া পরিহাস ছলে নানা-বিধ গান ও ছড়াতে তাহার প্রত্যুত্তর দিতেন। তাঁহার বিরচিত এ জাতীয় গান বহু ছিল। কিন্তু দুর্ভাগ্যবশতঃ আজু তাহার প্রায় সবই বিলুপ্ত। বিদ্রুপাত্মক গান বলিয়া

কেহই এই গান মনে করিয়া রাখে নাই। সকলেই তাঁহাকে পাগল বলিয়া জানিত। অদ্ভুত প্রকৃতিসম্পন্ন মানুষটি, হাসে কাঁদে নাচে গায়, বাহ্যিক ব্যবহার ঠিক পাগলেরই মত। অথচ এই পাগলামীর মধ্যেও মাঝে মাঝে অদ্ভুত কবিত্ব শক্তি এবং উচ্চ আধ্যাত্মিকতার ভাবও ফুটিয়া উঠিত। সেই জন্য মনে হয়, আজু গৌসাই সাধক পুরুষ ছিলেন। পাগলামীর ভাণ করিয়া তিনি সদানন্দে বিভোর হইয়া থাকিতেন।

মহারাজ কৃষ্ণচন্দ্র মাঝে মাঝে রামপ্রসাদের গান শুনিতে এই গ্রামে আসিতেন। আজু গৌসাই মহারাজের আগমনের সংবাদ পাইলেই ছুটিয়া আসিয়া উপস্থিত হইতেন। রামপ্রসাদ বাহ্যজ্ঞানহীন হইয়া মায়ের নাম করিতেছেন। আজু গৌসাই তৎক্ষণাৎ বিদ্রূপ করিয়া সেই গানের জবাব দিতেছেন। মহারাজ বিদ্রূপাত্মক গানের মধ্যে অদ্ভুত কবিত্ব শক্তি দেখিয়া মুগ্ধ হইতেন, এবং তাঁহার গান আনন্দের সঙ্গে উপভোগ করিতেন। আজু গৌসাই দ্বিগুণ উৎসাহে নানাবিধ গান রচনা করিয়া রামপ্রসাদের জবাব দিতেন। ভাবের ব্যাঘাত হইত বলিয়া রামপ্রসাদ বিরক্ত হইতেন। একদিন পাগলকে লক্ষ্য করিয়া রামপ্রসাদ বলিলেন, “কর্মের ঘাট, তৈলের কাট আর পাগলের ছাঁট—ম’লেও যায় না।” পাগলের ছাঁট আজু

আজু গৌসাই ও রামপ্রসাদ

গৌসাইকে লক্ষ্য করিয়াই বলা হইয়াছে। আজু গৌসাই বেশ বুঝিতে পারিলেন। প্রত্যুত্তরে বলিলেন, “কর্মের ডোর, স্বভাব চোর, মদের ঘোর—ম’লেও ঘুচে না।”

মদের ঘোর—এই কথা রামপ্রসাদকে বিজ্ঞপ করিয়া বলিলেন। কারণ, তিনি মাঝে মাঝে সুরাপান করিতেন।

যে কয়টি গান সংগ্রহ করা গেল, তাহা নিম্নে দেওয়া হইল। শুধু এক পক্ষের গান দিলে বিষয়টি বুঝা যাইবে না; সেই জন্য রামপ্রসাদের গানের পরে আজু গৌসাইয়ের বিজ্ঞপাত্মক প্রত্যুত্তরও দেওয়া গেল। আজু গৌসাইএর সম্পূর্ণ গান পাওয়া যায় না। তাই স্থানে স্থানে দুই চারিটি লাইন ব্যতীত বিশেষ কিছু দেওয়া গেল না। কিন্তু ইহাতেও ইহার কবিত্ব শক্তির যথেষ্ট প্রমাণ পাওয়া যাইবে।

“ডুব দেলে মন কালী বলে।

হৃদি রত্নাকরের অগাধ জলে ॥

রত্নাকর নয় শূন্য কখন—ছচার ডুবে ধন না মেলে।।

তুমি দম সামর্থ্যে এক ডুবে যাও, কুলকুণ্ডলিনীর কূলে ॥

জ্ঞান সমুদ্রের মাঝে রে মন, শক্তিরূপা মুক্তা ফলে।

তুমি ভক্তি কর কুড়ায়ে পাবে, শিবযুক্তি মতন নিলে ॥

কামাদি ছয় কুন্তীর আছে, আহার লোভে সদাই চলে।

তুমি বিবেক হলদি গায়ে মেখে যাও, হৌবেনা তার গন্ধ পেলে ॥

সাধক রামপ্রসাদ

রতন মাণিক্য কত, পড়ে আছে সেই জলে ।

রামপ্রসাদ বলে ঝাঁপ দিলে মন, মিলবে রতন ফলে ফলে ॥”

ইহার প্রত্যুত্তরে আজু গৌসাই গাহিয়াছিলেন :—

“ডুবিস্ নে মন ঘড়ি ঘড়ি ।

দম আটকে যাবে তাড়াতাড়ি ॥

একে তোমার ক’ফেনাড়ী, ডুব দিওনা, বাড়াবাড়ী ।

তোমার হলে পরে জ্বরজাড়ি, মন ! যেতে হবে যমের বাড়ী ॥

অতি লোভে তাঁতী নষ্ট, মিছে কষ্ট কেন করি ।

ও তুই ডুবিসনে মন ধরু’গে ভেসে শ্যাম কি শ্যামার চরণ তরী ॥”

রামপ্রসাদের আর একটা সুন্দর ভাবাত্মক গান
নিম্নে দেওয়া গেল :—

“মন রে, আমার এই মিনতি ।

তুমি পড়া পাখী হও, করি স্তুতি ॥

যা পড়াই তাই পড় মন, পড়লে গুনলে দুখি ভাতি ।

ওরে, জান না কি ডাকের কথা, না পড়িলে ঠেঙ্গার গুতি ॥

কালী. কালী কালী পড় মন, কালী পদে রাখ শ্রীতি ।

ওরে, পড় বাবা আত্মারাম, আত্মজনের কর গতি ॥

উড়ে উড়ে বেড়ে বেড়ে, বেড়িয়ে কেন বেড়াও ক্ষিতি ।

ওরে, গাছের ফলে কদিন চলে, করবে চার ফলের স্থিতি ॥

প্রসাদ বলে ফলা গাছে, ফল পাবি মন, শোন্ যুকতি ।

ওরে, বসে মূলে, কালী বলে, গাছ নাড়া দাও নিতি নিতি ॥”

আজু গৌসাই ও রামপ্রসাদ

আজু গৌসাই ইহার উত্তরে এই গান করিলেন ;—

“হয়ো’ না মন পড়া পাখী ।

ওরে বন্দী হলে হয় না সুখী ॥

পাখী হলে তত্ত্ব ভুলে, দিন যাবে পিঞ্জরে থাকি ।

তুমি মুখে বলবে পরের বুলি, পরম তত্ত্বের জানিবে কি ॥

ভক্তি গাছে মুক্তি ফলে, সে ফল উড়ে খাওগে দেখি ।

খেলে মায়ার ফাঁদে পড়বে না আর, শমন ব্যাধে

দিবে ফাঁকি ॥”

রামপ্রসাদ আর এক সময়ে গাহিয়াছিলেন ।—

“আয় মন বেড়াতে যাবি ।

কালী কল্পতরুতলে গিয়ে, চারি ফল কুড়ায়ে খাবি ॥

প্রবৃত্তি নিবৃত্তি জায়া, তার নিবৃত্তিরে সঙ্গে লবি ।

ওরে বিবেক নামে ধ্যেষ্ঠ পুত্র, তত্ত্ব-কথা তায় সুখাবি ॥

অশুচি শুচিকে লয়ে, দিব্য ঘরে কবে শুবি ।

যখন দুই সতীনে শ্রীতি হৈবে, তখন শ্যামা মাকে পাবি ॥

অহঙ্কার অবিদ্ধা তোর, পিতামাতায় তাড়া দিবি ।

যদি মোহ গর্ভে টেনে লয়, ধৈর্য্য খোঁটা ধরে রবি ॥

ধর্মাধর্ম দুটো অজ্ঞা, তুচ্ছ হাড়ে বেঁধে থুবি ।

যদি না মানে নিষেধ তবে, জ্ঞানখড়্গে বলি দিবি ॥

প্রথম ভাষ্যার সন্তানেরে, দূরে রইতে বুঝাইবি ।

যদি না মানে প্রবোধ, জ্ঞান সিন্ধুমাঝে ডুবাইবি ॥

সাধক রামপ্রসাদ

প্রসাদ বলে এমন হলে, কালের কাছে জবাব দিবি ।
তবে বাপু ! বাছা ! বাপের ঠাকুর ! মনের
মতন মনটী হবি ॥”

এই সঙ্গীতটী অতি সুন্দর, গোস্বামীর রচিত নিম্নলিখিত
ব্যঙ্গানুকৃতিও তদনুরূপ হইয়াছে :—

“কেন মন বেড়াতে যাবি ।
কারো কথায় কোথাও বাস্নেনেরে তুই,
মাঠের মাঝে মারা যাবি ।
প্রবৃত্তি নিবৃত্তি রে মন, নিজেরে কভু না চিনিবি ।
ও তুই মদের ঘোঁকে করতে পারিস, মাঝে গঙ্গাতে
ভরাডুবি ।
বাঁশবনে গিয়ে ডোম কাণা হয়, এ তত্ত্ব কবে বুঝিবি ।
শেষে কল্লতরুর তলায় গিয়ে, কি ফল নিতে
কি ফল নিবি ॥”

রামপ্রসাদের আর একটি সঙ্গীত এই :—

“এ সংসার ধোকার টাটি ।
ও ভাই আনন্দ বাজারে লুটি ॥
ওরে ক্ষিতি জল বহি বায়ু, শূন্যে পাঁচে পঁরিপাটী ॥
প্রথমে প্রকৃতি স্থলা, অহঙ্কারে লক্ষ কোটী ।
যেমন সরার জলে সূর্য্যছায়া, অভাবেতে স্বভাব যেটী ॥

আজু গৌসাই ও রামপ্রসাদ

গর্ভে যখন যোগী তখন—ভূমে পড়ে খেলাম মাটি ।
ওরে খাত্রীতে কেটেছে নাড়ী, মায়ার বেড়ি কিসে কাটি ॥
রমণী বচনে সুখা, সুখা নয় সে বিবের বাটী ।
আগে ইচ্ছাসুখে পান করে, বিবের জ্বালায় ছটফটি ॥
আনন্দে রামপ্রসাদ বলে, আদপুরুষের আদ মেয়েটী ।
ওমা যা ইচ্ছা হয়, তাই কর মা, তুমি তো পাষাণের বেটী ॥”
এই গীতের প্রত্যুত্তরে আজু গৌসাই নিম্নলিখিত
গীতটি রচনা করেন :—

“এ সংসার রসের কুটি ।

হেথা খাইদাই আর মজা লুটি ॥

ওরে যার যেমন মন তার তেমন খন, মন করবে পরিপাটী ॥

ওহে শ্রান, নাহি জ্ঞান—বুঝ তুমি মোটামুটি ।

ওরে, ভাই বন্ধু দারা সুতে, পি ডি পেতে দেয় দুধের বাটী ॥

রমণীয়ে বিব ভেবেছ, তাতেও তো না দেখি ক্রটি ।

তুমি ইচ্ছা সুখে ফেলে পাশা, কাঁচিয়েছ পাকা ঘুঁটি ॥

মহামায়ায় বিশ্ব ছাওয়া, ভাব্ছ মায়ার বেড়ী কাটি ।

তবে শ্রামের পদে অভেদ জেনো শ্রামা মায়ের চরণ ছুটী ॥”

কবিরঞ্জন রামপ্রসাদ একবার গাহিয়াছিলেন :—

“এবার কালী তোমায় খাবো ।

(খাবো খাবো গো দীন দয়াময়ী ।)

তারি গণ্ড যোগে জন্ম আমার ।

সাধক রামপ্রসাদ

গণ্ড যোগে জনমিলে, সে হয় যে মা-থেকো ছেলে,
এবার তুমি খাও কি আমি খাই মা, ছুটার

একটা করে যাব ॥

হাতে কালী মুখে কালী, সর্বদা কালী মাখিব ।

যখন আসবে শমন বাঁধবে ক'বে, সেই কালী

তার মুখে দিব ॥

খাবো খাবো বলি মাগো উদরস্থ না করিব ।

এই হৃদপদ্মে বসাইয়ে, মনোমানসে পূজিব ॥

যদি বল কালী খেলে, কালের হাতে ঠেকা যাবো ।

আমার ভয়কি তাতে, কালী বলে কালেরে কলা দেখাবো ॥

কালীর বেটা শ্রীরামপ্রসাদ, ভাল মতে তাই জানাবো ।

তাতে মস্তের সাধন শরীর পতন, যা হবার তাই ঘটাইব ॥”

এই গান শুনিবামাত্র গোস্বামী গাহিলেন :—

“সাধ্য কি তোর কালী খাবি ।

ওষে রক্তবীজের বংশ খেলে, তার মুণ্ডমালা কেড়ে নিবি?

সর্বদা নয় উভয় গালে, ভুষোকালী মেখে যাবি ।

আবার কালেরে দেখাতে কলা, নিজে যে কলা দেখিবি ॥”

উপরের গানের কয়েকটি লাইন হইতে পাঠক বুঝিতে পারিতেছেন, আজু গোসাইয়ের রচনা-শক্তি কতটা প্রখর ছিল । সহজ সরল ভাষা, অদ্ভুত বিজ্ঞপের ভঙ্গী এবং প্রত্যুৎপন্নমতিত্ব, এক সঙ্গে মনোরম ভাবে ফুটিয়া উঠিয়াছে ।

আজু গৌসাই ও রামপ্রসাদ

ইহাকে পাগল বলিয়া উড়াইয়া দেওয়া যায় না। ছুংখের বিষয়, আজু গৌসাইয়ের সব গানগুলি পাওয়া যায় না। পাওয়া গেলে, বাংলা ভাষার এক অপূর্ব সম্পদ লাভ হইত ও শ্রীবুদ্ধি হইত, সন্দেহ নাই।

কবিরঞ্জন রামপ্রসাদের গানের মধ্যে দ্বিজ রামপ্রসাদ বলিয়া মাঝে মাঝে উল্লেখ আছে। এই দ্বিজ রামপ্রসাদ যে কে, তাহা ঠিক বুঝিয়া উঠা যায় না। কেহ কেহ বলেন, পূর্ববঙ্গে রামপ্রসাদ নামে একজন ব্রাহ্মণ প্রসাদীশ্বরে দ্বিজ রামপ্রসাদ বলিয়া অনেক গান রচনা করিয়াছিলেন। তাঁহার সেইসব গান কবিরঞ্জন রামপ্রসাদের গান বলিয়া চলিয়া আসিতেছে। পূর্ববঙ্গে দ্বিজ রামপ্রসাদ নামে কেহ ছিলেন বলিয়া আজপৰ্য্যন্ত কোন ইতিহাসে পাওয়া গেল না। অথচ গানগুলির রচনাভঙ্গী এবং ভাষা দেখিলে, এগুলি রামপ্রসাদের গান বলিয়া মনে হয় না। আবার কেহ কেহ বলেন, দ্বিজ রামপ্রসাদ কলিকাতারই অধিবাসী, রামপ্রসাদ চক্রবর্তী নামে একজন কবি, অনেকগুলি প্রসাদী সঙ্গীত ও কবি গান রচনা করিয়া গিয়াছেন। তাঁহার কনিষ্ঠ ভ্রাতা নীলমাধব চক্রবর্তীর একটা কবির দল ছিল। নীলমাধব, কবিওয়ালা মহলে নীলু ঠাকুর নামে পরিচিত ছিলেন। এই নীলু ঠাকুরের দলেই তাঁহার জ্যেষ্ঠ ভ্রাতা রামপ্রসাদ চক্রবর্তী নানাবিধ গান রচনা করিতেন।

তিনি সঙ্গীত রচনা করিতেন বটে, কিন্তু গান গাহিতে জানিতেন না। সেই জন্য বিপক্ষ দল মাঝে মাঝে বিদ্রোপ করিয়া বলিতেন—

যেমন ঢাকের পিঠে বাঁয়া থাকে “বাজেনাকো একটী দিন।

তেমনি নীলুর দলে রামপ্রসাদ একটী টিন ॥”

এই রামপ্রসাদ চক্রবর্তী খুব সম্ভব সন ১১৬০ কিংবা ১১৬২ সালে জন্মগ্রহণ করেন এবং সন ১২৪২ সালে পরলোকগত হন। ইহার কনিষ্ঠ ভ্রাতা নীলু ঠাকুরও ইহার কিছু দিন পূর্বে দেহত্যাগ করিয়াছিলেন। কলিকাতা নগরীর হেডুয়া পুষ্করিণীর পাশে নীলু এবং রামপ্রসাদ চক্রবর্তীর বাড়ী ছিল। ইহাদিগের দৌহিত্র-বংশধরেরা পরে অনেক দিন ধরিয়া কবির দল চালাইয়াছিলেন। * চক্রবর্তী রামপ্রসাদ চক্রবর্তী, কবিরঞ্জন রামপ্রসাদের তিরোধানের পূর্বেই জন্মগ্রহণ করিয়াছিলেন, এবং প্রসাদী গানের অনুকরণ করিয়া বহু গান রচনা করেন। এই ভাবে উভয়ের গান এমন ভাবে মিশ্রিত হইয়া পড়িয়াছে যে, এখন পৃথক্ করা

* ভবানীপুরের প্রসিদ্ধ কবি ৮গোপালচন্দ্র বন্দ্যোপাধ্যায় বিরচিত ‘প্রাচীন কবিসংগ্রহ’ নামক এক খানি পুস্তক আছে। সেই গ্রন্থে নীলু, রামপ্রসাদ, ভোলা ময়রা, রাম বসু, রামসুন্দর সেকরা, হরুঠাকুর, নিত্যানন্দ বৈরাগী প্রভৃতির কিছু কিছু ইতিহাস বর্ণিত আছে। এই কবিসংগ্রহ বর্তমানে দুস্তাপ্য। প্রাচীন পুস্তকালয়ে হয়তো আছে।

তান্ত্রিক সাধনা সম্বন্ধে কয়েকটি কথা

দুঃসাধ্য। অনেকগুলি প্রসাদী গানে ডিক্রী, ডিস্মিস, আগীল প্রভৃতি ইংরেজী শব্দ দৃষ্ট হয়। মহারাজ কৃষ্ণচন্দ্রের সময়ে বাংলা ভাষায় ইংরেজী শব্দের ততটা প্রচলন সম্ভবপর ছিল না। সেই জন্ম মনে হয়, এই জাতীয় গানগুলি কবিরঞ্জন রামপ্রসাদের নহে—চক্রবর্তী রামপ্রসাদের। এ বিষয়ে বিভিন্ন মতবাদ উপরে দেওয়া গেল। সঠিক করিয়া কিছু বলা কঠিন।

তান্ত্রিক সাধনা সম্বন্ধে কয়েকটি কথা

প্রবৃত্তিমার্গ এবং নিবৃত্তিমার্গ এই দুই লইয়া মানুষের জীবন। প্রবৃত্তিমার্গ মানুষকে ভোগের দিকে লইয়া যায়। নখর জগতের যাবতীয় ভোগসুখ সম্ভোগ করিয়া মানুষ ধীরে ধীরে নিম্নগামী হইয়া থাকে, এবং পরিণামে ইহা হইতে বিষময় ফল উৎপাদিত হয়। নিবৃত্তিমার্গ মানুষকে ধীরে ধীরে বৈরাগ্যের পথে লইয়া যায়, এবং ছুদিনের সংসারের সুখভোগ যে অতি তুচ্ছ, তাহার উপলব্ধি করাইয়া দেয়। এই দুইটি বৃত্তি মানুষের মধ্যে সদা বিরাজমান থাকে। মানুষের ভিতরে অহরহঃ দেবাসুরের যুদ্ধ চলিয়াছে। সর্বদাই দেখিতে পাই, এই যুদ্ধে অসুর বিজয়ী এবং দেবতা পরাজিত হন, অর্থাৎ সাধারণ মানুষের মন নিবৃত্তিমার্গে

যাইতে চায় না। ঐহিক সুখভোগ লইয়া আত্মভোলা হইয়া পড়িয়া থাকে। মানুষ জীবনের চরম উদ্দেশ্য—বৈরাগ্যের পথে ধীরে ধীরে অগ্রসর হওয়া; কারণ, ইহাতেই মানুষের চিরকাম্য অনন্ত সুখ লাভ হয়। জীবনে মানুষ সুখ চায়, কেহ দুঃখ চায় না। কিন্তু উপায় জানে না বলিয়া বুঝা সুখাশেষী হইয়া কুপথে ঘুরিয়া বেড়ায়। জীবনে সাধনার দ্বারা যাহারা এই দেবভাবরূপ নিবৃত্তিমার্গে ধীরে ধীরে অগ্রসর হইতে পারেন, তাঁহারাই শুধু প্রবৃত্তিমার্করূপ অশুর ভাবকে পরাজিত করেন। কিন্তু, তাঁহাদের সংখ্যা জগতে অতি মুষ্টিমেয়। অনুভূতি-সম্পন্ন প্রাচীন বৈদিক ঋষিগণ বড় বড় মনস্তত্ত্ববিদ ছিলেন। তাঁহারা মানুষের মনকে নানাভাবে যাচাই করিয়া দেখিলেন যে, নিবৃত্তিমার্গের উপদেশ মানুষ সহজে গ্রহণ করিতে পারে না। সেই জন্ত ধীরে ধীরে যাহাতে মানুষ নিবৃত্তিমার্গে আকৃষ্ট হয়, তাহার জন্ত সকাম প্রবৃত্তিমার্গের সাধনাদির উপদেশ তাঁহারা দিয়া গিয়াছেন। যেমন বেদে আছে—“মা হিংস্যাৎ সর্ব-ভূতানি” অর্থাৎ কোন প্রাণীকে হিংসা বা বধ করিবে না। কিন্তু আবার দেখা যায় সেই বেদেই আছে—“অগ্নীষোমীয়ং পশুমালভেত”, অগ্নীষোম দেবতার উদ্দেশে পশু বিনাশ করিবে অর্থাৎ পশুবধ করিয়া অগ্নীষোম দেবতার যাগ করিবে। যজ্ঞে পশু বধ করা বৈদিক বিধান। অহিংসা

তাত্ত্বিক সাধনা সম্বন্ধে কয়েকটি কথা

মানুষের জীবনের চরম লক্ষ্য। কিন্তু শাস্ত্রকারগণ বুঝিলেন, সাধারণ মানুষ-সমাজে এ বিধির বিধান করিলে কেহই মানিয়া লইতে পারিবে না। কারণ, মানুষের সাধারণ স্বভাবই হইল অপরকে হিংসা করা। সংযত ভোগের সাহায্যে ধীরে ধীরে মানুষকে বৈরাগ্যের পথে লইয়া যাওয়াই উদ্দেশ্য। সেইজন্য বেদে আমরা এত সকাম উপাসনার বিধান দেখিতে পাই। দশাশ্বমেধাদি নানাবিধ যজ্ঞ ও প্রায়শ্চিত্তাদি সকাম উপাসনার পরিচায়ক। ইহাদের মধ্যে সাধনাদির ব্যবস্থা থাকাতে মানুষের প্রকৃতিকে ধীরে ধীরে সংযত করিয়া লওয়া হয়।

কলি যুগে যখন বৈদিক সাধনা ধীরে ধীরে লোপ পাইতে লাগিল, তখনই তাত্ত্বিক সাধনার সৃষ্টি হইল। মহানির্ব্বাণ তন্ত্র নামক বিরাট্ শাস্ত্রগ্রন্থে এই সাধনাদি সম্বন্ধে বিস্তারিত বিচার আছে। তাত্ত্বিক সাধনাদিতেও আমরা দেখিতে পাই, সংযত ভোগের সাহায্যে ধীরে ধীরে মানুষকে উচ্চ হইতে উচ্চতর স্তরে লইয়া যাইবার জন্য বিশেষ প্রয়াস রহিয়াছে। তাত্ত্বিক সাধনায় পঞ্চমুণ্ডীর*

* ইদানীং শূঁর্ন দেবেশি মুণ্ডসাধনমুক্তম্

যৎ কৃত্বা সাধকো যাতি মহাদেব্যাঃ পরং পদম্ ॥ ৫১

নর-মহিষ-মার্জ্জার-মুণ্ডত্রয়ং বরাননে।

অথবা পরমেশানি নৃমুণ্ডত্রয়মাদরাৎ ॥ ৫২

সাধক রামপ্রসাদ

আসন নির্মাণ করিয়া সেই আসনে বসিয়া মায়ের উপাসনা করাই প্রথম বিধি ।

এই সাধনায় প্রধানতঃ পশু, বীর ও দিব্যভাবের অবতারণা রহিয়াছে । সেইজন্য ১ম, ২য় বা ৩য় ভাবে ভগবৎ আরাধনা করিবার জন্য উপদেশ আছে । তামসিক, রাজসিক ও সাত্বিক প্রকৃতিভেদে, ভাব ত্রিবিধ হইয়া থাকে । তামসিক ও রাজসিক স্বভাবসম্পন্ন লোক পশু ও বীর ভাবেই সাধনা করিয়া থাকেন । সাত্বিক প্রকৃতি ভাবাপন্ন সাধক দিব্যভাবেই সাধনা করেন । গুরুর উপদেশ অবলম্বন করিয়া প্রথমে পশুভাবে সাধনা করিতে হয় । ইহাতে যোগ-শিক্ষাই প্রধান । যোগের দ্বারা মন উন্নত হইলে, বীর ভাবের সাধনা আরম্ভ

শিবসর্পসারমেয়বৃষভানাং মহেশ্বরী ।

নরমুণ্ডং তথা মধ্য পঞ্চমুণ্ডানি হীরিতম্ ॥ ৫৩

অথবা পরমেশানি নরাণাং পঞ্চমুণ্ডকান্ ।

তথা শতং সহস্রং বায়ুতং লক্ষং তর্ধৈবচ ॥ ৫৪

নিযুতঞ্চাথবা কোটিং নৃমুণ্ডান্ পরমেশ্বরী ।

নরমুণ্ডং হাপন্নিত্বা প্রোধন্নিত্বা ধরাতলে ॥ ৫৫

বিতস্তিপ্রমিতাং দেবীং তস্যোপরি প্রকল্পয়েৎ ।

আরামপ্রস্থতো দেবী চতুর্হস্তৌ সমাচরেৎ ॥ ৫৬

—যোগিনীতন্ত্রম্, পঞ্চম পটল ।

তাত্ত্বিক সাধনা সম্বন্ধে কয়েকটি কথা

হয়। বীর ভাবের সাধক আর ইন্দ্রিয়ের দাস থাকেন না। তাঁহারা যে ভাবে ইচ্ছা সংসারে বিচরণ করিতে পারেন। তাঁহার পতনের কোন সম্ভাবনা থাকে না। দিব্য-ভাব এই বীরভাবেরই চরম উৎকর্ষ। সাধক দিব্যভাবে উপনীত হইলে সমদর্শী হন। তখন ভেদাভেদ আর কিছু থাকে না। তিনি সুখদুঃখের অতীত আনন্দময় মহাপুরুষ।

পঞ্চ ম-কার উপাসনাই তাত্ত্বিক সাধনার প্রধান অঙ্গ। পঞ্চ ম-কার* অর্থাৎ মত্ত, মাংস, মূদ্রা, মৎস্ত, মৈথুন।

* (মত্ত)—সোমধারা ক্ষরেৎ বাতু ব্রহ্মরজ্জাদ্ বরাননে।

পীত্বানন্দময়স্তাং যঃ স এব মত্তসাধকঃ ॥

(মাংস)—মাশকাদ্রসনা জ্জেষা তদংসান্ রসনাগ্রিয়ান্।

সদা যো ভক্ষয়েদেবি স এব মাংসসাধকঃ ॥

(মৎস্ত)—গঙ্গাযমুনয়োর্মধ্যে মৎস্তো দ্বৌ চরতঃ সদা।

তৌ মৎস্তৌ ভক্ষয়েৎ যস্ত স ভবেন্নমৎস্তসাধকঃ ॥

(মূদ্রা)—সহস্রারে মহাপদে কর্ণিকা মুদ্রিতা চরেৎ।

আত্মা তত্রৈব দেবেশি কেবলং পারদোপমম্।

সূর্য্যকোটিপ্রতিকাশং চন্দ্রকোটিসুশীতলম্।

অতীবকমনীয়ঞ্চ মহাকুণ্ডলীসংযুতম্।

যস্ত জ্ঞানোদয়স্তত্র মূদ্রাসাধক উচ্যতে ॥

(মৈথুন)—মৈথুনং পরমং তত্ত্বং সৃষ্টিস্থিত্যন্তকারণম্।

মৈথুনাজ্জায়তে সিদ্ধিৰ্ভ্রক্ষজ্ঞানং সুহর্লভম্ ॥

সাধক রামপ্রসাদ

বীরাচারী সাধক গুরুর উপদেশ গ্রহণ করিয়া উহা উপভোগ করিবার অধিকারী হন। কঠোর সংযম অবলম্বন করিয়া উপরে বর্ণিত সাধনে প্রবৃত্ত হইলেই ফল প্রত্যক্ষ হইবে। নতুবা, পতনের সম্ভাবনা অত্যধিক।

এই বাহ্যিক পঞ্চ ম-কারের সাহায্যে আধ্যাত্মিক পঞ্চ ম-কারের আশ্বাদলাভ করিতে হয়। বীরাচারী সাধক ঘটক্রভেদ করিয়া বীজ ও শক্তিকে প্রসন্ন করিতে পাবেন। এইভাবে সহস্রার পদে উপনীত হইতে পারিলেই শিব হইয়া যান। এই সহস্রার বা ব্রহ্মরন্ধ্র হইতে যে সুখা ক্ষরিত হয়, তাহাই মত্ত নামে অভিহিত। এই অবস্থায় সাধকের ব্রহ্মজ্ঞান লাভ হয়। কোন ভেদাভেদ থাকে না, এই মত্ত তাহার পানীয়। সাধক তখন ব্রহ্মানন্দে নিমগ্ন হইয়া থাকেন। এই সময় কথাবার্তা একেবারে বন্ধ হইয়া যায়। কাহারও সঙ্গে বাক্যালাপ করেন না। এই বাক্যসংযমকেই মাংস ভক্ষণ বলে। ইড়া ও পিঙ্গলা নাড়ীর মধ্যে রজঃ ও তমঃ রূপ শ্বাস-প্রশ্বাসকে প্রাণায়াম দ্বারা নিরোধ করিতে হয়।

বেদাস্ত কুম্ভমাতাসঃ, কুণ্ডমধ্যে অবস্থিতো,
ম-কারশ্চ বিন্দুরূপো মহাধোনৌ স্থিতঃ প্রিয়ে।

আকার হংসমারুহ একত' চ সদা ভবেৎ

তদা জাতং মহানন্দং ব্রহ্মজ্ঞানং সুদূর্লভম্ ॥

তাত্ত্বিক সাধনা সম্বন্ধে কয়েকটি কথা

ইহাকেই মৎস্য ভক্ষণ বলে। সহস্রদল পদ্মে
জ্যোতিঃ বিশিষ্ট আত্মাকে জানাকেই মুক্তা বলে।
নাভিচক্রস্থিত অজপারূপ শ্বাসপ্রশ্বাস ও আত্মাচক্রস্থিত
মহাযোনির সহিত মিলনের নাম মৈথুন। ইহাই আধ্যা-
ত্মিক পঞ্চ ম-কার। রামপ্রসাদের গুরু সাধক আগমবাগীশ
ষট্চক্রভেদরূপ* যোগও তাঁহাকে শিক্ষা দিয়াছিলেন।

* ষট্চক্র—“মূলধারে ত্রিকোণাখ্যে ইচ্ছাজ্ঞানক্রিয়াত্মকে।

মধ্যে স্বয়ম্ভুলিঙ্গস্ত কোটীসুখাসমপ্রভম্ ॥

তদুর্দ্ধে কামবীজস্ত কলশাত্মীন্দ্রনাদকম্ ।

তদুর্দ্ধে তু শিখাকারা কুণ্ডলী ব্রহ্মবিগ্রহা ॥

তদ্বায়ে হেমবর্ণাভং বসবর্ণ চতুর্দলম্ ।

দ্রুতহেমসমপ্রখ্যং পদ্মং তত্র বিভাবয়েৎ ॥

তদুর্দ্ধে ইগ্নিসমপ্রখ্যং ষড়্দলং হীরকপ্রভম্ ।

বাদিলাস্ত ষড়র্গেন যুক্তাধিষ্ঠানসংজ্ঞকম্ ॥

মূলমাধারষট্ঠিকানাং মূলধারং ততোবিহুঃ ।

স্বশব্দেন পরং লিঙ্গং স্বাধিষ্ঠানং ততোবিহুঃ ॥

তদুর্দ্ধে নাভিদেশে তু মণিপূরং মহৎপ্রভম্ ।

মেঘাভং বিদ্যাদাভঞ্চ বহুতেজোময়ং ততঃ ॥

মণিবস্ত্রি তৎপদ্মং মণিপূরং তথোচ্যতে ।

দশভিচ্চ দর্শয়ুজ্জ্বলং তাদি কাষ্টাক্ষরাঘিতম্ ॥

শিবেনাধিষ্ঠিতং পদ্মং বিশ্বালোকৈককারণম্ ।

তদুর্দ্ধেহনাহতং পদ্মমুগ্ধাদিত্যসন্নিভম্ ॥

রামপ্রসাদ এইরূপে ষট্চক্রভেদ বর্ণনাচ্ছলে গাহিতেন।—

“আমার মনের বাসনা জননী ।

ভাবি ব্রহ্মরন্ধ্রে, সহস্রারে হ, ল, ক ব্রহ্মরূপিণী ।

মূলে পৃথ্বী ব, স অন্তে, চারি পত্রে মায়া ডাকিনী ।

সার্কি ত্রিবলয়াকারে, শিবে ঘেরে কুণ্ডলিনী ।

স্বাধিষ্ঠানে ব, ল অন্তে ষড়দলোপবাসিনী ।

ত্রিবেণী বরুণ, বিষ্ণু, শিব ভৈরবী ডাকিনী ।

ত্রিকোণ মণিপুরে বহুবীজধারিণী ।

ড, ফ, অন্তে দ্বিদলে, শিব, ভৈরবী লাকিনী ।

অনাহতে ষট্ কোণে দ্বিষড়দল বাসিনী ।

ক, ঠ, অন্তে বায়ু বীজ, শিব ভৈরবী কাকিনী ।

কাদিষ্ঠান্তাক্ষরৈরকপটৈশ্চ সমধিষ্ঠিতম্ ।

তন্মধ্যে বাণলিঙ্গস্ত স্বর্যায়ুতসমপ্রভম্ ॥

শব্দব্রহ্মময়ং শব্দোহনাহতস্তত্র দৃশ্যতে ।

তেনানাহতাখ্যং পদ্মং তন্মুনিভিঃ পরিকীৰ্ত্তিতম্ ॥

আনন্দসদনং তত্ত্বপুরুষাধিষ্ঠিতং পরম্ ।

তদুর্দ্ধস্ত বিশুদ্ধাখ্যং দলষোড়শপঙ্কজম্ ।

স্বরৈ যোড়শকৈষু ক্তং ধ্রুববৈর্গৈর্মহৎপ্রভম্ ।

বিশুদ্ধিং তন্মতে যস্মাৎ জীবন্ত হংসলোকনঃ ।

বিশুদ্ধং পদ্মমাখ্যাতমাকাশাখ্যং মহাদ্বুতম্ ।

আজ্ঞাচক্রং তদুর্দ্ধে তু আত্মনাধিষ্ঠিতং পরম্ ।

আজ্ঞাসংক্রমণং তত্র গুরোরাজ্ঞেতি কীর্ত্তিতম্ ॥

তাত্ত্বিক সাধনা সম্বন্ধে কয়েকটি কথা

বিগুচ্ছাখ্য স্বরবর্ণ, ষোড়শদল পদ্মিনী ।


নাগোপরি বিষ্ণু আসন, শিব শঙ্করী সাকিনী ।

জ্ঞ মধ্যে দ্বিদলে, মন, শিব লিঙ্গ চক্র যোনি ।

চন্দ্র বীজে সুধাক্ষরে, হ, ক্ষ বর্ণে হাকিনী ।”

কুণ্ডলিনী শক্তি জাগ্রত না হইলে সাধনায় সিদ্ধিলাভ করা যায় না। আত্মশক্তি মহামায়া কালীর সাধনা করিতে হইলেও কুলকুণ্ডলিনী শক্তির চৈতন্য সম্পাদন করিতে হয়। যোগিগণ বলেন, মেরুদণ্ডের মধ্যে ইড়া পিঙ্গলা ও সুষুমা নামে তিনটি নাড়ী আছে। শরীরস্থ মেরুদণ্ডের বামদিকে ইড়া, দক্ষিণে পিঙ্গলা এবং মধ্যে সুষুমা অবস্থিত। নাড়ী সন্নিবেশের সমষ্টি বা আবর্তকে নাড়ীচক্র কহে। নাড়ীর ছয়টি চক্র আছে। সুষুমা মূলধার অর্থাৎ গুহ্য দেশ হইতে মস্তিষ্ক পর্য্যন্ত বিস্তৃত। কুণ্ডলীকৃত হইয়া মূলধারে সুষুমা অবস্থিত। প্রাণায়ামের সাহায্যে কুণ্ডলিনী শক্তি জাগরিত হইয়া ধীরে ধীরে যখন উপরের চক্রে উঠিতে থাকে, তখন সাধক নানাবিধ বিভূতি-সম্পন্ন হন এবং প্রাণে অপার আনন্দ উপভোগ করেন। পরে যখন কুলকুণ্ডলিনী মস্তকে আসিয়া উপনীত হন, তখনই সাধক যোগসিদ্ধ জীবমুক্ত মহাপুরুষ। যোগিগণ প্রাণায়াম দ্বারা এবং তাত্ত্বিকগণ পঞ্চ ম-কার-সাধন দ্বারা কুলকুণ্ডলিনীকে জাগাইয়া উঠাইতে পারেন। নাড়ীর

যে ছয়টি চক্র আছে তাহা নিম্নে দেওয়া গেল—(১) মূলাধার, (২) স্বাধিষ্ঠান, (৩) মণিপূর, (৪) অনাহত, (৫) বিশুদ্ধ, ও (৬) আজ্ঞাচক্র।



ষট্চক্র

(১) মূলাধার—মূলাধার গুহ্যদেশে অবস্থিত। ইহা চতুর্দল। ইহাতে লিঙ্গরূপী মহাদেব অবস্থিত। তাহার সুধাক্ষরণ স্থলে মুখ সংলগ্ন করিয়া সর্পাকারা কুণ্ডলিনী শক্তি সুপ্ত অবস্থায় অবস্থান করিতেছেন।

(২) স্বাধিষ্ঠান—ইহা লিঙ্গমূলে অবস্থিত। শ্বেতবর্ণ ষড়দলপদ্ম, তাহাতে বরুণদেব ও বারুণী শক্তি অবস্থিত।

তান্ত্রিক সাধনা সম্বন্ধে কয়েকটি কথা

(৩) মণিপুর—ইহা নাভিমূলে অবস্থিত । রক্তবর্ণ দশদল পদ্ম । তন্মধ্যে অগ্নিদেব ও সাকিনী শক্তি বিরাজিত ।

(৪) অনাহত—হৃদয়ে অবস্থিত । ধূম্রবর্ণ দ্বাদশদল পদ্ম । তাহাতে বায়ুদেব ও কাকিনী শক্তি অবস্থিত ।

(৫) বিগুহ—কণ্ঠদেশে অবস্থিত । নীলবর্ণ ষোড়শদল-বিশিষ্ট পদ্মে শিব ও সাকিনী শক্তি অবস্থিত ।

(৬) আজ্ঞাচক্র—ক্র-মধ্যে অবস্থিত । পীতবর্ণ দ্বিদলযুক্ত—শিব তথায় লিঙ্গরূপে হাকিনী শক্তি সহ বিরাজিত । এই পদ্মের কিঞ্চিং উপরেই প্রণবাকৃতি পরমাত্মার স্থান । উহাই সহস্রার পদ্ম । তাহাতে পরম শিব অবস্থিত ।

উপরি-উক্ত সুষুম্নার মধ্যে ষট্‌গ্রন্থী ষট্‌চক্র নামে অভিহিত এবং সহস্রার স্বতন্ত্র পদ্ম । শরীরের মধ্যে সুষুম্না নাড়ীই সর্বপ্রধান । ইড়া ও পিঙ্গলা তাহার সহ-চারিণী । এই দুই নাড়ী গুহ্র-শোণিত সমুদ্ভবা । ইহার ব্রহ্মরূপিণী সুষুম্নাকে অবলম্বন করিয়া থাকেন । কুণ্ডলিনী শক্তি জাগরিত হইয়া ক্রমশঃ ষট্‌চক্র অতিক্রম করিয়া সহস্রারে ব্রহ্মসন্নিধ্যানে উপস্থিত হন । ইহাই ষট্‌চক্রভেদ । ইহাই প্রধান যোগ । রামপ্রসাদ এই যোগসিদ্ধ হইয়া ব্রহ্মানন্দ উপভোগ করিয়াছিলেন ।

এই পঞ্চ ম-কার সাধনার নির্দেশ দেখিয়াই আমরা

বুঝিতে পারি, আধ্যাত্মিক শক্তিসম্পন্ন প্রাচীন মুনি ঋষিরা কলিযুগে সংযত ভোগের মধ্য দিয়াই ধীরে ধীরে যাহাতে মানুষ নিবৃত্তিমার্গে অগ্রসর হয় তাহারই প্রচেষ্টা করিয়াছিলেন। মানুষের স্বভাব সাধারণতঃ অতীব উদ্যম ও উচ্ছৃঙ্খল; কিছুতেই বশ মানে না। মত্তে, মাংসে যাহার অত্যন্ত অভিরুচি, সংযত ভাবে দেবতার উদ্দেশ্যে নিবেদন করিয়া ভোজন করিলে, দেখিতে পাওয়া যায়, ধীরে ধীরে সেই উচ্ছৃঙ্খল প্রকৃতি বশে আসিতেছে।

গুরুর উপদেশ মত কঠোর সংযমী হইয়া এই সাধনায় অগ্রসর হইতে হয়, এবং ইহাতেই প্রবৃত্তির নিবৃত্তি হইয়া যায়। তাত্ত্বিক সাধনার ইহাই চরম উদ্দেশ্য। কিন্তু, পরে এই সাধনা অতি সাধারণ ভণ্ড লোকের হাতে পড়িয়া নষ্ট হইয়া যায়। তাহারা শুধু ভোগ চরিতার্থ করিবার জন্ত এই সাধনা অবলম্বন করে; এবং এই জন্তই আধুনিক সমাজে তাত্ত্বিক সাধনার নানাবিধ নিন্দাবাদ আমরা শুনিতে পাই। বাস্তবিক-পক্ষে, সদৃগুরুর উপদেশ অনুসারে ধীরে ধীরে অগ্রসর হইলে সাধারণ মানুষের পক্ষে আত্মিক সিদ্ধির ইহা একটী প্রকৃষ্ট উপায়। সংযত ভোগ ব্যতীত সাধারণ মানুষের উপায় নাই।

সাধক রামপ্রসাদ এই তাত্ত্বিক সাধনাই আজীবন করিয়াছিলেন, এবং ইহাতে চরম সিদ্ধিলাভ করিয়াছিলেন।

তান্ত্রিক সাধনা সম্বন্ধে কয়েকটি কথা

তঁাহার গুরু সাধকচূড়ামণি আগম-বাগীশের উপদেশে এই সাধনায় অতি সহজে উত্তীর্ণ হইয়াছিলেন। রামপ্রসাদ বাহ্যিক পঞ্চ ম-কার অবলম্বনে সাধনা আরম্ভ করেন। প্রায় ৮১০ বৎসর তঁাহার নির্জন উচ্চানে বসিয়া এই বীর ভাবের সাধনা করেন। এই সময় তিনি লোকের সঙ্গে মোটেই কথা বলিতেন না। অহর্নিশি মায়ের নামে মগ্ন হইয়া থাকিতেন। পরে ধীরে ধীরে তিনি বীর ভাবের সাধনা করিয়া দিব্য ভাবে উপনীত হন। বরাবরই আমাদের সমাজে মদ খাওয়া অতি হেয় বলিয়া গণ্য হইত। সেই জন্ত রামপ্রসাদ গান রচনা করিয়াছিলেন—

“সুরাপান করি না আমি, সুখা খাই, জয় কালী বলে।

(আমার) মন-মাতালে মাতাল করে,

(যত) মদ-মাতালে মাতাল বলে।

গুরুদত্ত গুড় লয়ে, প্রবৃন্তি মসলা দিয়ে মা,

আমার জ্ঞান গুঁড়িতে চুয়ার ভাঁটি,

পান করে মোর মন মাতালে।”

প্রসাদ-প্রসঙ্গে তান্ত্রিক সাধনা সম্বন্ধে মাত্র কয়েকটি কথা বলা হইল। বেদাচার, বৈষ্ণবাচার, দক্ষিণাচার, বামাচার, সিদ্ধান্তাচার এবং কুল্লামচার প্রভৃতি আচারের অনুমোদিত উপাসনা ও প্রক্রিয়াদি বহু আছে। সে সব

সাধক রামপ্রসাদ

কথা তত্ত্বশাস্ত্র এবং তাত্ত্বিক সাধকদের নিকট সম্পূর্ণ ভাবে জানা যাইতে পারে।

বংশ-পরম্পরায় তাত্ত্বিক শিক্ষা-দীক্ষা প্রসাদ-পরিবারে চলিয়া আসিয়াছে। সুতরাং এ সাধনা তাঁহার মজ্জাগত। অতি সহজে যে তিনি ইহাতে সিদ্ধি লাভ করিবেন, তাহাতে আর আশ্চর্য্য কি? শাস্ত্রগ্রন্থ পড়িয়া এবং শুধু পাণ্ডিত্যের চর্চা করিয়া সাধনার বিষয়ে উপলব্ধি করা এক ছরুহ ব্যাপার। সাধক ব্যতীত সাধনার রাজ্যের ছরুহ ব্যাপার হৃদয়ঙ্গম করা কঠিন।

পতিভ্রতা সর্বাণী

সাধক রামপ্রসাদ সাধনায় ব্যস্ত। ঘরকন্নাদি দেখিতেন মাতা সর্বেশ্বরী। আপন-ভোলা সন্তানের প্রতি চাহিয়া তিনি সংসারের যাবতীয় ভার লইয়াছিলেন। জানিতেন, রামপ্রসাদের দ্বারা এ সংসারের কাজ কিছুই হইবে না; বুঝিতেন—মা-নামে পাগল সাধককে সাংসারিক অভাব অনটনের জন্ম অযথা বিরক্ত করা সমীচীন নহে। প্রসাদের সাধবী স্ত্রী সর্বাণী অতীব বুদ্ধিমতী রমণী ছিলেন। তিনিও বুঝিয়াছিলেন, তাঁহার স্বামী সাধারণ সংসারের মানুষ নহেন। যদিও মুখ ফুটিয়া কখনও কিছু বলিতেন না, কিন্তু হৃদয়ে

পতিব্রতা সর্ব্বাণী

এক অপূর্ব্ব গভীর শ্রদ্ধা ও ভালবাসা পোষণ করিতেন। সংসারে সুখস্বাচ্ছন্দ্য কিছুই তিনি পান নাই, আশাও করেন নাই। সুতরাং অভাবের যাবতীয় খুঁটিনাটি সাধারণ মেয়েমানুষের মত বড় করিয়া ধরিবার স্বভাব তাঁহার ছিল না। তাঁহার চিরাত্যস্ত সহিষ্ণুতা, স্বাভাবিক সহৃদয়তা এবং শান্তিপ্রিয়তা শাশুড়ীকে আনন্দ দান করিত। তিনি বুঝিতেন, চিরসহিষ্ণু তাঁহার আদরের বধুমাতাটী কখনও নালিশ জানায় না। তাহাতে হৃদয়ের গভীর উৎস হইতে দ্বিগুণ ভালবাসা আপনি উছলিয়া উঠিত। রামপ্রসাদ মায়ের নামে বিভোর! সিদ্ধাসনে কঠোর তপস্তায় মগ্ন। কিন্তু গর্ভধারিণীর গভীর আকর্ষণে তাঁহাকে বাড়ীতে আসিতে হইত। সংসারের খোঁজ-খবরও মাঝে মাঝে লইতে হইত। সম্ভান-বিহনে জননী দুটি দিনও থাকিতে পারিতেন না। ধীরে ধীরে জগজ্জননী রামপ্রসাদের এই আকর্ষণও ঘুচাইয়া দিলেন। গর্ভধারিণীর মৃত্যুতে তাঁহার যেন কোন বন্ধনই আর রহিল না। সিদ্ধাসনে বসিয়া কি যে কঠোর তপস্তা আরম্ভ করিলেন, তাহা ভাষায় বর্ণনা করা যায় না।

শাশুড়ীর মৃত্যুতে পতিব্রতা সর্ব্বাণীর কঠোর অগ্নি-পরীক্ষা আরম্ভ হইল। তাঁহার তিরোধানে সর্ব্বাণী প্রাণে প্রাণে বুঝিলেন, সংসারে আপন-পর বলিয়া যে একটি কথা আছে তাহা কত অর্থহীন। এ বিশ্ব

সংসারে আপন বা পর বলিয়া কেহ নাই। যাত্রীর মত সকলে আসে ও যায় ; হৃদিনের পরিচয়, আবার কে কোথায় ভাসিয়া যায়, কোন ঠিকানা নাই।

সংসারের যাবতীয় ভার পতিব্রতা স্ত্রী এবার নিজের স্বন্ধে লইয়াছেন। শাপুড়ী জীবিত থাকিতে, তিনি আশে-পাশে ছায়ার মত ঘুরিয়া শুধু সব কাজে তাঁহাকে সাহায্য করিতেন, দায়িত্ব কিছু ছিল না। শত অভাব অভিযোগের ভিতরেও তিনি জানিতেন, বিরাট্ আশ্রয়ের নীচে তাঁহার আসন, কোন চিন্তা, ভাবনা নাই। কিন্তু আজ ? আজ যখন যাবতীয় সংসারের ভার তাঁহার উপর পড়িল তখন তিনি বুঝিলেন, এই গুরু ভার বহন করা কত কঠিন। সংসারের অবস্থা স্বচ্ছল নয়। হৃৎখদারিদ্ৰ্য ক্রমশঃই বাড়িয়া চলিয়াছে। মাতার মৃত্যুর পর, রামপ্রসাদের একেবারে হুঁশ নাই। বাড়ীতে আসা প্রায় বন্ধ—সংসারের খোঁজ-খবর লওয়া তো দূরের কথা। সর্ববাণী তাঁহার সন্তানা-দি লইয়া অনাহারে বা অর্দ্ধাহারে কাটাইতেন। কিন্তু কখনও রামপ্রসাদকে বিরক্ত করিতেন না, বা অভাব অভিযোগ জানাইতেন না। সাধনার স্থানেও তিনি কোনও দিন কৌতূহল-নিবারণার্থেও যাইতেন না। একদিন হঠাৎ রামপ্রসাদ বাড়ী আসিয়াছেন। সন্তানা-

দির মুখ দেখিয়াই বুঝিলেন, তাহাদের খাওয়া হয় নাই। হঠাৎ রামপ্রসাদের চমক ভাঙ্গিল। দিনের পর দিন কি তাহা হইলে এই ভাবেই চলিয়াছে? সন্তানাদির ভরণ-পোষণ করা তাঁহার কর্তব্য—তিনি বুঝেন, কিন্তু কি করিবেন? ইচ্ছা করিয়া তিনি তো আর কর্তব্যে ত্রুটি করেন না। কি ভাবে কোথায় তাঁহার মন চলিয়া যায়, তিনি নিজেই বুঝিতে পারেন না। সৰ্ব্বাঙ্গীর স্নেহধৈর্য্য দেখিয়া তিনি আশ্চর্য্যাব্বিত হইয়া গেলেন। অভাব অভিযোগের কথা তো জানাইতে পারিত। বাস্তব ভোগের ক্ষেত্রে তাঁহার এই কঠোর আত্মসংযম দেখিয়া রামপ্রসাদ স্তম্ভিত। সংসারে যদি দেবীর আসন কাহা-কেও দিতে হয়, তবে সে সৰ্ব্বাঙ্গীকে। রামপ্রসাদ মাকে জানাইলেন, এবং আশ্চর্য্য রকমে সেদিন আহারাদির সংস্থান হইয়া গেল। রামপ্রসাদ দুই একদিন বাড়ী-তেই রহিলেন। স্ত্রীপুত্র কণ্ঠার কথা ভাবিয়া সংসারের কাজে মনোনিবেশ করিতে চেষ্টা করিলেন। জমি-জমা বিষয় সম্পত্তি যে কিছু নাই তাহা নহে; কিন্তু দেখা-শুনার অভাবে সব নষ্ট হইয়া যাইতেছে। বিষয়-কর্মে মনোনিবেশ করিবার যথেষ্ট চেষ্টা করিয়াও কৃতকার্য্য হই-লেন না। ‘তারা নামে সকলই ঘুচায়’ এই বলিয়া রাম-প্রসাদ আবার নির্লিপ্ত।

এই ভাবে নানা অশুবিধা অভাব অনটনের মধ্য দিয়া সুখে দুঃখে দেবী সর্বাঙ্গীণ দিনগুলি কাটিয়া যাইতে লাগিল। বাকী জীবন তিনি সংসারের যাবতীয় দুঃখ-ভার মাথায় লইয়া নীরবে নিঃশব্দে ঘরকন্না করিয়াছেন। একটি দিনের জন্তও স্বামীর সাধনায় বিঘ্ন সৃষ্টি করেন নাই। প্রসাদও সাংসারিক কার্যে আর বিশেষ মনোযোগ দিতে পারেন নাই।

কৃষ্ণচন্দ্রের স্বর্গারোহণ

মহারাজা কৃষ্ণচন্দ্র ধার্মিক পুরুষ ছিলেন। শেষ বয়স তিনি দান ধ্যান ও ভগবদ্-ভজনেই কাটাইতেন। তিনি প্রজারঞ্জক, তাঁহার সময় তাঁহার রাজ্যে কখনও প্রজাদের উপর উৎপীড়ন অত্যাচার হইত না। কঠোর কৰ্ম্মী, রাজ্যের মঙ্গলের জন্ত সदा সর্বদাই ব্যাকুল থাকিতেন। কিন্তু শেষ বয়সে দেখা গেল, তাঁহার মন যেন ধীরে ধীরে এ পার্থিব রাজ্য ছাড়িয়া কোন্ এক অজানা দেশের জন্ত অস্থির হইয়া উঠিয়াছে। রাজকার্যে তেমন আর মনোযোগ নাই। প্রায় সব সময়েই গম্ভীর হইয়া থাকেন। কাহারও সঙ্গে বিশেষ কথা বলিতে দেখা যায় না। হৃদয়ের অন্তরতম প্রদেশ হইতে কি যেন একটা অভাব

অনুভূত হইতেছে। তাঁহার এ ভাব দেখিয়া সময় সময় তিনি "নিজেই আশ্চর্য্যাব্বিত হইয়া যান। কি হইল। এই অবস্থায় তাঁহার একমাত্র ভালবাসার বস্তু, প্রাণের মানুষ রামপ্রসাদকে মনে পড়িল। সংবাদ পাঠাইলেন। রামপ্রসাদ ছুটিয়া আসিয়া মহারাজার পাশে দাঁড়াইলেন। মহারাজের অবস্থা দেখিয়াই বুঝিতে পারিলেন—দেৱী আর নাই, জীবন-সন্ধ্যায় শেষের বাকী কয়টা দিনের অপেক্ষায় বসিয়া আছেন। সাধকপ্রবর রামপ্রসাদকে পাইয়া মহারাজের আনন্দের সীমা রহিল না। কত আদর করিয়া তাঁহাকে রাজপ্রাসাদে স্থান দিলেন। আজ হৃদয়ের গভীরতম উৎস হইতে কত কাহিনী, কত কথা, কত জিজ্ঞাসা একের পর এক করিয়া উঠিতে লাগিল। সাধক রামপ্রসাদ মায়ের নামে বাহুজ্ঞানশূন্য। আনন্দে গান গাহিয়া মহারাজকে সান্ত্বনা দিতে লাগিলেন। অন্তিম শয্যায় রামপ্রসাদকে পাইয়া মহারাজার জীবন সার্থক। প্রসাদের সুমিষ্ট কণ্ঠস্বরে অহনিশি মায়ের গান শুনিয়া তিনিও দিব্যভাবযুক্ত।

“এমন দিন কি হবে মা তারা।

যবে তারা তারা তারা বলে, ছনয়নে পড়বে ধারা ॥”

সাধক রামপ্রসাদ এবং মহারাজের জীবন-নাট্য এমন পাশাপাশি আসিয়া দাঁড়াইয়াছিল যে, মনে হইতেছিল

কেহ কাহাকেও ছাড়িয়া থাকিতে পারিবেন না। কিন্তু কালের গতি অবাধ। মহারাজার আয়ু শেষ হইয়া আসিল। ৭৩ বৎসর বয়সে মায়ের নাম করিতে করিতে তাঁহার প্রাণবায়ু অনন্তে মিশিয়া গেল। মহারাজের তিরোধানে নবদ্বীপের প্রতিপত্তিও ধীরে ধীরে লোপ পাইতে লাগিল। তখন মুসলমান রাজত্বের প্রায় শেষ। বাংলার নানাস্থানে ভীষণ অরাজকতা ও গোলযোগ উপস্থিত। এত বড় নদীয়ার এত খ্যাতি, এত প্রতিপত্তি, ধীরে ধীরে লোপ পাইতে লাগিল। নদীয়ার ভাগ্যবিপশ্চিমগগনে অন্তমিত হইল।

মহারাজ কৃষ্ণচন্দ্রের অন্তর্দ্বানের পর রামপ্রসাদের জীবনে এক অদ্ভুত পরিবর্তন দেখা গেল। প্রথম দুই চারি দিন একটু গম্ভীর হইয়া ছিলেন। তারপরেই সদানন্দ-ভাব পরিলক্ষিত হইল। বিষাদের কালিমা তাঁহার মনে কোন ছাপ দিয়াছে বলিয়া মনে হইল না। সদানন্দ পুরুষ হাসিয়া খেলিয়া বেড়ান। একেবারে আপন-ভোলা, সকলের সঙ্গে বেশ আনন্দ করিতে লাগিলেন। কত ভক্ত আসে যায়। সকলের সঙ্গে আনন্দে বিহার করিতে লাগিলেন। কাহাকেও বা ভক্তিভাবে আলিঙ্গন, কাহাকেও বা মায়ের সুমধুর নাম-গানে আপ্যায়ন, আবার কাহারও সঙ্গে বা তীব্র বৈরাগ্যের কথা আলাপন, রামপ্রসাদ

কি এক অজানা দেশের খবর পাইয়াছেন যাহার জন্ত
এই অবস্থা। সর্বভূতে সমান ভাব। মনে হয় সাধক
এইবার সর্বোন্নত তুরীয় ভাবে উপনীত হইয়াছেন।
তাহা না হইলে এ ভাব হয় না।

স্ত্রী ও পুত্রেরা তাঁহার বর্তমান ভাব লক্ষ্য করিয়া তাঁহাকে
বাড়ীর বাহিরে বড় একটা যাইতে দিতেন না। তিনি বেশীর
ভাগ সময় সিদ্ধাসনে বসিয়াই বিভোর হইয়া থাকিতেন।
কখনও বাহ্যিক চেতনা থাকিত, কখনও বা থাকিত না।
কখনও ধূলায় ধূসরিত অঙ্গ, আবার কখনও ভাল বেশভূষা
অঙ্গসজ্জা করিয়া বসিয়া আছেন। এক অদ্ভুত ভাব।
নিজে না দেখিলে বা অনুভব করিতে না পারিলে ইহা
বুঝা শক্ত। তখন মাঝে মাঝে গাহিতেন—

“গেল না গেল না বিষয়-বাসনা।

হ’ল না হ’ল না তারা-আরাধনা ॥

শঙ্করী সর্বানী শিবে সেবাসন।

রটেনা রসনা ভ্রমে একদিন ॥”

ক্রমে আহার নিদ্রা ভুল হইতে লাগিল। এক নূতন
ভাবের ভাবুক রামপ্রসাদের আজ চরম অবস্থা। তাঁহার মন
আর বাস্তব জগতের সঙ্গে সম্বন্ধ রাখিতে চায় না। আজ আর
তাঁহার বাহ্যিক পূজা আহ্নিক প্রভৃতির কিছুই প্রয়োজন

নাই। এই অবস্থা পাইবার জন্য যুগ যুগ ধরিয়া কত ঋষি মুনি কত তপস্যা করিয়াছেন। কত ভজন, কত ধ্যান ধারণা! রামপ্রসাদ তাঁহার সমগ্র হৃদয়খানিকে মায়ের চরণে অর্পণ করিয়াছেন, নিজস্ব বলিতে কিছুই নাই। তাই এত সহজে এই চরম অবস্থায় উপনীত হইতে পারিয়াছিলেন। মহামায়ার প্রভাবে বাধাবিন্ধু সবই দূরীভূত হইয়াছিল। রামপ্রসাদ ধন্য, ধন্য তাঁহার গর্ভধারিণী জননী, আর ধন্য তাঁহার জন্মভূমি কুমারহাটী গ্রাম!

“ভারা আমার নিরাকার”

সাধক রামপ্রসাদ আজীবনই মায়ের মধুর নাম গান রচনা করিতেন, এবং সময় সময় সেগুলি গাহিয়া বিভোর হইতেন। শেষ বয়সে নিরাকার-সম্বন্ধীয় কয়েকটি ভজন গান তিনি রচনা করেন। শেষের গানগুলি দেখিয়া প্রসাদ-প্রসঙ্গকার ৩দয়ালচন্দ্র ঘোষ এবং আরও অনেক সাহিত্যিক তাঁহাকে নিরাকারবাদী বলিয়া প্রতিপন্ন করিবার চেষ্টা করিয়াছেন। অনেক স্থলে এই লইয়া বুঝা বাদানুবাদও হইয়াছে দেখিতে পাওয়া যায়। ইহাদের মতে, প্রথম জীবনে রামপ্রসাদ ‘জড়-উপাসক’ এবং ‘পৌত্তলিক’ ছিলেন। পরে ধীরে ধীরে তাঁহার মত বদলাইয়া যায় এবং

“তারা আমার নিরাকার”

তিনি নিরাকার-ভজনে মন দেন। এই বিষয়ে একটু আলোচনা করিলেই পাঠক বুঝিতে পারিবেন, সাকার-নিরাকার লইয়া বাদানুবাদ করা বৃথা। নিম্নে আমরা এ বিষয় লইয়া একটু আলোচনা করিতেছি।

পাতঞ্জল-দর্শনে মনঃসংযম করিবার জন্ত নানা উপায় নানাভাবে বলিয়া গিয়াছেন। সেখানে প্রথমেই বলিয়াছেন, মনঃসংযম অতি কঠিন ব্যাপার। চক্ষু মুদিয়া আসনে ধ্যান করিতে বসিলেই ধ্যান হয় না। বাহিরের যে কোন মূর্তি অবলম্বন করিয়া প্রথম অবস্থায় চেষ্টা করিতে হয়। বিচিত্র সংসারে মানুষের রুচিও বিচিত্র। সেইজন্ত পাতঞ্জল-যোগসূত্রে আছে—“যথাভিমত ধ্যানাদ্বা” অর্থাৎ যার যেমন রুচি, সেই অনুযায়ী মূর্তি রাখিয়া ধ্যান করিবে। প্রাচীন ঋষিগণ অতি বিচক্ষণ মনস্তত্ত্ববিদ ছিলেন। তাঁহারা মানুষের মনকে বুঝিতেন। সেই জন্ত সাধন-বিষয়ে মানুষকে এতটা স্বাধীনতা দিয়া গেলেন। ইহা হইতেই প্রতীক, প্রতিমা-উপাসনা এবং নানা দেব-দেবী-উপাসনার সৃষ্টি হয়। বিষ্ণু, শিব, কালী, দুর্গা, গণেশ, কার্তিক প্রভৃতি নানা দেব-দেবী, ভারতবর্ষের নানা প্রদেশে নানা ভাবে পূজিত হইয়া থাকেন। হিন্দুধর্মে প্রতিমাপূজা ও উপাসনাদির সৃষ্টি ঠিক এইভাবে ধীরে ধীরে হইয়াছে। মানব সমাজে সকলকে ভগবানের উপাসনা একই ভাবে

করিতে হইবে, এই আইনটুকু করিয়া দিলে বোধ হয় ধর্মরাজ্যে এবং উপাসনায় এতটা আগ্রহ থাকিত না। যেমন আমরা সাংসারিক জীবনে দেখিতে পাই, একই পরিবারের তিনটি ভাই, কেহ পূর্তকার কেহ বা অধ্যাপক, আবার কেহ বা চিকিৎসক হয়। যেহেতু এক পরিবারের লোক বলিয়া সকলকেই অধ্যাপক হইতে হইবে, এমন কোনও আইন করা যায় কি? প্রত্যেকে রুচি-অনুযায়ী নিজের রাস্তা বাছিয়া লয়। বিশেষ করিয়া স্বাধীন দেশগুলিতে শিক্ষার ধারাই এই। ছাত্রদের রুচি অনুযায়ী ভবিষ্যৎ ঠিক করিয়া লয়। ধর্মরাজ্যেও ঠিক তাই। নতুবা হুদিনেই উপাসনা প্রভৃতি প্রাণহীন হইয়া যায়, ইহা আমরা সকলেই বুঝিতে পারি। মনস্তত্ত্ববিদ প্রাচীন ঋষিরা প্রাণে প্রাণে বুঝিতেন বলিয়াই নানা দেব-দেবীর উপাসনা বিধিবদ্ধ করিয়া গিয়াছেন। উদ্দেশ্য এবং পথ, এই দুইটিতে গোলমাল করিয়া আমরা যত বাদানুবাদের সৃষ্টি করি। ধীরে ধীরে মন স্থির করিয়া একাগ্র চিন্তে ভগবানের উপাসনা করা এবং তাঁহাকে লাভ করা এবং ধীরে ধীরে নির্বিকল্প সমাধি পর্যন্ত পৌঁছানো, ইহাই মানুষ জীবনের চরম আদর্শ। প্রতীক-প্রতিমা-উপাসনাদি সাধক জীবনে পথ মাত্র—অবলম্বন। উদ্দেশ্য এবং পথ, এই দুইটি বিষয় ভাল করিয়া বুঝিলে, ইহা লইয়া আর বৃথা বাদানুবাদ আসে না।

“তারা আমার নিরাকার”

পাতঞ্জলে আরও আছে—প্রতিমা-উপাসনাদি অবলম্বন করিয়া মানুষের মন যখন স্তরে স্তরে উঠিতে থাকে, তখন সাধক আসনে বসিয়া হৃদয়মন্দিরে ইষ্টের উপাসনা করিতে পারে, বাহিরের অবলম্বনের আর প্রয়োজন হয় না। এই ভাবে সাধকের মন যখন সপ্তম ভূমিতে উঠে তখন বাহিরের মন্দির বা হৃদয়-মন্দির, কোন মন্দিরেরই প্রয়োজন হয় না। নির্বিকল্প সমাধিতে মন একবার গেলে, এ জগতে বৈচিত্র্যের কোন চিহ্নই থাকে না। কোথায় বা প্রতিমা, আর কোথায়ই বা প্রতীক! ছোট ছেলে প্রথম বিদ্যালয়ে গিয়া যখন ক, খ, সামান্য কয়েকটি অক্ষর লিখিতে আরম্ভ করে তখন প্লেট, পেন্সিল প্রভৃতি কত সাজ-সরঞ্জামের দরকার হয়, কিন্তু এই ছেলেই বড় হইয়া যখন ধীরে ধীরে এম-এ, পাশ করে তখন খস্ খস্ করিয়া পৃষ্ঠার পর পৃষ্ঠা লিখিয়া যায়। কোথায়ই বা থাকে প্লেট আর কোথায়ই বা থাকে পেন্সিল।

সাধক যখন এইভাবে সাধনার শেষ স্তরে উঠেন, তখন সাকার ও নিরাকার দুইই তাঁহার কাছে সমান। রামপ্রসাদও সাধনার চরম স্তরে উঠিয়া, সাকার নিরাকার যে কোনও ভাবেতেই বিভোর হইয়া যাইতেন, এবং যখন যে ভাবে থাকিতেন তখন সেই জাতীয় গান রচনা করিতেন। কখনও তিনি শ্যামা মাকে স্কুলা, স্কুল্লা, সপ্তগা, নিগুণা রূপিণী ইত্যাদি

সাধক রামপ্রসাদ

বিভিন্ন-ভাবেতে আহ্বান করিতেন। আবার কখনও বা
“নিরুপম বেশ, বিগলিত-কেশ বিবসনা হর-হৃদে কত নাচ
বরণে”— বলিয়াও গান রচনা করিতেন। আবার একেবারে
নিরাকার ভাবের গানও অনেক দেখা যায়।

যথা—

“ওরে শত শত সত্য বেদ—ভারা আমার নিরাকারা ॥

ধাতু পাষণ মাটির মূর্তি

কাজ কি রে তোর সে গঠনে।

তুমি মনোময় প্রতিমা করি—বসাও হৃদি পদ্মাসনে ॥”

অথবা—

“ত্রিভুবন যে মায়ের মূর্তি

জেনেও কি মন তাও জান না।

কোন প্রাণে তাঁর মাটির মূর্তি

গড়িয়ে করলি উপাসনা ॥”

আবার নিম্নলিখিত গানেও ব্রহ্মভাব পরিস্ফুট হইয়াছে।—

“এবার আমি ভাল ভেবেছি।

এক ভাবীর কাছে ভাব শিখেছি।

যে দেশে রজনী নাই, সেই দেশের এক লোক পেয়েছি।

আমার কিবা দিবা কিবা সন্ধ্যা, সন্ধ্যাকে বন্ধা করেছি।

বিদায়

ঘুম ছুটেছে আর কি ঘুমাই, যুগে যুগে জেগে আছি ;
এবার—যার ঘুম তাকে দিয়ে, ঘুমেতে ঘুম পাড়িয়েছি ।
প্রসাদ বলে, ভক্তি মুক্তি উভয়ে মাথে রেখেছি ।

সবার—শ্রামা নাম ব্রহ্ম জেনে, ধর্ম কর্ম সব ছেড়েছি ॥

সুতরাং উপরের উক্তি হইতে এবং রামপ্রসাদের আরও
নানাবিধ গান হইতে ইহা পরিষ্কার যে তিনি সাকার
নিরাকার দুইই মানিতেন । তিনি শুধু সাকারবাদী অথবা
শুধু নিরাকারবাদী—এই বলিয়া তর্ক করা বৃথা । সংসারের
সাধারণ মানুষকে শিখাইবার জন্ত জীবনের শেষদিন পর্য্যন্ত
তিনি মূর্তি উপাসনা করিয়াছিলেন । মহামায়ার বিশ্ব ছাওয়া ।
তিনি সাকারও বটে, নিরাকারও বটে । তিনি আরও কত
কি । সাধারণ মানুষ তাহার কি অর্থ করিবে ? সাধনার
স্তরে মন ধীরে ধীরে উঠিলে আপনি এই সমস্তার মীমাংসা
হইয়া যায় ; বিচার করিবার আর অবসর থাকে না । সুতরাং
'তারা আমার নিরাকার' এবং 'এলোকেশী দিখসনা'—
এই দুইই সত্য ।

বিদায়

প্রতি বৎসর ঘটী করিয়া রামপ্রসাদ দীপাবিত্তা
অমাবস্তায় কালীপূজা করিতেন । নিজের হাতে প্রতিমা

গড়িতেন। নানাবিধ আভরণাদি মাকে কত আদর করিয়া পরাইতেন। পূজার দিনে সমস্ত রাত তিনি মায়ের পূজায় মগ্ন। ঘোর অমানিশায়, বিবিধ গান রচনা করিয়া মধুর কণ্ঠে গাহিতেন। সে এক অদ্ভুত দৃশ্য। পাড়া প্রতিবেশী, গ্রামবাসী, এই বিরাট কালীপূজা দেখিবার জন্য প্রতি বৎসরই অপেক্ষা করিয়া থাকিত। সমাধিমগ্ন সাধকের সব জিনিস তাহারা বুঝিত না। কিন্তু সুমধুর কণ্ঠের গানগুলি বড় মধুর লাগিত এবং তাহারই জন্য ছুটিয়া আসিত। ভক্তগণ সমস্ত রাত পাশে বসিয়া মনোরম দৃশ্য প্রাণ ভরিয়া দেখিত।

এবারও দুর্গাপূজা শেষ হইয়াছে। দীপাঘিটা অমাবস্তা সামনেই। রামপ্রসাদ মায়ের পূজার জন্য ধীরে ধীরে যাবতীয় বন্দোবস্ত করিতেছেন। কিন্তু এ বৎসর যতই অমাবস্তা ঘনাইয়া আসিতে লাগিল, ততই প্রসাদের হাব-ভাব চাল-চলন উঠা-বসা এই-সবের মধ্যে যেন একটা অদ্ভুত পরিবর্তন লক্ষিত হইল। কেমন যেন একটা আনমনা ভাব। প্রায় গম্ভীর হইয়া থাকেন। কাহারও সঙ্গে বিশেষ কথা বলেন না, দেখিলে মনে হয় যেন একটা তীব্র বৈরাগ্যের দাহে তাঁহার শরীর মন জ্বলিয়া পুড়িয়া যাইতেছে। একটু বিশেষ ভাবে লক্ষ্য করিলেই বুঝা যায়, কেমন যেন একটা যাই-যাই ভাব তাঁহাকে পীড়া

দিতেছে। স্পষ্ট করিয়া কিছু বলেন নাই বটে, কিন্তু দৈনন্দিন জীবনের যাবতীয় খুঁটিনাটিতে এ ভাব ফুটিয়া উঠিয়াছে।

তারা তরী লেগেছে ঘাটে, যদি পারে যাবি মন আয় ছুটে।

তারা নামে পাল খাটিয়ে, তরা তরী চল বেয়ে।

যদি পারে যাবি, দুখ মিটাবি, মনের গেরো দাওরে কেটে।

বাজারে বাজার কর মন, মিছে কেন বেড়াও ছুটে।

ভবের বেলা গেল, সন্ধ্যা হলো, কি করবে আর বসে হাটে।

শ্রীরামপ্রসাদ বলে, মন বাঁধরে এঁটে সেঁটে,

ওরে এবার আমি ছুটিয়াছি, ভবের মায়াবেড়ি কেটে।

আত্মীয় স্বজন পাড়া প্রতিবেশী ভক্তেরা তাঁহাকে একজন খ্যাতনামা মহাপুরুষ বলিয়া প্রচার করিতেছিল। কিন্তু তিনি সর্বসাধারণের একজন মাত্র—এর বেশী দাবী কোন দিনই কাহারও কাছে করেন নাই। তাঁহার সরল স্বভাব, অনাড়ম্বর ভাব—ইহাই আজীবন সাক্ষ্য দিয়া আসিতেছিল। স্মৃতরাং প্রতিবৎসর যখন দীপাবলি অমাবস্যার বহু পূর্বে হইতেই দলে দলে লোক আসিত এবং পূজার আয়োজনাदि দেখিয়া আনন্দ করিত, তিনিও তাহাদের সঙ্গে প্রাণ খুলিয়া আদর-সম্ভাষণাদি করিতেন, প্রাণ ভরিয়া মায়ের নাম শুনাইতেন। কিন্তু এ বৎসর তিনি যেন নূতন

মানুষ। কাহারও সঙ্গে বিশেষ কথা বলেন না। কি একটা অচেনা অজানা দেশের প্রতি তাঁহার মন নিবিষ্ট রহিল—কে বলিতে পারে ? মাতৃবিয়োগের ব্যথা সামলাইতে তাঁহার অনেক দিন লাগিয়াছিল। মহারাজা কৃষ্ণচন্দ্রের দেহত্যাগ তাঁহাকে অধীর করিয়াছিল। কিন্তু বর্তমান অবস্থার সঙ্গে তাহার তুলনাই হয় না। অকারণে গম্ভীর হইয়া পড়েন, আলাপ আলোচনা করিতে করিতে হঠাৎ বন্ধ করিয়া দেন। সৰ্কলের নিকট অদ্ভুত বলিয়া ঠেকিতে লাগিল। কিন্তু কেন এমন ঘটতেছে ভাবিয়া পাওয়া দায়। জীবন সমুদ্রের ঝড়-ঝাপটার মধ্যে, নানা আপদ-বিপদে তাঁহাকে কখনও এতটা বিচলিত হইতে দেখা যাইত না। কিন্তু এখন তো সংসারে বাধা-বিল্ল তেমন কিছু নাই, কোন অভাবনীয় ঘটনাও তেমন পরিলক্ষিত হয় না। অথচ এই অদ্ভুত ভাব কেন—কেহ অনুমান করিতে পারিল না। কিন্তু কারণ যাহাই হউক, সাধকের নিভৃত-চিন্ত-তলে যে একটা দাবান্নি জ্বলিতেছে ইহা বেশ বুঝা গেল। যাহারা অতি ঘনিষ্ঠ ভাবে তাঁহার সঙ্গে মিশিত এবং মানবচিন্ত সম্বন্ধে যাহাদের এতটুকু অভিজ্ঞতা ছিল, তাহারা বুঝিল—দিন আর নাই। রামপ্রসাদ বিদায়ের পালা গাহিতেছেন। বাকী কয়টা দিন তিনি এই ভাবেই চলিবেন। পূর্বের অবস্থা আর ফিরিয়া আসিবে না। সাধকের অন্তরের

বিদায়

অন্তরতম প্রদেশ হইতে কি ভাব খেলিয়া বেড়াইতেছে—কে বলিবে ? অন্তর্যামী ব্যতীত দ্বিতীয় সাক্ষী ইহার আর কেহ রহিল না ।

দীপাঙ্ঘ্রিতা অমাবস্তা উপস্থিত । পূজার আয়োজন যাবতীয় প্রস্তুত । সাধক আসনে বসিয়া মায়ের পূজায় মগ্ন ! কি করুণ মিনতি, কি কাতর প্রার্থনা, সমস্ত রাত্রি ধরিয়া মায়ের নাম গানে তিনি বাহুজ্ঞানশূন্য । নূতন নূতন গান মাকে শুনাইতে লাগিলেন । সে স্নমধুর সুর অমানিশার আকাশে বাতাসে খেলিয়া বেড়াইতে লাগিল ।

সামাল ভবে ডুবে তরী ।

তরী ডুবে যায় জনমের মত ॥

জীর্ণ তরী তুফান ভারী, বাইতে নারী ডুবে মরি,

ঐ যে দেহের মধ্যে ছয়টা রিপু

এবার এরাই করুছে দাগাদারী ॥

এনেছি, বসে খেলে মন, মহাজনের মূল খোয়ালী ।

যখন হিসাব করে দিতে হবে মন,

তখন তহবিল হবে ভারী ।

দীন রামপ্রসাদ বলে—মন, নীরে বুঝি ডুবায় তরী ।

তুমি পরের ঘরের হিসাব কর ;

আপন ঘরে যায় যে চুরী ॥

পূজা মণ্ডপে অপূর্ব ভাবের বন্যা প্রবাহিত হইল। এইভাবে সমস্ত রাত্রি অতিবাহিত। পরদিন তাঁহার ভাবের কোন পরিবর্তন লক্ষিত হইল না। অপরাপর বৎসরের ন্যায় প্রতিমা বিসর্জনের যাবতীয় আয়োজন করিলেন। মঙ্গলঘট মাথায় করিয়া সুমধুর মায়ের গান করিতে করিতে ভাগীরথীর দিকে চলিয়াছেন। সঙ্গে অপর সকলে প্রতিমাদি লইয়া অগ্রসর হইতেছেন। হঠাৎ রামপ্রসাদ আকণ্ঠে জলে দাঁড়াইয়া মধুর সুরে গান আরম্ভ করিলেন এবং একটীর পর একটী করিয়া চারিটী মনোরম গান গাহিলেন।

- ১। তিলেক দাঁড়াও রে ওরে শমন।
- ২। বল দেখি ভাই কি হয় ম'লে।
- ৩। মরলাম ভূতের বেগার খেটে।
- ৪। তারা তোমার আর কি মনে আছে।*

মনের আনন্দে ভক্তিভরে এই গান কয়টী গাহিতে লাগিলেন। চতুর্থ গানের শেষ চরণ দুটি,

“প্রসাদ বলে মন দূঢ়, দক্ষিণার জোর বড়

ওগো ওমা, আমার দফা হলো রফা, দক্ষিণা হয়েছে।”

গাহিতে গাহিতে তন্ময় হইয়া পড়িলেন। অপূর্ব জ্যোতিতে কোমল অঙ্গ উদ্ভাসিত হইয়া উঠিল। “দক্ষিণা

* এই গান চারিটী ‘প্রসাদের রচনাবলী’র শেষের দিকে আছে।

বিদায়

হয়েছে” এই বাক্যটী যখনই মুখ হইতে বাহির হইল সঙ্গে সঙ্গে তাঁহার প্রাণবায়ু আকাশে মিশিয়া গেল। পঞ্চভৌতিক দেহটী মাত্র পড়িয়া রহিল।*


পতিতপাবনী কুলকুলনাদিনী মা ভাগীরথী সাধক রামপ্রসাদকে নিজের কোলে তুলিয়া লইলেন। রামপ্রসাদের জীবন-নাট্যের যবনিকা-পতন হইল।

বিদায় ! বিদায় ! সাধক চূড়ামণি রামপ্রসাদ পরিবারবর্গ, আত্মীয়-স্বজন, পাড়া-প্রতিবেশীকে অকূল দুঃখ-সাগরে ভাসাইয়া জন্মের মত বিদায় লইলেন। বড় সাধের জন্মভূমি পশ্চাতে পড়িয়া রহিল।

বঙ্গদেশ রামপ্রসাদের মত জীবমুক্ত মহাপুরুষকে পাইয়া ধন্য হইয়াছে। যতদিন বাঙ্গালী জাতি বাঁচিয়া থাকিবে, যতদিন বাংলার আকাশে বাতাসে গানের লহরী খেলিয়া বেড়াইবে, ততদিন রামপ্রসাদের স্মৃতি মুছিয়া যাইবার নহে—ততদিন প্রতি বাঙ্গালীর নিভৃত-চিন্ততলের করুণ পর্দায় প্রসাদী সঙ্গীত ধ্বনিত প্রতিধ্বনিত হইবে।

* রামপ্রসাদ যে কত বয়সে ইহধাম ত্যাগ করিয়াছেন সঠিক জানা যায় না। কেহ বলেন ৮০ বৎসর, কেহ বলেন ১০০ বৎসর।

আর একটি কিংবদন্তী আছে যে পতিব্রতা স্ত্রী সর্বাণীও স্বামীর সঙ্গে দেহ ত্যাগ করেন। কেহ কেহ বলেন এই ঘটনার বহু পূর্বেই সর্বাণী দেহত্যাগ করিয়াছিলেন।



প্রসাদের রচনাবলী



° প্রসাদের রচনাবলী

সাধক রামপ্রসাদের জীবনী আলোচিত হইয়াছে। কিন্তু কবি রামপ্রসাদ অথবা সাহিত্যিক রামপ্রসাদের পরিচয় আমরা পাই নাই। বাংলার ঘরে ঘরে আজও রামপ্রসাদের সঙ্গীত ধ্বনিত প্রতিধ্বনিত হয়। ছেলে মেয়ে বালক বৃদ্ধ, সকলেই প্রসাদ সঙ্গীত গান করিয়া আনন্দ অনুভব করেন। এই সুর সাধারণতঃ ‘রামপ্রসাদী সুর’ এই নামে চলিয়া আসিয়াছে। রামপ্রসাদ এই সুরের প্রবর্তন করেন, অথবা পূর্ব হইতেই ইহা প্রচলিত ছিল, তাহা বলা শক্ত, তবে তাঁহার সময়ে ইহা জনসমাজে বহুল প্রচার হয়। গানের ভাষা সহজ, সরল, কিন্তু ভাবের গাম্ভীর্য্য এত বেশী যে সাধারণ মানুষ ইহার অর্থ হৃদয়ঙ্গম করিতে পারে না। দার্শনিক তত্ত্বের জটিল সমস্তা-সমূহ অতি সাধারণ গানের ভিতর দিয়া তিনি যে ভাবে প্রকাশ করিয়াছেন, তাহা বাস্তবিকই অদ্ভুত।

‘মন রে, কৃষি-কাজ জান না—এমন মানব জমি
রইল পতিত, আবাদ ক’রলে ফলত সোনা’ অতি সহজ
ছন্দ, সরল ভাষা।—কিন্তু ইহার মধ্যে কি পরিমাণ

সাধক রামপ্রসাদ

ভাবের সমাবেশ হইয়াছে তাহা ভাষায় প্রকাশ করা যায় না। রামপ্রসাদ সাধক মহাপুরুষ। ভাবের আবেগে হৃদয়ের অন্তস্তল হইতে যে সুরের লহরী উঠিত, তাহাই তিনি আনন্দের সহিত গাহিতেন। এবং সেই জন্তই উহা সকলের নিকট এত আদরণীয় হইয়া উঠে। তখন মুদ্রা-যন্ত্রের প্রচলন ছিল না—মুখে মুখেই গান-গুলি চলিয়া আসিয়াছে।

রামপ্রসাদ যে কত গান রচনা করিয়াছিলেন, কিছুই বলা যায় না। তাহার একটা গানে আছে—‘লাখ উকিল করেছি খাড়া’। একজন মানুষের জীবনে লক্ষ গান লেখা সম্ভবপর নয় বলিয়া মনে হয়। কিন্তু দুঃখের বিষয়, আজ পর্য্যন্ত আড়াইশত রামপ্রসাদী গানও সংগৃহীত হয় নাই। ইহা বাংলা তথা বাঙ্গালী জাতীর পক্ষে যে কত বড় ক্ষতিকর, ইহা বলিয়া বোঝান যায় না। ভবিষ্যতে এ অভাব পূর্ণ হইবার কোন সম্ভাবনাও দেখা যাইতেছে না। গান বাতীত প্রসাদের আরও অল্প অনেক রচনা আছে। শিব-সঙ্কীৰ্তন, কৃষ্ণ-কীৰ্তন ও কালী-কীৰ্তন, সবই গীতিময়। শিব-সঙ্কীৰ্তন ৭ কৃষ্ণ-কীৰ্তনের অধিকাংশই পাওয়া যায় না। কালী-কীৰ্তনে মাঝে মাঝে অপূৰ্ব কবিত্ব ফুটিয়া উঠিয়াছে।

প্রসাদ-প্রসঙ্গ রচয়িতা' ওদয়াল চন্দ্র ঘোষ প্রসাদের

বংশধরের নিকট হইতে অনেক কাগজ-পত্র পাইয়াছিলেন। কিন্তু বড়ই দুঃখের বিষয়, রামপ্রসাদের স্বহস্ত-লিখিত কোন গান তাহাতে পাওয়া যায় নাই। সেই জন্য লোক-মুখে শ্রুত গান প্রকাশ করা ব্যতীত আর কোন উপায় নাই।

বিদ্যাসুন্দর

রামপ্রসাদ 'বিদ্যাসুন্দর' নামে একখানি কাব্যগ্রন্থও রচনা করেন। মহারাজা কৃষ্ণচন্দ্র রামপ্রসাদের ভগবন্তক্তি এবং কবিত্বে মুগ্ধ হইয়া তাঁহাকে একশত বিঘা নিষ্কর জমি দান করেন। প্রতিদানে 'কবিরঞ্জন বিদ্যাসুন্দর' নামে একখানি মনোরম কাব্যগ্রন্থ তাঁহাকে উপহার দেন। এই বিদ্যাসুন্দর কোন বাংলা কবির মৌলিক রচনা নহে। সংস্কৃত ভাষায় পণ্ডিত বররুচি ইহার স্রষ্টা। বিদ্যাসুন্দরের উপাখ্যান অতি প্রাচীন। ইহাকেই অবলম্বন করিয়া কৃষ্ণরামের 'কালিকামঙ্গল', ভারতচন্দ্রের 'অন্নদামঙ্গল ও বিদ্যাসুন্দর' রামপ্রসাদের 'কবিরঞ্জন বিদ্যাসুন্দর' এবং প্রাণারাম চক্রবর্তীর 'কালিকামঙ্গল'—এই চারিখানি বিদ্যাসুন্দর বর্তমানে বাংলা ভাষায় দেখিতে পাওয়া যায়। ইহার মধ্যে বিখ্যাত কবি

ভারতচন্দ্রের 'বিদ্যাসুন্দর'ের রচনা অতীব মনোরম। ভাব ও ভাষা সুন্দর ফুটিয়া উঠিয়াছে। মহারাজা কৃষ্ণচন্দ্রের উৎসাহে ভারতচন্দ্র এই গ্রন্থখানি রচনা করেন। কথিত আছে ভারতচন্দ্র প্রথম অনন্দামঙ্গল লিখিয়া মহারাজকে উপহার দেন। মহারাজা অনন্দামঙ্গল পড়িয়া অতীব আনন্দিত হন। বাস্তবিক, কবি ভারতচন্দ্রের অদ্ভুত ক্ষমতায় এই বইখানি রচিত হইয়াছে। সহজ সরল ভাষা যেন গঙ্গা শ্রোতের শ্রায় অবিরাম চলিয়াছে। বাধা নাই, বিঘ্ন নাই, কঠিন শব্দের ব্যবহার নাই। এক সময়ে মহারাজা বিদ্রূপ করিয়া বলিয়াছিলেন, 'ভারতচন্দ্র, তুমি যে মহাপণ্ডিত সন্দেহ নাই। কিন্তু আদিরসের তুমি কিছুই জান না।' এই কথার প্রতিবাদে ভারতচন্দ্র আদিরসাত্মক 'বিদ্যাসুন্দর' বইখানি লিখিতে আরম্ভ করেন এবং মহারাজকে উপহার দিয়া বিদ্রূপাত্মক কথার জবাব দেন। বাস্তবিক বলিতে গেলে ভারতচন্দ্রের 'বিদ্যাসুন্দর' বঙ্গসাহিত্যে এক উপাদেয় বস্তু। বইখানি সবই আদিরসাত্মক। কিন্তু ভাব ও ভাষায় বিশেষ জনপ্রিয় হইয়াছে।

কবিরঞ্জন রামপ্রসাদের 'বিদ্যাসুন্দর' এর ভাষা তেমন ফুটিয়া উঠে নাই। অবশ্য কবিত্ব, পাণ্ডিত্য, রসিকতা, ভাবুকতা, সবই তাহাতে আছে, তাহা হইলেও ভারতচন্দ্রের বিদ্যাসুন্দরের পাশে দাঁড়াইতে পারে না। ভাব ও ভাষা

দুই-ই জটিল। অনেক পারস্য ও হিন্দি শব্দের ব্যবহার দেখা যায়। মাঝে মাঝে মৈথিল ভাষারও সন্নিবেশ আছে। রামপ্রসাদের দুর্বোধ শব্দাদি বিচারে বইখানি যে কঠিন হইয়া পড়িয়াছে, উহা তিনি নিজেই বুঝিতে পারিতেন। গ্রন্থের একস্থানে তিনি লিখিয়াছেন :—

কালীকঙ্করের কাব্যকথা বোঝা ভার।

সে বুঝে অক্ষর—কালী হৃদে আছে যার ॥

এই বইখানি তিনি যে পাণ্ডিত্য প্রকাশের জন্য লিখেন নাই ইহা বেশ বোঝা যায়। মাতৃসাধক রামপ্রসাদ তাঁহার আরাধ্যা দেবী জগজ্জননী কালী মাতার মহিমা বর্ণনা হিসাবে গ্রন্থখানি লিখিয়াছেন। গ্রন্থ মধ্যে একটি আধ্যাত্মিকতার ভাব বরাবর ফুটাইয়া তুলিতে চেষ্টা করিয়াছেন। তাত্ত্বিক সাধনার নিগূঢ় তত্ত্বসমূহ স্থানে স্থানে অতি সুন্দর ভাবে ফুটিয়া উঠিয়াছে। এত বড় সাধক রামপ্রসাদ। মায়ের নামে তিনি অহর্নিশি পাগল! অথচ তিনি আদি-রসাত্মক এই বইখানি কেন লিখিলেন ঠিক বুঝা গেল না। যতটুকু মনে হয়, মহারাজার মহৎ দানের প্রতিদানে এই বইখানির সৃষ্টি। বিদ্যাসুন্দরের দক্ষিণ কালিকামূর্তি সংস্থাপন ও শব-সাধন উদ্যোগ প্রসঙ্গে বলিয়াছেন—

বিস্তারিত বিবরণ বর্ণিলে সমস্ত।

গ্রন্থ যাবে গড়াগড়ি, গানে হবো ব্যস্ত ॥

ইহা হইতেই বেশ বোঝা যায়, সহজ সরল মাতৃনাম
সম্বন্ধীয় গানই তাঁহার প্রাণের জিনিস, এবং এই সুমধুর
গানই বাংলার ছেলে মেয়ে শিশু বৃদ্ধের হৃদয়ে ধ্বনিত
প্রতিধ্বনিত হইতেছে। প্রাণের জিনিস বলিয়াই
সকলের প্রাণ আকর্ষণ করিয়াছে। ভিতরের তাগিদে
প্রাণস্পর্শী গান-সমূহ লিখিয়াছিলেন। বাহিরের তাগিদে
'বিদ্যাসুন্দর'। সুতরাং ইহা মানুষের মনোরঞ্জন বিশেষ
করিয়া উঠিতে পারে নাই এবং কবিত্বও তেমন ফুটিয়া
উঠে নাই। নিম্নে 'বিদ্যাসুন্দর' হইতে কয়েকটী স্তব এবং
মায়ের মহিমা-বর্ণনা-বিষয়ক মনোরম ব্যাখ্যা দেওয়া গেল।

কবিরঞ্জন

বিদ্যাসুন্দর

অথ গণেশ-বন্দনা

পরম পুরুষ পছ, পুনঃ পুনঃ প্রণমছ,
পর্বতেশ-পুত্রী-প্রিয়-সুত ।
বিভু বেদবিদাস্বর, বিনায়ক বিল্বহর,
বারণবদন গুণযুত ॥
তরুণ অরুণ অণু, অতি জ্যোতির্ময় তনু,
আজ্ঞামূলস্থিত ভুজদণ্ড ।

প্রসাদের রচনাবলী

অভরণ নানা মত, মণি হেম মরকত,

সিন্দূরে সুন্দর শুণ্ড গণ্ড ॥

অদিতি-অঙ্গজ-শ্রেষ্ঠ, আরোহণ আখু-পৃষ্ঠ,

আসরে উরহ একবার ।

জনে যদি জপে নাম, যম জিনি যোগ্য ধাম,

যায় তায় করি অধিকার ॥

দেব দেব দীনবন্ধু, দাসে দেহি দয়াসিদ্ধু,

সবিশেষ উপদেশ সার ।

শিব কর্মে তুমি মূল, হও শীঘ্র অনুকূল,

আমি শিশু বঞ্চিত সংস্কার ॥

রামরাম সেন নাম, মহাকবি গুণধাম,

সদা যারে সদয়া অভয়া ।

তৎস্মৃত রামপ্রসাদে, কহে কোকনদ-পদে,

কিঞ্চিৎ কটাক্ষে কর দয়া ॥

অথ সরস্বতী বন্দনা

যত্নে পুটাজ্জলি অতি, বন্দো মাতা সরস্বতী,

মহাবিদ্যা সরসিজাসনী ।

কুচভর-নমিতাঙ্গী, ভুবনমোহন ভঙ্গী,

বিদ্যারূপা ব্রহ্মাণ্ডজননী ॥

সাধক রামপ্রসাদ

শ্বেতপদ্ম শ্রীচরণ, হংসবধু অনুরূপ,
হৃদিমধ্যে বিহর মা নিত্য ।

ক্ষুদ্র আমি, ক্ষীণ প্রজ্ঞা, পাল মাতা নিজ আজ্ঞা,
কণ্ঠে বসি कह সুকবিত্ব ॥

নানা যন্ত্র তাল মান, আলাপে মোহিত জ্ঞান
রাগ ছত্রিশ রাগিণী ।

ধন বিদ্যা সঙ্গীত পর, যে গানে ত্রিপুরহর,
দ্রব কৈলা দেব চক্রপাণি ॥

সেই বস্তু এই গঙ্গা, নির্মল স্নাতুঙ্গভঙ্গা,
কণা-মাত্রে মহাপাপ হরে ।

সত্য সত্য বেদে উক্তি, দর্শনে কৈবল্য মুক্তি,
স্নানফল কহিবে কি নরে ॥

ব্যাস-বাল্মীকাদি-চয়, মহাকবি মহাশয়,
তব কুপালেশে প্রজ্ঞাবান্ ।

বহুকণ্ঠে চিন্তে খেদ, সঙ্কলন করি বেদ,
নানা শাস্ত্র করিলা বিধান ॥

তব কুপাদৃষ্টি যারে, জগত জিনিতে পারে,
ধরাতলে সেই জন ধন্য ।

তুমি গো যাহারে বাম, জীয়া তার কিবা কাম,
মুঢ়মতি সে অতি জঘন্য ॥

প্রসাদের রচনাবলী

তুমি বিশ্ব অন্তর্যামী, স্তব কিবা জানি আমি,
বেদাগমে অতুল্য মহিমা ।
শ্রীপ্রসাদে বলে মাতা, স্মরহর হরি ধাতা,
কোনরূপে না পাইলা সীমা ॥

অথ লক্ষ্মী বন্দন।

কমলে কমলা বন্দো কোমল শরীর ।
কমল-চরণে শোভে মঞ্জুল মঞ্জীর ॥
গুরু উরু ডমরু-সুচারু মধ্যদেশ ।
ত্রিবলী গভীর নাভি কি কব বিশেষ ॥
কান্তি মধ্যে উভ তটে গুপ্ত যুগ্ম কোক ।
তব রোমাবলী কুচ কুম্ভ কহে লোক ॥
পঙ্কে বাস বিস সে কি বাহুদণ্ড অণু ।
তুলা নহে বিসে কি সে ভেবে ক্ষীণ তনু ॥
নাসা তিলফুল তাহে বিলোল বেসর ।
পূর্ণচন্দ্র শোভা যেন পিবতি চকোর ॥
জিনিয়া আরক্ত মুক্তাফল দন্তশোভা ।
বিস্বাধর প্রতিবিশ্ব মুক্তা মনোলোভা ॥

সাধক রামপ্রসাদ

খঞ্জন গঞ্জন জাঁখি অঞ্জনে রঞ্জিত ।
মনোহর মনোহরা কিঞ্চিৎ কিঞ্চিৎ ॥
নিন্দিয়া গৃধিনীশ্রুতি শ্রবণ যুগল ।
দরিদ্র-দ্রবিণ-আশা সুদীর্ঘ কুণ্ডল ॥
উপযুক্ত ভূষণ ভূষিত ঠাঁই ঠাঁই ।
কি কব রূপের কথা ত্রিভুবনে নাই ॥
সর্বগুণহীন যদি ধনবান্ হয় ।
তৃণ তুল্য দ্বারে তার কত গুণালয় ॥
তব কৃপাপাত্র মাত্র ধরাতলে পূজ্য ।
সত্ব দানে বিত্ত গুণে সে লভে সার্বভূজ্য ॥
যে গৃহিজনের প্রতি জন্মে তব কোপ ।
কি তার ঐহিক ধর্ম পূর্ব ধর্ম লোপ ॥
বিষম দারিদ্র্যদোষে গুণরাশি নাশে ।
থাকুক আদর কেহ কথা না জিজ্ঞাসে ।
কি আর কহিব বাড়ী স্ত্রীপুত্র অবশ ।
বিরস বদনে কহে বচন কর্কশ ॥
এ সর্ব তোমার মায়া জানি গো জননী ।
প্রসাদে প্রসন্না হও জলধিনন্দিনী ॥

অথ কালী বন্দনা

- ০ কলিকাল-কুঞ্জর-কেশরী কালী নাম ।
জপিলে জঞ্জাল যায়, যায় যোগ্য ধাম ॥
কাল কর পৃথক চিন্তহ মনে এই ।
লকারে ঈকার দীর্ঘ খড়া বটে সেই ।
রসনাগ্রে মুখ ভরে যত্ন করে লও ।
ভক্তি গজপৃষ্ঠে চড়ি যমজয়ী হও ॥
ভয় নাহি ভয় নাহি ভয় নাহি আর ।
শ্রীনাথ কহিল। তত্ত্ব বস্তু সারাৎসার ॥
নাম নিত্য। নৃত্যতি নিখিলনাথ উরে ।
বিপরীত কাজ লাজ পরিহরি দূরে ॥
কাদম্বিনী জিনিয়া নিশ্চল বর্ণ কালো ।
কলেবর-কিরণ তিমির-পুঞ্জ আলো ॥
কটিভটে করালি লম্বিত মুণ্ডমাল ।
লোল জিহ্বা বিশালাক্ষী বদন বিশাল ॥
হেরি বপু রিপুচয় ভয়ে কম্পবান্ ।
বামে অসি মুণ্ড যাম্যে বরাভয় দান ॥
অপরূপ শবযুগ শ্রবণ যুগলে ।
বিগলিত কুন্তল লোটায় ধরাতলে ॥
বিবস্ত্রা যোগিনীঘটা দীর্ঘ জটা মাথে ।
বিকট বদন সুধাপানপাত্র হাতে ॥

সিত পীত লোহিত অসিত রূপ ছটা ।
 যুদ্ধে ত্রুদ্ধে উর্দ্ধমুখে গিলে রিপু ঘটা ॥
 হত রথী সারথি তুরঙ্গ করিবর ।
 শিবাকুলে সঙ্কুল শ্মশান শঙ্কাকর ॥
 একান্ত কাতর অতি মহী যায় তল ।
 অকালে প্রলয় সৃষ্টি মজিল সকল ॥
 অখিল জননী তব চরিত্র এমন ।
 হেদে গো করুণাময়ি এ আর কেমন ॥
 ধন্যা দারা স্বপ্নে তারা প্রত্যাদেশ তারে ।
 আমি কি অধম এতো বিমুখ আমারে ॥
 জন্মে জন্মে বিকায়েছি পাদপদ্মে তব ।
 কহিবার কথা নয় বিশেষ কি কব ॥
 প্রসাদে প্রসন্না হও কালী কৃপামই ।
 আমি তুয়া দাস-দাস দাসীপুত্র হই ॥

অষ্টরসাধার জগদন্বা-পাদপদ্ম ।
 পরম রহস্য-কথা শুন গুণসদ্ব ॥
 বিলোকনে যে যে চিন্তে জন্মে যে যে রস ।
 বর্ণনা যোগ্যতা বটে কার্য্যকর্তা যশ ॥

স্বকীয় সুন্দরী পাদপদ্ম হৃদে রাখি ।
 ০ প্রাজ্ঞ মাত্র সদাশিব বিঘূর্ণিত আঁখি ॥
 মহাকবি পদ্য প্রতি ঘৃণা জন্মে মনে ।
 কি গুণে তুলনা ছি ছি এ হেন চরণে ॥
 দর্পে কহে মদন বিগত যুদ্ধ ভয় ।
 চির কালান্তরে পরিপূর্ণ পরাজয় ॥
 চন্দ্র সূর্য্য এ কোন উদয় ত্রিভুবনে ।
 ক্রোধযুক্ত বিধ্বস্ত শত্রু নিরীক্ষণে ॥
 সতী সঙ্গি সভক্তি হৃদয় পদ্য বৃন্দ ।
 নিতান্ত বিস্মিত বিরিঞ্চ্যাদি সুরবৃন্দ ॥
 মহাভীতা ধরণী সুস্থির নহে প্রাণ ।
 চিন্তয়তি কোনরূপে পাই পরিত্রাণ ॥
 স্মেরমুখীসহচরীগণ মহাহ্লাদ ।
 নয়ন নিমিষহীন বিগত বিষাদ ॥
 ত্রিগুণজননী তব নিরখিয়া পদ ।
 উথলে করুণাসিদ্ধ অঙ্গ গদগদ ॥
 প্রসাদে প্রসন্না হও কালী কৃপামই ।
 আমি তুয়া দাসদাস দাসীপুত্র হই ॥

প্রসাদ-পদাবলী*

১

প্রসাদী—একতালা

মনরে, কৃষি কাজ জান না।

এমন মানবজমি রইলো পতিত, আবাদ করলে ফলতো সোনা ॥

কালী নামে দেওরে বেড়া, ফসলে তছরূপ হবে না।

সে যে মুক্তকেশীর শক্ত বেড়া, তার কাছেতে যম ঘেঁসে না ॥

অত্ন অবশতান্তে বা, বাজাপ্ত হবে জাননা।

আছে একতারে মন এইবেলা তুই, চুটিয়ে ফসল, কেটে নেনা ॥

গুরুদত্ত বীজ রোপণ করে, ভক্তিবানি তায় সৈঁচনা।

ওরে একা যদি না পারিস মন, রামপ্রসাদকে সঙ্গে নেনা ॥

২

প্রসাদী—একতালা

মা আমায় ঘুরাবে কত ?

কলুর চোকটাকা বলদের মত ॥

ভবের গাছে বেঁধে দিয়ে মা পাক দিতেছ অবিরত।

তুমি কি দোষে করিলে আমায় ছ'টা কলুর অনুগত ॥

* প্রসাদ-পদাবলী 'আড়াইশ'এর কিছু বেশী সংগ্রহ আছে। কিন্তু কাগজের বেশী অল্পমতি না পাওয়াতে ইচ্ছা থাকা সত্ত্বেও সব গান দেওয়া সম্ভব হইল না।

আশিলক্ষ যোনি ভ্রমি পশুপক্ষী আদি যত ।
 তবু গর্ভধারণ নয় নিবারণ যাতনাতে হলেম হত ॥
 মা শব্দ মমতায়ুত, কাঁদলে কোলে করে স্নত ।
 দেখি ব্রহ্মাণ্ডেরই এই রীতি মা, আমি কি ছাড়া জগত ॥
 দুর্গা দুর্গা দুর্গা ব'লে, ত'রে গেল পাণী কত ।
 একবার খুলে দে মা চোকের ঠুলি, হেরি গো তোর অভয় পদ ॥
 কুপুত্র হয় অনেক হয় মা, কুমাতা নয় কখনত ।
 (প্রসাদ যে কুপুত্র তোমার করে রেখ পদানত ॥)
 রামপ্রসাদের এই আশা মা, অস্ত্রে থাকি পদানত ॥

৩

সংলা—একতাল

আর কাজকি আমার কালী ?

মায়ের পদতলে পড়ে আছে, গয়া গঙ্গা বারানসী ॥
 হৃৎকমলে ধ্যান কালে, আনন্দ সাগরে ভাসি ।
 ওরে কালী পদ কোকনদ, তীর্থ রাশি রাশি ॥
 কালী নামে পাপ কোথা, মাথা নাই তার মাথা ব্যথা ।
 ওরে অনল দাহন যথা করে তুলারশি ॥
 গয়ায় করে পিণ্ড দান, পিতৃঋণে পায় ত্রাণ ।
 ওরে যে করে কালীর ধ্যান, তার গয়া শুনে হাসি ॥

কাশীতে মোলেই মুক্তি, এ বটে শিবের উক্তি ।
 ওরে সকলের মূল ভক্তি, মুক্তি হয় মন তার দাসী ॥
 নির্বাহে কি আছে ফল, জলেতে মিশায় জল ।
 ওরে চিনি হওয়া ভাল নয়, চিনি খেতে ভালবাসি ॥
 কৌতুকে প্রসাদ বলে, করুণানিধির বলে ।
 ওরে চতুর্বর্গ করতলে, ভাবিলে রে এলোকেশী ॥

৪

প্রসাদী—একতাল

বল মা তারা দাঁড়াই কোথা ।

আমার কেহ নাই শঙ্করী হেথা ॥

মা'র সোহাগে বাপের আদর, এ দৃষ্টান্ত যথা তথা ।

যে বাপ বিমাতারে শিরে ধরে, এমন বাপের ভরসা বুথা ॥

তুমি না করিলে কৃপা, যাবকি বিমাতা যথা ।

যদি বিমাতা আমায় করেন কোলে, দূরে যাবে মনের ব্যথা ॥

প্রসাদ বলে এই কথা, বেদাগমে আছে গাঁথা ।

ওমা যেজন তোমার নাম করে মা, তার কপালে বুলি কাঁথা ॥

৫

প্রসাদী—একতাল

ভাবনা কালী ভাবনা কিবা ।

ওরে মোহ-ময়ী রাত্রি গতা, সংপ্রতি প্রকাশে দিবা ॥

অরুণ উদয় কাল, ঘুচিল তিমির জাল ।
 ওরে কমলে কমল ভাল, প্রকাশ করেছে শিবা ॥
 বেদে দিলে চক্ষে ধূলা, ষড় দর্শনের সেই অন্ধগুলা ।
 ওরে না চিনিল জ্যোষ্ঠা মূলা, খেলা ধূলা কে ভাঙ্গিবা ॥
 যেখানে আনন্দ হাট, গুরু শিষ্য নাস্তি পাঠ ।
 ওরে যার নেটো তারি নাট, তব্ধে তব্ধ কে পাইবা ॥
 যে রসিক ভক্ত শূর, সেই প্রবেশে সেই পুর ।
 রাম প্রসাদ বলে ভাঙলো ভূর, আগুন বেঁধে কে রাখিবা ॥

৬

প্রসাদী—একতালী

এবার আমি বুঝব হরে ।

মায়ের ধরবো চরণ লব জোরে ॥

ভোলানাথের ভুল ধরেছি, বলবো এবার যারে তারে ।
 ভোলা আপন ভাল চায় যদি সে, চরণ ছেড়ে দিক আমারে ॥
 পিতা পুত্রে এক ক্ষেত্রে, দেখা মাত্রে বলবো তারে ।
 সে যে পিতা হয়ে মায়ের চরণ, হৃদে ধরে কেমন করে ॥
 মায়ের ধন সন্তানে পায়, সে ধন নিলে কোন বিচারে ।
 ভোলা মায়ের চরণ করে হরণ, মিছে মরণ দেখায় কারে ॥
 শিবের দোষ বলি যদি, বাজে আপন গার উপরে ।
 রাম প্রসাদ বলে ভয় করিনে, মায়ের অভয় পদের জোরে ॥

প্রসাদী—একতালা

মন কেনরে ভাবিস্ এত ।

যেন মাতৃহীন বালকের মত ॥

ভবে এসে ভাবছো ব'সে, কালের ভয়ে হয়ে ভীত ।

ওরে কালেরো কাল যে মহাকাল, সে কাল মায়ের পদানত ॥

ফণী হয়ে ভেকেরে ভয়, এয়ে বড় অদ্ভুত ।

ওরে তুই করিস কি কালেরে ভয়, হয়ে ব্রহ্মময়ীর স্মৃত ॥

একি ভ্রান্ত নিভ্রান্ত তুই, হলিরে পাগলের মত ।

অমন মা আছেন যার ব্রহ্মময়ী, কার ভয়ে সে হয় রে ভীত ॥

মিছে কেন ভাব ছুখে, দুর্গা বল অবিরত ।

ও মন দুর্গানামে ভয় থাকে না ঘুচে যায় ভাবনা যত ॥

দ্বিজ রাম-প্রসাদ বলে, মনের ভুলে ভেবে ভেবে হলে হত ।

এখন গুরুদত্ত তত্ত্ব ধর কি করিবে রবিস্মৃত ॥

৮

মুলতানী—একতালা

নিভ্রান্ত যাবে দিন, এ দিন যাবে, কেবল ঘোষণা রবে গো ।

তারা নামে অসংখ্য কলঙ্ক হবে গো ॥

এসেছিলাম ভবের হাটে, হাট করে বসেছি ঘাটে ;

ওমা শ্রীসূর্য্য বসিল পাটে, নায়ে লবে গো ॥

প্রসাদের রচনাবলী

দশের ভরা ভরে নায়, দুঃখা জনে ফেলে যায় ;
ওমা তার ঠাই যে কড়ি চায়, সে কোথা পাবে গো ॥
প্রসাদ বলে পাষাণ মেয়ে, আসন দেমা ফিরে চেয়ে ;
আমি ভাসান দিলাম গুণ গেয়ে, ভবাবর্গে গো ॥

৯

প্রসাদী—একতারা

অভয় চরণ সব লুটালে ।

কিছু রাখলে না মা তনয় বলে ॥

দাতার কণ্ঠা দাতা ছিলে, শিখেছিলে মা বাপের কুলে ।

তোমার পিতা মাতা যেম্নি দাতা, তেম্নি দাতা কি আমায় হ'লে ॥

ভাঁড়ার জিন্মা যার কাছে মা, সে জন তোমার পদতলে ।

সদা ভাং খেয়ে সে মত্ত ভোলা, তুষ্ট কেবল বিশ্বদলে ॥

মা হোয়ে মা জন্মে জন্মে, কত দুঃখ আমায় দিলে ।

প্রসাদ বলে এবার মোলে ডাকুবো সর্বনাশী বলে ॥

১০

প্রসাদী—একতারা

এবার বাজি ভোর হলো ।

ও মন কি খেলা খেলাবে বল ॥

শতরঞ্চ প্রধান পক্ষ, পক্ষে আমায় দাগা দিল ।

এবার বড়ের ঘর করে ভর মন্ত্রীটী বিপাকে মলো ॥

১০৯

সাধক রামপ্রসাদ

ছুটা অশ্ব ছুটা গজ ঘরে বসে কাল কাটালো ।
তারা চলতে পারে সকল ঘরে তবে কেন অচল হলো ॥
ছুখান তরী নিমক ভরি বাদাম তুলি না চলিল ।
ওরে এমন সুবাতাস পেয়ে ঘাটের তরী ঘাটে রৈলো ॥
শ্রীরামপ্রসাদ বলে মোর কপালে অবশেষে এই কি ছিল ।
ওরে অতঃপরে কোণার ঘরে পীলের কিস্তি মাত হ'ল ॥

১১

প্রসাদী—একতারা

মন করোনা সুখের আশা ।

যদি অভয় পদে লবে বাসা ॥

হয়ে ধর্ম তনয় ত্যজে আশ্রয়, বনে গমন হেরে পাশা ।
হয়ে দেবের দেব সন্ধিবেচক তবু শিবের দৈন্ত্য দশা ॥
সে যে দুঃখী দাসে দয়া বাসে, মন সুখের আশে বড় কসা ॥
হরিষে বিষাদ আছে মন, করোনা একথায় গোসা ।
ওরে সুখেই দুঃখ দুঃখেই সুখ ডাকের কথা আছে ভাষা ॥
মন ভেবেছ কপট ভক্তি, করে পুরাইবে আশা ।
লবে কড়ার কড়া তস্ম্য কড়া এড়াবে না রতিমাষা ॥
প্রসাদের মন হও যদি মন, কস্মৈ কেন হওরে চাষা ।
ওরে মনের মতন কর যতন, রতন পাবে অতি খাসা ॥

প্রসাদী—একতালা

গেল দিন মিছে রঙ্গ রসে ।

আমি কাজ হারালাম কালের বশে ॥

যখন তারা । ধন উপার্জন, করেছিলাম দেশ বিদেশে ।

তখন ভাই বন্ধু দারা স্মৃত, সবাই ছিল আপন বশে ॥

এখন আমার ধন উপার্জন, না হইল দশার শেষে ।

সেই ভাই বন্ধু দারা স্মৃত, নির্ধন বলে সবাই রোষে ॥

যমদূত এসে, শিয়রেতে বসে, ধরবে যখন অগ্রকেশে ।

তখন সাজিয়ে মাচা, কলসী কাচা, বিদায় দিবে দণ্ডী বেশে ॥

হরি হরি বলি শ্মশানেতে ফেলি, যে যার যাবে আপন বাসে-।

রামপ্রসাদ মলো, কান্না গেল, অন্ন খাবে অনায়াসে ॥

প্রসাদী—একতালা

মা গো তারা ও শঙ্করী ।

কোন অবিচারে আমার উপর, কল্লো দুঃখের ডিক্রীজারি ॥

এক আসামী ছয়টা প্যাদা, বল মা কিসে সামাই করি ।

আমার ইচ্ছা করে, ঐ ছটারে, গরল খাইয়ে প্রাণে মারি ॥

প্যাদার রাজা কৃষ্ণচন্দ্র, তার নামেতে নিলামজারি ।

ঐ যে পান বেচে খায়, কৃষ্ণ পান্ডি, তারে দিলি জমিদারী ॥

হুজুরে দরখাস্ত দিতে, কোথা পাব টাকা কড়ি ।
 আমায় ফিকিরে ফকির বানায়ে, বসে আছ রাজকুমারী ॥
 হুজুরে উকীল যে জনা, ডিস্‌মিস্‌ তাঁর আশয় ভারি ।
 করে আসল সন্ধি, সওয়াল বন্দী, যেরূপেতে আমি হারি ॥
 পলাইতে স্থান নাই মা, বল কিবা উপায় করি ।
 ছিল স্থানের মধ্যে অভয় চরণ তাও নিয়াছেন ত্রিপুরারি ॥

১৪

প্রসাদী—একতারা

মা আমার অন্তরে আছ ।

(তোমায় কে বলে অন্তরে শ্রামা) ॥

তুমি পাষণ মেয়ে, বিষম মায়া, কতই মা কাচাও গো কাচ ॥
 উপাসনা ভেদে তুমি প্রধান মূর্তি ধর পাঁচ ।
 যে জন পাঁচেরে এক কোরে ভাবে, তাঁর হাতে মা কোথা বাঁচ ॥
 বুঝে ভার দেয় না যে জন, তার ভার নিতে হাঁচ ।
 যে জন কাঞ্চনের মূল্য জানে, সে কি ভুলে পেয়ে কাচ ॥
 প্রসাদ বলে আমার হৃদয়, অমল কমল সাঁচ ।
 তুমি সেই সাঁচে নির্মিতা হয়ে, মনোময়ী হয়ে নাচ ॥

নিত্যই তোয় বুঝাবে কেটা ।

বুঝে বুঝি নাক মনরে ঠেঁটা ॥

কোথা রবে ঘর বাড়ী তোর, কোথা রবে দালান কোঠা ।

যখন আসবেশমন, বাঁধবেকসেমন, কোথা রবেবাপ খুড়া জেঁঠা

মরণ সময় দিবে তোমায়, ভাঙ্গা কলসি ছেঁড়া চ্যাটা ।

ওরে সেখানেতে তোর নামেতে আছে যে রে জাব্দা আঁটা ॥

যত ধন জন সব অকারণ, সঙ্গতে না যাবে কেটা ।

রামপ্রসাদ বলে, দুর্গা বলে, ছাড়রে সংসারের লেটা ॥

এবার আমি সার ভেবেছি ।

এক ভাবীর কাছে ভাব শিখেছি ॥

যে দেশে রজনী নাই মা, সে দেশের এক লোক পেয়েছি ।

আমার কিবা দিবা কিবা সন্ধ্যা, সন্ধ্যাকে বন্ধ্যা করেছি ॥

ঘুম ছুটেছে আর কি ঘুমাই, যুগে যুগে জেগে আছি ।

এবার যার ঘুম তাঁরে দিয়ে, ঘুমেরে ঘুম পাড়িয়েছি ॥

সোহাগা গন্ধক মিশায়, সোনাতে রং ধরায়েছি ।

মণিমন্দির মেজে দিব, মনে এই আশা করেছি ॥

সাধক রামপ্রসাদ

প্রসাদ বলে ভক্তি মুক্তি উভয়কে মাথে ধরেছি ।

এবার শ্রামার নাম ব্রহ্ম জেনে, ধর্ম কর্ম সব ছেড়েছি ॥

১৭

প্রসাদী—একতালা

আমি এত দোষী কিসে ।

ঐ যে প্রতিদিন হয় দিন যাওয়া ভার, সারাদিন মা কাঁদি বসে ।

মনে করি গৃহ ছাড়ি ; থাকুবো না আর এমন দেশে ।

তাতে কুলালচক্র ভ্রমাইল, চিন্তারাম চাপরাশী এসে ॥

মনে করি গৃহ ছাড়ি, নাম-সাধনা করি বসে ।

কিন্তু এমন কল করেছ কালী, বেঁধে রাখে মায়াপাশে ॥

কালীর পদে মনের খেদে, দীন রামপ্রসাদে ভাবে ।

আমার সেই যে কালী, মনের কালি,

হ'লেম কালি তার বিষয় বশে ॥

১৮

প্রসাদী—একতালা

মন কেন মায়ের চরণ ছাড়া ।

ও মন ভাব শক্তি, পাবে মুক্তি, বাঁধ দিয়া ভক্তি দড়া ॥

নয়ন থাকতে না দেখলে মন, কেমন তোমার কপাল পোড়া ।

মা ভক্তে ছলিতে তনয়া রূপেতে, বেঁধে গেলেন ঘরের বেড়া ॥

১১৪

প্রসাদের রচনাবলী

মায়ে যত ভালবাসে, বুঝা যাবে মৃত্যু শেষে ।
মোলে গুণ্ডুচার কান্নাকাটী, শেষে দিবে গোবর ছড়া ॥
ভাই বন্ধু দারাসুত, কেবল মাত্র মায়ার গোড়া ।
মোলে সঙ্গে দিবে মেটে কলসী, কড়ি দিবে অষ্টকড়া ॥
অঙ্গেতে যত আভরণ, সকলই করিবে হরণ ।
দোসর বস্ত্র গায়ে দিবে, চারকোণা মাঝখানে ফাঁড়া ॥
যেই ধ্যানে এক মনে, সেই পাবে মা তোমায় তারা ।
তখন একবার এসে কন্ঠ্যরূপে, রামপ্রসাদের বেঁধে বেড়া ॥

১৯

প্রসাদী—একতালা

আর বাণিজ্যে কি বাসনা ।

ওরে আমার মন বলনা ॥

ওরে খণী আছেন ব্রহ্মময়ী, সুখে সাধ সেই হলনা ॥

ব্যজনে পবন বাস, চালনেতে সুপ্রকাশ ।

মনরে, ওরে, শরীরস্থা ব্রহ্মময়ী, নিদ্রিতা জন্মাও চেতনা ॥

কাণে যদি ঢোকে জল, বার করে যে জানে কল,

মনরে, ওরে, সে জলে মিশায়ে জল, ঐহিকের এরূপ ভাবনা ॥

ঘরে আছে মহারত্ন, ভ্রান্তিক্রমে কাচে যত্ন ;

মনরে, ওরে, শ্রীনাথ দত্ত, ধর তত্ত্ব কলের কপাট খোলনা ॥

অপূর্ব জন্মিল নাতি, বুড়া দাদা দিদিঘাতী,
মনরে, ওরে, জনম মরণাশৌচ, সন্ধ্যাপূজা বিড়ম্বনা ॥
প্রসাদ বলে বারে বারে, না চিনিলে আপনারে,
মনরে, ওরে, সিন্দূর বিধবার ভালে, মরি কিবা বিবেচনা ॥

২০

প্রসাদী—একতালা

আমি কি ছুঃখে ডরাই ।
ভবে দেও ছুঃখ মা আর কত চাই ॥
আগে পাছে ছুঃখ চলে মা, যদি কোন খানেতে যাই ।
তখন ছুঃখের বোঝা মাথায় নিয়ে ছুঃখ দিয়ে মা বাজার মিলাই ॥
বিষের কুমি বিষে থাকি মা, বিষ খেয়ে প্রাণ রাখি সদাই ।
আমি এমন বিষের কুমি মাগো, বিষের বোঝা নিয়ে বেড়াই ॥
প্রসাদ বলে ব্রহ্মময়ী, বোঝা নাবাও ক্ষণেক জিরাই ।
দেখ সুখ পেয়ে লোক গর্ব্ব করে, আমি করি ছুঃখের বড়াই ॥

২১

জংলা—একতালা

রসনে, কালী নাম রটরে ।
মৃত্যুরূপা নিতান্ত ধরেছে জঠরে ॥
কালী যার হৃদে জাগে, তর্ক তার কোথা লাগে,
কেবল বাদার্থমাত্র, ঘট পটরে ॥

প্রসাদের রচনাবলী

১. রসনারে কর বশ, শ্রামানামামৃত রস,
তুমি গান কর পান কর, সে পাত্র বটরে ॥
সুধাময় কালীর নাম, কেবল কৈবল্য ধাম,
করে জপনা কালীর নাম, কি উৎকটরে ॥
শ্রুতি রাখ সত্বগুণে, দ্বিঅক্ষর কর মনে,
প্রসাদ বলে দোহাই দিয়া, কালী বলে কাল কাটরে ॥

২২

প্রসাদী—একতাল

কালীপদ মরকত আলানে, মন-কুঞ্জরেরে বাঁধ এঁটে ।
কালীনাম তীক্ষ্ণ খড়্গে, কর্মপাশ ফেল কেটে ॥
নিতান্ত বিষয়াসক্ত, মাথায় কর বেসার বেটে ।
ওরে একে পঞ্চভূতের ভার, আবার ভূতের বেগার মর খেটে ॥
সতত ত্রিতাপের তাপে, হৃদিভূমি গেল ফেটে ।
নব-কাদম্বিনীর বিড়ম্বনা, পরমায়ু যায় ঘেঁটে ॥
নানা তীর্থ পর্য্যটনে, শ্রম মাত্র পথ হেঁটে ।
পাবে ঘরে বসে চারি ফল বুঝনা রে ছুঁখ চেটে ॥
রামপ্রসাদ কয় কিসে কি হয়, মিছে মোলেম শাস্ত্র ঘেঁটে ।
এখন ব্রহ্মময়ীর নাম ক'রে, ব্রহ্মরন্ধু যাক্ ফেটে ॥

সাধক রামপ্রসাদ

২৩

প্রসাদী—একতালা

কে জানে রে কালী কেমন ।

ষড়দর্শনে না পায় দরশন ॥

কালী পদ্মবনে হংস সনে, হংসীরূপে করে রমণ ।

তঁাকে মূলাধারে সহস্রারে, সদা যোগী করে মনন ॥

আত্মারামের আত্মা কালী, প্রমাণ প্রণবের মতন ।

তারা ঘটে ঘটে বিরাজ করেন ইচ্ছাময়ীর ইচ্ছা যেমন ॥

মায়ের উদর ব্রহ্মাণ্ড ভাণ্ড, প্রকাণ্ড তা জান কেমন ।

মহাকাল জেনেছেন কালীর মর্শ্ব, অণু কেবা জানে তেমন ॥

প্রসাদ ভাষে লোক হাসে, সন্তুরণে সিদ্ধু গমন ।

আমার প্রাণ বুঝেছে মন বুঝেনা, ধরবে শশী হয়ে বামন ॥

২৪

জংলা—একতালা

মায়ার এ পরম কৌতুক ।

মায়াবদ্ধজনে ধাবতি, অবদ্ধজনে লুটে সুখ ॥

আমি এই আমার এই, এভাব ভাবে মূর্থ সেই ।

মনরে, ওরে, মিছামিছি সার ভেবে, সাহসে বাঁধিছ বুক ॥

আমি কেবা আমার কেবা, আমি ভিন্ন আছে কেবা ।

মনরে, ওরে, কে করে কাহার সেবা, মিছা ভাব ছুখ সুখ ॥

প্রসাদের রচনাবলী

দীপ জ্বলে আঁধার ঘরে, দ্রব্য যদি পায় করে ।
মনরে, ওরে, তখনি নির্বীণ করে, না রাখে রে একটুকু ॥
প্রোক্ত অট্টালিকায় থাক, আপনি আপন দেখ ।
রামপ্রসাদ বলে মশারি তুলে দেখ রে আপনার মুখ ॥ ৪২ ॥

২৫

প্রসাদী—একতালা

ভাল নাই মোর কোন কালে ।
ভালই যদি থাকবে আমার মন কেন কুপথে চলে ॥
হেদে গো মা দশভুজা, আমার ভবে তনু হইল বোঝা ।
আমি না করিলাম তোমার পূজা, জবাবিধগঙ্গাজলে ॥
এ ভবসংসারে আসি, না করিলাম গয়াকাশী ।
যখন শমনে ধরিবে আসি, ডাকব কালী কালী বলে ॥
দ্বিজরামপ্রসাদে বলে, তৃণ হয়ে ভাসি জলে ।
আমি ডাকি ধর ধর বলে, কে ধরে তুলিবে কুলে ॥

২৬

প্রসাদী—একতালা

মন রে, আমার ভোলা মামা ।
ও তুই জানিস না রে খরচ জমা ॥
যখন ভবে জমা হলি, তখন হইতে খরচ গেলি,
ওরে জমা খরচ ঠিক করিয়ে, বাদ দিয়ে তিন শূণ্য নামা ॥

সাধক রামপ্রসাদ

বাদে হলে অন্ধ বাকী, তবে হবে তহবিল বাকী,
তহবিল বাকী বড় ফাঁকি, হবেনা তোঁর লেখার সীমা ।

প্রসাদ বলে দেখ্‌সে বুঝে, কিসের খরচ কাহার জমা ।
একবার অন্তরেতে ভাব দেখি মন, কালীতারা উমাশ্যাম! ॥

২৭

প্রসাদী—একতাল

মন কি কর তত্ত্ব তাঁরে ।

ওরে উন্মত্ত, আঁধার ঘরে ॥

সে যে ভাবের বিষয় ভাব ব্যতীত, অভাবে কি ধরতে পারে ॥

মন অগ্রে শশী বশীভূত, কর তোমার শক্তি সারে ।

ওরে কোঠার ভিতর চোরকুঠারী, ভোর হলে সে লুকাবে রে ॥

ষড়দর্শনে দর্শন পেলে না, আগম-নিগম তত্ত্বসারে ।

সে যে ভক্তি রসের রসিক, সদানন্দে বিরাজ করে পুরে ॥

সে ভাব লোভে পরম যোগী, যোগ করে যুগযুগান্তরে ।

হলে ভাবের উদয় লয় সে যেমন, লোহাকে চুষকে ধরে ॥

প্রসাদ বলে মাতৃভাবে আমি তত্ত্ব করি যাঁরে ।

সেটা চাতরে কি ভাঙবো হাঁড়ি বুঝারে মন ঠারেঠোরে ॥

প্রসাদের রচনাবলী

২৮

প্রসাদী—একতালা

কালীর নাম বড় মিঠা ।

সদা গান কর পান কর এটা ॥

ওরে থিক্ রে রসনা তবু ইচ্ছা করে পায়স পিঠা ॥

নিরাকার সাকার ককার, ককার সবাকার ভিটা ।

ওরে ভোগ মোক্ষ ধাম নাম, ইহার পর আর আছে কেটা ॥

কালী যার হৃদে জাগে, হৃদয়ে তার জাহ্নবীটা ।

সে যে কাল হলে মহাকাল হয়, কালে দিয়ে হাততালিটা ॥

জ্ঞানাগ্নি অন্তরে জ্বলে ধর্মাধর্ম কর ঘিটা ।

তুমি মন কর বিশ্বদল, স্রব কর যত্ন যেটা ॥

প্রসাদ বলে হৃদিভূমির বিরোধ মেনে গেল মিটা ।

আমার এ তনু দক্ষিণাকালীর, দেবোত্তরে দাগা চিটা ॥

২৯

প্রসাদী—একতালা

মন খেলাও রে ডাণ্ডাগুলি ।

আমি তোমা বিনা নাহি খেলি ॥

এড়ি বেড়ি তেড়ি চাইল, চাম্পাকলি ধূলাধূলি ।

আমি কালীর নামে মারব বাড়ি, ভাঙ্গব যমের মাথার খুলি ॥

১২১

সাধক রামপ্রসাদ

ছয়জনের মন্ত্রণা নিলি, তাইতে পাগল ভুলে গেলি ।
রামপ্রসাদের খেলা ভাঙ্গলি, গলে দিলে কাঁথা ঝুলি ॥

৩০

প্রসাদী—একতালা

আমি তাই অভিমান করি ।
আমায় করেছ যে মা সংসারী ।
অর্থ বিনা ব্যর্থ যে এই সংসার সবারি ।
ওমা তুমিও কোন্দল করেছ, বলিয়ে শিব ভিখারী ॥
জ্ঞানধর্ম শ্রেষ্ঠ বটে, দান ধর্ম ততুপরি ।
ওমা বিনা দানে মথুরাপারে, যান্নি সেই ব্রজেশ্বরী ॥
নাতোয়ানি কাচ কাচ মা, অঙ্গে ভস্ম ভূষণ পরি ।
ওমা কোথায় লুকাবে বল, তোমার কুবের ভাণ্ডারী ॥
প্রসাদে প্রসাদ দিতে মা, এত কেন হ'লে ভারি ।
যদি রাখ পদে, থেকে পদে, পদে পদে বিপদ সারি ॥

৩১

জংলা—একতালা

একবার ডাকরে কালীতারা ব'লে, জোর করে' রসনে ।
ও তোর ভয় কিরে শমনে ॥
কাজ কি তীর্থ গঙ্গাকাশী, যার হৃদে জাগে এলোকেশী ।
তার কাজ কি ধর্ম কর্ম, ও তাঁর মর্ম যেবা জানে ॥

প্রসাদের রচনাবলী

ভজনের ছিল ভরসা, স্তম্ভ মোক্ষ পূর্ণ আশা ।
রামপ্রসাদের এই দশা, দ্বিভাবে ভেবে মনে ॥

৩২

জংলা—একতালা

তারা নামে সকলি ঘুচায় ।
কেবল রহেমাত্র বুলি কাঁথা, সেটাও নিত্য নয় ॥
যেমন স্বর্ণকারে স্বর্ণ হরে, স্বর্ণ খাদে উড়ায় ।
ওমা তোর নামেতে তেমনি ধারা, তেমনি তো দেখায় ॥
যেজন গৃহস্থলে দুর্গা বলে, পেয়ে নাশ ভয় ।
এমা তুমিতো অন্তরে জাগ, সময় বুঝতে হয় ॥
যার পিতামাতা ভস্মমাখে, তরুতলে রয় ।
ওমা তার তনয়ের ভিটেয় টেকা, এ বড় সংশয় ॥
প্রসাদে ঘেরেছে তারা, প্রসাদ পাওয়া দায় ।
ওরে ভাই বন্ধু থেকো না আর, প্রসাদের আশায় ॥

৩৩

প্রসাদী—একতালা

এবার কালী কুলাইব ।
কালি কোসে কালী বুঝে লব ॥
সে নৃত্যকালী কি অস্থিরা, কেমন করে তার রাখিব ।
আমার মনোযন্ত্রে বাণ্ড করি, হৃদিপদ্মে নাচাইব ॥

১২৩

সাধক রামপ্রসাদ

কালীপদের পদ্ধতি যা, মন তোরে তা জানাইব ।
আছে আর যে ছটা বড় ঠ্যাটা, সে কটাকে কেটে দিব ॥
কালী ভেবে কালী হ'য়ে, কালী বলে কাল কাটাব ।
আমি কালাকালে কালের মুখে, কালী দিয়ে চলে যাব ॥
প্রসাদ বলে আর কেন মা, আর কত গো প্রকাশিব ।
আমার কিল খেয়ে কিল চুরি, তবু কালী বুলি না ছাড়িব ॥

৩৪

প্রসাদী—একতাল

সামাল সামাল ডুবলো তরী ।
আমার মনরে ভোলা, গেল বেলা, ভজ্লে না হরমুন্দরী ॥
প্রবঞ্চনার বিকীকিনি, করে ভরা কৈলে ভারি ।
সারাদিন কাটালে ঘাটে বসে, সন্ধ্যাবেলা ধরলে পাড়ী ॥
একে তোর জীর্ণ তরী, কলুষেতে হ'ল ভারি ।
যদি পার হবি মন ভবান্ববে, মায়েরে কর কাণ্ডারী ।
তরঙ্গ দেখিয়া ভারি, পলাইল ছয়টা দাঁড়ী ।
এখন গুরু ব্রহ্ম সার কর মন, প্রসাদ মায়ের আঞ্জাকারী ॥

৩৫

প্রসাদী—একতাল

কালী সব ঘুটালে লেটা ।
আগম নিগম শিবের বচন, মানবি কি না মানবি সেটা ॥

প্রসাদের রচনাবলী

শ্মশান পেলে ভালবাস মা, তুচ্ছ কর মণিকোটা ।
মাগো আপনি যেমন ঠাকুর তেমন, ঘুচলনা আর সিদ্ধিঘোটা ॥
যেজন তোমার ভক্ত হয় মা, ভিন্ন হয় তার রূপের ছটা ।
তার কটীতে কোপীনমেলো না, গায় ছালি আর মাথায় জটা ॥
ভূতলে আনিয়ে মাগো, করলে আমার লোহাপিটা ।
আমি তবু কালী বলে ডাকি, সাবাস আমার বুকের পাটা ॥
চাকলা জুড়ে নাম রটেছে, জীৱামপ্রসাদ কালীর বেটা ।
এষে মায়েপোয়ে এমন ব্যবহার, ইহার মন্দ বুঝবে কেটা ॥

৩৬

প্রসাদী—একতালা ✓

অসকালে যাব কোথা ।

আমি ঘুরে এলাম যথা তথা ॥

দিবা হ'ল অবসান, তাই দেখে কাঁপিছে প্রাণ,
তুমি নিরাশ্রয়ের আশ্রয় হয়ে স্থান দাও গো জগন্মাতা ॥
শুনেছি জীনাথের কথা, বট চতুর্ভুজ দাতা ।
রামপ্রসাদ বলে চরণতলে, রাখবে রাখ এই কথা ॥

৩৭

প্রসাদী—একতালা

কেন গঙ্গাবাসী হব ।

ঘরে বসে মায়ের গান গাহিব ॥

সাধক রামপ্রসাদ

আপন রাজ্য ছেড়ে কেন পরের রাজ্যে বাস করিব ।
কালীর চরণতলে কতশত, গয়াগঙ্গা দেখতে পাবি ॥
শ্রীরামপ্রসাদ বলে, নিদানকালে কালীর পদে শরণ লব ।
আমি এমন মায়ের ছেলে নই যে, বিমাতাকে মা বলিব ॥

৩৮

প্রসাদী—একতালা

মা হওয়া কি মুখের কথা ।
(কেবল প্রসব করে, হয়না মাতা)
যদি না বুঝে সন্তানের ব্যথা ॥
দশমাস দশদিন, যাতনা পেয়েছেন মাতা ।
এখন ক্ষুধার বেলা সুখালেনা, এল পুত্র গেল কোথা ॥
সন্তানে কুর্কর্ম করে, বলে' সারে পিতামাতা ।
দেখ কাল প্রচণ্ড করে দণ্ড, তাতে তোমার হয়না ব্যথা ॥
দ্বিজরামপ্রসাদে বলে, এ চরিত্র শিখলে কোথা ।
যদি ধর আপন পিতৃধারা, নাম ধরো না জগন্মাতা ॥

৩৯

প্রসাদী—একতালা

আমি ক্ষেমার খাসতালুকের প্রজা ।
ঐ যে ক্ষেমস্করী আমার রাজা ॥
চেননা আমারে শমন, চিনলে পরে হবে সোজা ।
আমি শ্রামা মা'র দরবারে থাকি, অভয় পদের বইরে বোঝা ॥

১২৬

প্রসাদের রচনাবলী

ক্ষেমার খাসে আছি বসে, নাই মহালে গুকা হাজা ।
দেখ বালি চাপা সিকত নদী, তাতেও মহাল আছে তাজা ॥
প্রসাদ বলে শমন তুমি, বয়ে বেড়াও ভূতের বোঝা ।
ওরে যে পদে ও পদ পেয়েছ, জাননা সেই পদের মজা ॥

৪০

প্রসাদী—একতালা

আমার সনদ দেখে যারে ।
আমি কালীর সূত, যমের দূত, বল্গে যা তোর যম রাজ্যারে ॥
সনদ দিলেন গণপতি, পার্বতীর অনুমতি ।
আমার হাজির জামিন ষড়ানন, সাক্ষী আছে নন্দীবরে ॥
সনদ আমার উরস্ পাটে, যেম্নি সনদ তেম্নি টাটে ।
তাতে স্ব অক্ষরে দস্তখৎ, করেছেন যে দিগম্বরে ॥
সনদ পেলাম মায়ের কাছে, এতে কি আর গলদ আছে ।
প্রসাদ বলে ভয় দেখালে যাবরে মায়ের দরবারে ॥

৪১

প্রসাদী—একতালা

কেমন করে, ছাড়ায়ে যাবা ॥
দেখবো এবার অধম বলে ।
ছেলের হাতে কলা নয় মা, ফাঁকি দিয়ে কেড়ে খাবা ॥

এমন ছাপান ছাপাইব, মাগো খুঁজে খুঁজে নাহি পাবা ।
 বৎস পাশে গাভী যেমন, তেমনি পাছে পাছে ধাবা ॥
 প্রসাদ বলে ফাঁকিজুঁকি, মাগো দিতে পার পেলে হাবা ।
 আমায় যদি না তরাও মা, শিব হবে তোমার বাবা ॥

৪২

প্রসাদী—একতারা

পতিতপাবনী তারা ।

ওমা কেবল তোমার নাম সারা ॥
 তরাসে আকাশে বাস, বুঝেছি মা কাজের ধারা ॥
 বশিষ্ঠ চিনিয়াছিল, হাড় ভেঙ্গে শাপ দিল ।
 তদবধি হইয়াছ ফণী যেন মণিহারী ॥
 ঠেকেছিলে মুনির ঠাঁই, কার্য্যকারণ তোমার নাই ।
 ওয়ায় সয় তয় রয়, সেইরূপ বর্ণপারা ॥
 দশের পথ বটে সোজা, দশের লাঠী একের বোঝা ।
 লেগেছে দশের ভার, মনে শুধু চক্ষু ঠারা ॥
 পাগল বেটার কথায় মজে', এতকাল মলেম ভজে' ।
 দিয়াছি গোলামি খৎ, এখন কি আর আছে চারা ॥
 আমি দিলাম নাকে খৎ, তুমি দেও মা ফারখৎ ।
 কালায় কালায় দাওয়া বুটা, সাক্ষী তোমার ব্যাটা যারা ॥
 বসতি ষোড়শদলে, ব্যক্ত হবে ভূমণ্ডলে,
 প্রসাদ বলে কুতূহলে, তারায় লুকায় তারা ॥

প্রসাদের রচনাবলী

৪৩

প্রসাদী—একতালা

যারে শমন যারে ফিরি ।

ও তোর যমের বাপের কি ধার ধারি ॥

পাপপুণ্যের বিচারকারী, তোর যম হয় কালেক্টরি ।

আমার পুণ্যের দফা সর্ব্ব শূন্য, পাপ নিয়ে যা নিলাম করি ॥

শমন দমন ক্রীনাথ চরণ, সর্ব্বদাই হৃদে ধরি ।

আমার কিসের শঙ্কা মেরে ডঙ্কা, চলে যাব কৈলাসপুরী ।

রামপ্রসাদের মা শঙ্করী, দেখনা চেয়ে ভয়ঙ্করী ।

আমার পিতা বড়টন শূলপানি, ব্রহ্মা বিষ্ণু দ্বারের দ্বারী ॥

৪৪

প্রসাদী—একতালা

ওরে শমন কি ভয় দেখাও মিছে ।

তুমি যে পদে ও পদ পেয়েছ, সে মোরে অভয় দিয়াছে ॥

ইজারার পাট্টা পেয়ে, এত কি গৌরব বেড়েছে ।

ওরে স্বয়ং থাকতে কুশের পুতুল, কে কোথা দাহন করেছে ॥

হিসাব বাকি থাকে যদি, দিবনারে তোদের কাছে ।

ওরে রাজা থাকতে কোটালের দোহাই,

কোন দেশেতে কে দিয়াছে ॥

১২৯

সাধক রামপ্রসাদ

শিবরাজ্যে বসতি করি, শিব আমায় পাট্টা দিয়াছে ।
রামপ্রসাদ বলে সেই পাট্টাতে, ব্রহ্মময়ী সাক্ষী আছে ॥

৪৫

প্রসাদী—একতাল

তারা আমি নই আটাসে ছেলে ।

আমি ভয় করিনে চোখ রাজ্যালে ॥

সম্পদ আমার ও রাজ্যাপদ, শিব ধরে যা হৃদকমলে ।

ওমা আমার বিষয় চাইতে গেলে, বিড়ম্বনা কতই ছলে ॥

শিবের দলিল সহি মোহরে, রেখেছি হৃদয়ে তুলে ।

এবার করব নালিশ নাথের আগে, ডিক্রী লব এক সওয়ালে ॥

জানাইব কেমন ছেলে, মোকদ্দমায় দাঁড়াইলে ।

যখন গুরুদত্ত দস্তাবেজ, গুজরাইব মিছিলকালে ॥

মায়েপোয়ে মোকদ্দমা, ধুম হবে রামপ্রসাদ বলে ।

আমি ক্ষান্ত হব যখন আমায় শান্ত করে লবে কোলে ॥

৪৬

প্রসাদী—একতাল

ওরে, মন কি ব্যাপারে এলি ।

ও তুই না চিনিয়ে কাজের গোড়া, লাভে মূলে হারাইলি ॥

গুরুদত্ত রত্ন ভরে', কেন ব্যাপার না করিলি ।

ও তুই কুসঙ্গেতে থেকে রত, মধ্যে তরী ডুবাইলি ॥

১৩০

প্রসাদের রচনাবলী

শ্রীরামপ্রসাদে বলে, সে অর্থ কেন না আনিলি ।
ও তোর ব্যাপারেতে লাভ হবে কি, মহাজনকে মজাইলি ॥

৪৭

প্রসাদী—একতালা

অভয় পদে প্রাণ সঁপেছি ।

আমি আর কি যমের ভয় রেখেছি ॥

কালীনাম কল্পতরু, হৃদয়ে রোপণ করেছি ।

আমি দেহ বেচে ভবের হাটে, দুর্গানাম কিনে এনেছি ॥

দেহের মধ্যে সৃজন যেজন, তাঁর ঘরেতে ঘর করেছি ।

এবার শমন এলে, হৃদয় খুলে, দেখাব ভেবে রেখেছি ॥

সারাৎসার তারানাম, আপন শিখাশ্রে বঁধেছি ।

রামপ্রসাদ বলে দুর্গা বলে, যাত্রা করে বসে আছি, ॥

৪৮

প্রসাদী—একতালা

তোমার কে মা বুঝবে লীলে ।

তুমি কি নিলে কি ফিরিয়ে দিলে ॥

তুমি দিয়ে, নিচ্ছ তুমি, বাছ রাখনা সাঁঝ সকালে ।

তোমার অসীম কার্য্য অনিবার্য্য মাপাও যেমন যার কপালে ॥

১৩১

তোমার অভিসন্ধি পদেবন্দী, ভোলানাথই যাচ্ছে ভুলে ।
তুমি যেমন দেখাও তেমনি দেখি, জলেই তুমি ভাসাও শিলে ॥
তোমার জারি জুরি আমার কাছে খাটবে না মা কোন কালে ।
ওসব ইন্দ্রজালের মন্ত্র জানে, রাম প্রসাদ যে তোমার ছেলে ॥

৪৯ ✓

প্রসাদী—একতালা

দূর হয়ে যা যমের ভটা ।
ওরে আমি ব্রহ্মময়ীর বেটা ॥
বল্গে যা তোর যমরাজারে, আমার মতন নেছে কটা ।
আমি যমের যম হ'তে পারি, ভাবলে ব্রহ্মময়ীর ছটা ॥
প্রসাদ বলে কালের ভটা, মুখ সাম্লামে বলিস্ বেটা ।
কালী নামের জোরে বেঁধে তোরে, সাজা দিলে রাখবে কেটা ॥

৫০

সিদ্ধু—ঠুংরী

এমন দিন কি হবে তারা ।
যবে তারা তারা তারা বলে, তারা বেয়ে পড়্বে ধারা ॥
হৃদিপদ্ম উঠ্বে ফুটে, মনের আঁধার যাবে ছুটে,
তখন ধরাতলে পড়্বে লুটে, তারা বলে হব সারা ॥
ত্যজিব সব ভেদাভেদ, ঘুচে যাবে মনের খেদ,
ওরে শত শত সত্য বেদ, তারা আমার নিরাকারা ॥

প্রসাদের রচনাবলী

শ্রীরামপ্রসাদ রটে, মা বিরাজে সর্ব্ব ঘটে,
ওরে আঁখি অন্ধ দেখ মাকে, তিমিরে তিমির ভরা ॥

৫১

প্রসাদী—একতারা

আছি তেঁই তরুতলে বসে ।

মনের আনন্দে আর হরিষে ॥

আগে ভান্ধবো গাছের পাতা, ডাঁটি ফল ধরিব শেষে ॥

রাগ দ্বেষ লোভ আদি, রেখে দূরদেশে ।

রব রসাতলে হা প্রত্যাশে, ফলিতাথ সেই রসে ॥

ফলের ফলে সুফল লয়ে, যাইব নিবাসে ।

আমার বিফলকে ফল দিয়ে, ফলাফল ভাসাও নৈরাশে ॥

মন কর কি লওরে সুখা দুঃখনাতে মিশে ।

খাবে একই নিঃশ্বাসে যেন সূর্য্যসম শোষে ॥

রামপ্রসাদ বলে আমার কোষ্ঠ শুদ্ধি তারাবেশে ।

মাগী জানেনা যে মন কপাটে খিল দিয়াছি কোসে ॥

৫২

প্রসাদী—একতারা

আর ভুলালে ভুলবো না গো ।

আমি অভয় পদ সার করেছি, ভয়ে হেল্ব হুল্ব না গো ॥

সাধক রামপ্রসাদ

বিষয়ে আসক্ত হয়ে, বিষের কূপে উল্‌ব না গো ॥
সুখদুঃখ ভেবে সমান, মনের আগুণ তুল্‌ব না গো ॥
ধন লোভে মত্ত হয়ে, দ্বারে দ্বারে বুল্‌ব না গো ।
আশা বায়ুগ্রস্ত হয়ে মনের কথা খুল্‌ব না গো ॥
মায়াপাশে বদ্ধ হয়ে, প্রেমের গাছে বুল্‌ব না গো ।
রামপ্রসাদ বলে দুঃখ খেয়েছি, ঘোলে মিশে ঘুল্‌ব না গো ॥

৫৩

প্রসাদী—একতালা

মাগো আমার কপাল দোষী ।

দোষী বটে গো আনন্দময়ী ॥

আমি ঐহিক সুখে মত্ত হয়ে, যেতে নারলাম বারাণসী ।

নৈলে অন্তর্পূর্ণা মা থাকিতে, মোর ভাগ্যেতে একাদশী ॥

অন্ন ত্রাসে প্রাণে মরি, নানাবিধ করি কৃষি ।

আমার কৃষি সকল নিল জলে, কেবলমাত্র লাঙ্গল চষি ॥

না করিলাম ধর্মকর্ম, পাপ করেছি রাশি রাশি ।

আমি যাবার পথে কাঁটা দিয়ে, পথ ভুলে রয়েছি বসি ॥

জনমি ভারতভূমে মা, কি কর্ম করিলাম আসি ।

আমার একুল ওকুল দুকুল গেল, অকূলপাথারে ভাসি ॥

শ্রীরামপ্রসাদ বলে, ভাবতে নারি দিবানিশি ।

ওমা, যখন শমন জোর করিবে, দুর্গানামে দিব ফাঁসি ॥

প্রসাদের রচনাবলী

৫৪

প্রসাদী—একতালা

বড়াই কর কিসে গো মা ।

জানি তোমার আদি মূল, বড়াই কর কিসে ॥

আপনি ক্ষেপা, পতি ক্ষেপা, থাক ক্ষেপা সহবাসে ।

তোমার আদি মূল সকলই জানি, দাতা তুমি কোন্ পুরুষে ॥

মাগীমিলে ঝগড়া করে, রইতে নার আপন বাসে ।

মাগো তোমার ভাতার ভিক্ষা করে, ফিরে কেন দেশে দেশে ॥

প্রসাদ বলে মন্দ বলি, কেবল তোমার বাপের দোষে ।

মাগো আমার বাপের নাম লইলে বিরাজ করে কৈলাসে ॥

৫৫

প্রসাদী—একতালা

ইথে কি আর আপদ আছে ।

এই যে তারার জন্ম আমার দেহ মাঝে ॥

যাতে দেবের দেব স্নকুবাণ হয়ে, মহামন্ত্রে বঁজ বুনছে ॥

ধৈর্য্য খুঁটা, ধর্ম বেড়া, এদেহে চৌদিক ঘিরেছে ।

এখন কাল চোরে কি করতে পারে, মহাকাল রক্ষক হয়েছে ॥

দেখে শুনে ছয়টা বলদ, ঘর হ'তে বাহির হয়েছে ।

কালীনাম অস্ত্রের তীক্ষ্ণধারে, পাপ তৃণ সব কেটেছে ॥

১৩৫

সাধক রামপ্রসাদ

প্রেমভক্তি সুবৃষ্টি তায়, অহর্নিশি বর্ষিতেছে ।
প্রসাদ বলে কালীবৃক্ষে, চতুর্বর্গ ফল ধরেছে ॥

৫৬

পিনু-বাহার—৪৭

এ শরীরে কাজ কি রে ভাই দক্ষিণা-প্রেমে না গলে ।
ওরে, এ রসনায় ধিক্ ধিক্ কালীনাম নাহি বলে ॥
কালীরূপ যে না হেরে, পাপ-চক্ষু বলি তারে,
ওরে, সেই সে ছরন্তু মন না ডুবে চরণতলে ॥
সে কর্ণে পড়ুক বাজ, থেকে তার কিবা কাজ,
ওরে, সুধাময় নাম শুনে চক্ষু না ভাসালে জলে ॥
যে করে উদর ভরে, সে করে কি সাধ করে,
ওরে না পুরে অঞ্জলি যদি চন্দন জবা বিশ্বদলে ॥
সে চরণে কাজ কিবা, মিছা শ্রম রাত্রিদিবা,
ওরে কালীমূর্ত্তি যথা তথা ইচ্ছাস্থখে নাহি চলে ॥
ইন্দ্রিয় অবশ যার, দেবতা কি বশ তার,
রামপ্রসাদ বলে বাবুই গাছে আত্র কি কখন ফলে ॥

৫৭

প্রসাদী—একতাল

মনরে ভালবাস তাঁরে ।

যেজন নে-যায় ভবসিন্ধু পারে ॥

প্রসাদের রচনাবলী

এই কর ধার্য্য কিবা কার্য্য অসার পসারে ॥
ধনে জনে আশা বুথা, বিস্মৃত সে পূর্ব্ব কথা,
তুমি ছিলে কোথা এলে কোথা যাবে কোথাকারে ।
সংসার কেবল কাচ, কুহকে নাচায় নাচ,
মায়াবিনী কোলে আছ পড়ে কারাগারে ॥
অহঙ্কার দ্বেষ রাগ, প্রতিকূলে অনুরাগ,
দেহরাজ্য দিলে ভাগ বল কি বিচারে ॥
যা করেছ চারা কিবা, প্রায় অবসান দিবা,
মণিদ্বীপে ভাব শিবা সদাশিবাগারে ।
প্রসন্ন বলে হুর্গানাম, সুধাময় মোক্ষধাম,
জপ কর অবিরাম সুধাও রসনারে ॥

৫৮

প্রসাদী—একতালা

ছি মন তুই বিষয় লোভা ।
কিছু জাননা, মাননা, গুননা কথা ॥
অশুচি শুচিকে ল'য়ে দিব্য ঘরে কর শোভা ।
যদি তুই সতীনে পীরিত হয়, তবে শ্রামা মারে পাবা ॥
ধর্ম্মাধর্ম্ম দুটো অজ্ঞা, তুচ্ছ খোঁটায় বেঁধে থোবা ।
ওরে জ্ঞান খড়্গে বলিদান, করিলে কৈবল্য পাবা ॥

সাধক রামপ্রসাদ

কল্যাণকারিণী বিছা, তার ব্যাটার মত লবা ।
ওরে মায়াসূত্র ভেদসূত্র তারে দূরে হাঁকায়ে দেবা ॥
আত্মারামের অন্তভোগ, ছুটা সেই মাকে দিবা ।
রামপ্রসাদ দাসে কয় শেষে, ব্রহ্মরসে মিশাইবা ॥

৫৯

প্রসাদী—একতাল

মন ভেবেছ তীর্থে যাবে ।
কালী পাদপদ্ম সুখা তাজি কূপে পড়ে আপন খাবে ॥
ভবজরা পাপ রোগ, নীলাচলে নানা ভোগ,
ওরে জ্বরে কাশী সর্বনাশী ত্রিবেণী স্নানে রোগ বাড়াবে ॥
কালীনাম মহৌষধি, ভক্তিভাবে পান বিধি,
ওরে গান কর পান কর আত্মরামের আত্ম হবে ॥
মৃত্যুঞ্জয় উপযুক্ত, সেবায় হবে আশু মুক্ত,
ওরে সকলি সম্ভবে তাঁতে পরমাশ্রায় মিশাইবে ॥
প্রসাদ বলে মন ভায়া ছাড়ি কল্লতরু ছায়া ।
ওরে কাঁটা বৃক্ষের তলে গিয়ে মৃত্যুভয়টা কি এড়াবে ॥

৬০

প্রসাদী—একতাল

মনরে শ্রামা মাকে ডাক ।
ভক্তি মুক্তি করতলে দেখ ॥

১৩৮

প্রসাদের রচনাবলী

পরিহরি ধনমদ, ভজ পদ কোকনদ,
কালেরে নৈরাশ কর, কথা শুন কথা রাখ ॥
কালীকুপাময়ী নাম, পূর্ণ হবে মনস্কাম,
অষ্ট যামের অর্দ্ধ যাম, আনন্দেতে সুখে থাক ॥
রামপ্রসাদ দাস কর, রিপু ছয় কর জয়,
মার ডঙ্কা ত্যজ শঙ্কা, দূর ছাই ক'রে হাঁক ॥

৬১

প্রসাদী—একতালা

ছি-ছি মনভ্রমরা দিলি বাজী ।
কালী পাদপদ্ম সুখা ত্যজে বিষয় বিষে হলি রাজী ॥
দশের মধ্যে তুমি শ্রেষ্ঠ লোকে তোমায় কর রাজাজী ।
সদা নীচ সঙ্গে থাক তুমি রাজা বট রীতি পাজি ॥
অহঙ্কারমদে মত্ত বেড়াও যেন কাজির তাজী ।
তুমি ঠেকবে যখন শিখবে তখন করবে কালে পাপোষ বাজি ॥
বাল্য জরা বৃদ্ধ দশা ক্রমে ক্রমে হয় গতাজি ।
পড়ে চেরের কোটায় মন টুটায় যে ভজে সে মত্তগাঁজি ॥
কুতূহলে প্রসাদ বলে জরা এলে আসবে হাজী ।
যখন দণ্ডপাণি লবে টানি কি করিবে ও বাবাজী ॥

তাই কালোরূপ ভালবাসি ।

শ্যামা জগন্মোহিনী এলোকেনী ॥

কালোর গুণ ভাল জানে শুক শম্ভু দেবঋষি ।

যিনি দেবের দেব মহাদেব কালোরূপ তাঁর হৃদয়বাসী ॥

কাল বরণ ব্রজের জীবন ব্রজাঙ্গনার মন উদাসী ।

হলেন বনমালী কৃষ্ণকালী বাঁশী ত্যজে করে অসি ॥

যতগুলি সঙ্গী মায়ের তারা সকল এক বয়সী ।

ঐষে তার মধ্যে কেলে মা মোর বিরাজে পূর্ণিমার শশী ॥

প্রসাদ ভণে, অভেদ জ্ঞানে কালোরূপে মেশামিশি ।

ওরে একে পাঁচ পাঁচেই এক মন করোনাক ছেবাছেষি ॥

মুক্ত কর মা মুক্তকেনী ।

ভবে যন্ত্রণা পাই দিবানিশি ॥

কালের হাতে সঁপে দিয়ে মা, ভুলেছ কি রাজমহিষী ।

তারা কতদিনে কাটবে আমার এ ছরস্তু কালের ফাঁসি ॥

প্রসাদ বলে কি ফল হবে হই যদি গো কানীবাসী ।

ঐ যে বিমাতাকে মাথায় ধরে পিতা হলেন শ্মশানবাসী ॥

প্রসাদের রচনাবলী

৬৪

প্রসাদী—একতারা

মন গরীবের কি দোষ আছে ।

তুমি বাজিকরের মেয়ে শ্রামা, যেম্নি নাচাও তেম্নি নাচে ॥

তুমি কন্ম্ব ধর্ম্মাধর্ম্ম, মন্ম্বকথা বুঝা গেছে ।

ওমা তুমি ক্ষিতি, তুমি জল, ফল ফলাচ্ছ ফলা গাছে ॥

তুমি শক্তি তুমি ভক্তি, তুমিই মুক্তি শিব বলেছে ।

ওমা তুমি দুঃখ তুমি সুখ চণ্ডীতে তা লেখা আছে ॥

প্রসাদ বলে কন্ম্বসূত্র সে সূতায় কাটনা কেটেছে ।

সেই মায়া সূত্রে বেঁধে জীব ক্ষেপা-ক্ষেপি খেল খেলিছে ॥

৬৫

প্রসাদী—একতারা

আর তোরে না ডাকব কালী ।

তুই মেয়ে হয়ে অসি ধরে লেংটা হয়ে রণ করিলি ॥

দিয়াছিলি একটা বৃত্তি তাওতো দিয়ে হরে নিলি ।

ঐ যে ছিল একটা অবোধ ছেলে, মা হয়ে তার মাথা খেলি ॥

রামপ্রসাদ বলে মা গো এবার কালী কি করিলি ।

ঐ যে ভাঙ্গা নায়ে ভরা তুলে লাভে মূলে ডুবাইলি ॥

সাধক রামপ্রসাদ

৬৬

জংলা—একতাল।

আমি ওই খেদে খেদ করি ।

ঐ যে তুমি মা থাকিতে আমার জাগা ঘরে হয় গো চুরি ॥

মনে করি তোমার নাম করি, আবার সময়ে পাসরি ।

আমি বুঝেছি আশয় পেয়েছি, জেনেছি তোমার চাতুরি ॥

কিছু দিলেনা পেলেনা, নিলেনা খেলেনা, সে দোষ কি
আমারি ।

যদি দিতে পেতে, নিতে খেতে, দিতাম খাওয়াইতাম

তোমারি ॥

যশঃ অপযশঃ সুরস কুরস সকল রস তোমারি ।

ওগো রসে থেকে রসভঙ্গ কেন কর রসেশ্বরী ॥

প্রসাদ বলে মন দিয়াছ মনেরে আঁখিঠারি ।

ওমা তোমার সৃষ্টি দৃষ্টি পোড়া মিষ্টি বলে ঘুরে মরি ॥

৬৭

জংলা—একতাল।

সে কি এমি মেয়ের মেয়ে ।

যাঁর নাম জপিয়া মহেশ বাঁচেন হলাহল খেয়ে ॥

সৃষ্টিস্থিতি প্রলয় ক'রে কঠাক্ষে হেরিয়ে ।

সে যে অনন্ত ব্রহ্মাণ্ড রাখে উদরে পুরিয়ে ॥

প্রসাদের রচনাবলী

যে চরণে শরণ ল'য়ে দেবতা বাঁচে দায়ে ।
দেবের দেব মহাদেব যার চরণে লুটায় ॥
প্রসাদ বলে রণে চলে রণময়ী হ'য়ে ।
শুভ নিশুভকে বধে হুকার ছাড়িয়ে ॥

৬৮

ঝিঁঝিট—একতাল

দিবানিশি ভাবরে মন অন্তরে করালবদনা ।
নীলকাদম্বিনী রূপ মায়েয়, এলোকেশী দিখসনা ॥
মুলাধারে সহস্রারে বিহরে সে, মন জাননা ।
সদা পদ্মবনে হংসীরূপে আনন্দরসে মগনা ॥
আনন্দে আনন্দময়ী হৃদয়ে কর স্থাপনা ।
জ্ঞানাগ্নি জালিয়া কেন ব্রহ্মময়ী রূপ দেখনা ॥
প্রসাদ বলে ভক্তের আশা পূরাইতে অধিক বাসনা ।
সাকারে সাযুজ্য হবে নির্বাহে কি গুণ বলনা ॥

৬৯

প্রসাদী—একতাল

তারা আর কি ক্ষতি হবে ।
হাদে গো জননী শিবে ॥
তুমি লবে লবে বড়ই লবে, প্রাণকে আমার লবে,

থাকে থাক, যায় যাক্, এ প্রাণ যায় যাবে ।
 যদি অভয় পদে মন থাকে তো কাজ কি আমার ভেবে ॥
 বাড়ায়ে তরঙ্গ রঙ্গ আর কি দেখাও শিবে ।
 একি পেয়েছ আনাড়ী দাঁড়ি তুফানে ডরাবে ॥
 আপনি যদি আপন তরী ডুবাই ভবান্নবে ।
 আমি ডুব দিয়ে জল খাব তবু অভয় পদে ডুবে ডুবে ॥
 গিয়েছি না যেতে আছি আর কি পাবে ভবে ।
 আমি কাঠের মুরাদ খাড়া মাত্র গণনাতে সবে ॥
 প্রসাদ বলে আমি গেলে তুমি তো মা র'বে ।
 তখন আমি ভাল কি তুমি ভাল তুমিই বিচারিবে ॥

৭০

প্রসাদী—একতাল।

হয়েছি জোর ফরিয়াদী ।
 এবার বুঝে বিচার কর শ্যামা ॥
 ঐ যে মন করিছে জামিনদারী নেচে উঠে ছটা বাদী ॥
 অবিভা বিমাতার ব্যাটা, তার ছটা কাম আদি ।
 যদি তুমি আমি এক হইতো পুর হতে দূর করে দি ॥
 বিমাতা মরেন শোকেতে, ছটায় যদি আমল না দি ।
 সুখে নিত্যানন্দ পুরে থাকি, পার হয়ে যাই আশানদী ॥

প্রসাদের রচনাবলী

হুজুরে তজ্জবিজ কর মা হাজির ফরিয়াদী দাদী ।
এই স্মোপার্জিত ভজনের ধন সাধারণ নয় যে তা দি ॥
মাতা আত্মা মহাবিভা, অদ্বিতীয় বাপ অনাদি ।
ওমা তোমার পুতে সতিন স্মৃতে, জোর করে কার কাছে কাঁদি ॥
প্রসাদ ভণে, ভরসা মনে বাপতো নহেন মিথ্যাবাদী ।
ঠেকে বারে বারে খুব চেতেছি আর কি এবার কাঁদে পা দি ॥

৭১

ধাধাজ—রূপক

মা কত নাচ গো রণে ।
নিরুপম বেশ বিগলিত কেশ,
বিরসনা হরহৃদে কত নাচ গো রণে ॥
সদ্য হত দিতি তনয় মস্তকহার লম্বিত সূজঘনে ।
কত রাজিত কটীতটে, নরকরনিকর, কুণপ শিশু শ্রবণে ॥
অধর সুললিত, বিশ্ব বিনিন্দিত, কুন্দ বিকসিত, স্মদশনে ।
শ্রীমুখমণ্ডল, কমল নিরমল, সাট্টহাস সঘনে ॥
সজল জলধর, কাস্তি সুন্দর, রুধির কিবা শোভা ও চরণে ।
প্রসাদ প্রবদতি, মম মানস নৃত্যতি, রূপ কি ধরে ময়নে ॥

৭২

প্রসাদী—একতাল

এলোকেশী দিঘসনা

কালী পুরাও মোর মনোবাসনা ॥

১৪৫

যে বাসনা মনে রাখি, তার লেশ মা নাহি দেখি,
আমায় হবে কি না হবে দয়া, বলে দেমা ঠিক-ঠিকানা ॥

যে বাসনা মনে আছে, বলেছি মা তোমার কাছে,
ওমা তুমি বিনে ত্রিভুবনে এ বাসনা কেউ জানেনা ॥

(অবশিষ্ট অংশ পাওয়া যায় নাই)

৭৩

বেহাগ—একতাল্লা

কেরে ওই মনোমোহিনী ॥

ঢল ঢল ঢল তড়িৎ পুঞ্জ, মণিমরকত কান্তি ছটা,
একি চিত্ত ছলনা, দৈত্য দলনা, ললনা নলিনী বিড়ম্বিনী ॥

সপ্ত পেতি, সপ্ত হেতি, সপ্তবিংশ প্রিয় নয়নী ।

শশী খণ্ড শিরসি, মহেশ উরসি; হরের রূপসী একাকিনী ॥

ললাট ফলকে, অলকা ঝলকে, নাসানলকে বেসরে মণি ।

মরি । হেরি একি রূপ, দেখ দেখ ভূপ, সুধারস কূপ, বদনখানি ॥

শ্মশানে বাস, অট্টহাস, কেশপাশ কাদম্বিনী ।

বামা সমরে বরদা, অশুর দরদা, নিকটে প্রমোদা, প্রমাদ গণি ॥

কহিছে প্রসাদ, না কর বিষাদ, পড়িল প্রমাদ, স্বরূপে মানি ।

না হব জয়ী রে, করুণাময়ী রে, করুণাময়ীরে বল জননী ॥

বামা ও কে এলোকেশে ।

সঙ্গিনী রঙ্গিনী, ভৈরবী যোগিনী, রণে প্রবেশে অতি দ্বেষে ॥
কি সুখে হাসিছে, লাজ না বাসিছে, নাচিছে মহেশ উরসে ।
ঘোর সমরে মগনা, হয়েছে নগনা, পিবতি সুধা কি আবেশে ॥
ঢলিয়া ঢলিয়া যাইছে চলিয়া, ধর রে বলিয়া ঘন হাসে ।
কাহার নারী রে, চিনিতে নারি রে, মোহিত করেছে ছিন্নবেশে ॥

কারে আর ভজরে, ও পদে মজরে,

রূপে আলো করেছে দিগ্‌দশে ।

কি করি রণে রে, হয়েছে মনে রে,

প্রসাদ ভণে রে, চল কৈলাসে ॥

এলো চিকুর নিকর নরকর কটীতটে, হরে বিহরে রূপসী ।

সুধাংশু তপন, দহন নয়ন, বয়ানবরে বসি শশী ॥

শব শিশু ইষু, শ্রুতিতলে, বামকরে মুণ্ড অসি ।

বামেতর কর, যাচে অভয় বর, বরাঙ্গনা রূপ মসী ॥

সদা মদালসে, কলেবর খসে, হাসে প্রকাশে সুধারামি ।

সমস্তা স্ববাসা, মাঠে মাঠে ভাষা, সুরেশানুকূলা বোড়শী ।

সাধক রামপ্রসাদ

প্রসাদে প্রসন্না ভব ভবপ্রিয়া, ভবার্ণব ভয় বাসি ।
জন্মর যন্ত্রণা হরণে মন্ত্রণা চরণে গয়াগঙ্গা কাশী ॥

৭৬

খাস্বাজ—টিমে-তেতাল

ওকে ইন্দীবর-নিন্দি কান্তি বিগলিত বেশ ।

বসনহীনা কে সমরে ॥

মদনমথন উরসি রূপসী, হাসি হাসি বামা বিহরে ।

প্রলয় কালীন জলদ গর্জে, তিষ্ঠ তিষ্ঠ সতত তর্জে,

জনমনোহরা শমন-সোদরা গর্ব্ব খর্ব্ব করে ॥

শস্ত্রে শাস্ত্রে প্রথম দীক্ষা, প্রথম বয়স বিপুল শিক্ষা

ত্রুদ্ধ নয়নে, নিরখে যেজনে, গমন শমন-নগরে ।

কলয়তি প্রসাদ হে জগদম্বে, সমরে নিপাত রিপু কদম্বে,

সম্বর বেশ, কুরু কুপালেশ, রক্ষ বিবুধ-নিকরে ॥

৭৭

বিভাস—তেওট

নবনীল-নীরদ-তনুরুচি কে, ঐ মনোমোহিনী রে ॥

তিমির শশধর, বাল দিনকর, সমান চরণে প্রকাশ ।

কোটিচন্দ্র বালকত, ত্রীমুখমণ্ডল, নিন্দি সুধামৃত ভাষ ॥

অবতংশ সে শ্রবণে, কিশোর বিধি হরি গলিত কুন্তল পাশ ।

গলে সুন্দর বরণ সুহার লম্বিত, সতত জঘনে নিবাস ॥

১৪৮

প্রসাদের রচনাবলী

বামার বাম করপর, খড়া নরশির, সবে পূর্ণাভিলাষ ।
শশী সকল ভালে, বিরাজে মহাকালে, ঘোর ঘন ঘন হাস ॥
ভণে শ্রীকবিরঞ্জে, বাঙ্খা করেছি মনে,
করুণাবলোকনে, কলুষ চয় কর নাশ ।
তব নাম বদনে, প্রকাশে যে জনে,
প্রভবে একথা আভাষ ॥

৭৮

খান্ধাজ—টিমে-তেতাল

ঢল ঢল জলদবরণী এ কার রমণী রে ।
নিরখ হে ভূপ, ঈশ শবরূপ, উরসি রাজে চরণ ॥
নখরাজি উজ্জল, চন্দ্র নিরমল, সতত ঝলকে কিরণ ।
একি চতুরানন হরি, কলয়তি শঙ্করী, সম্বরণ কর রণ ॥
মগনা রণমদে, সচলা ধরাপদে, চরণে অচল চালন ।
ফণিরাজ কম্পিত, সতত ত্রাসিত, প্রলয়ের এই কি কারণ ॥
প্রসাদ দাসে ভাষে, ত্রাহি নিজ দাসে, চিত্ত যে মন্ত বারণ ।
সদা বিষয়াসব পানে, ভ্রমিছে বিজ্ঞানে, কদাচ না মানে বারণ ॥

৭৯

খান্ধাজ—টিমে-তেতাল

হুহুকারে সংগ্রামে ও কে বিরাজে বামা ।
কামরিপু মোহিনী ও কে বিরাজে বামা ॥

১৪৯

সাধক রামপ্রসাদ

তপন দহন শশী, ত্রিনয়নী ও রূপসী, কুবলয় দল তনুশ্যামা ।
বিবসনা এ তরুণী, কেশ পড়িছে ধরণী, সমরনিপুণা গুণধামা ॥
কহিছে প্রসাদ সার, তারিণী সম্মুখে যার,
যমজয়ী বাজাইয়া দামা ॥

৮০

মল্লার—খয়রা

মোহিনী আশা বাসা ঘোর তমোনাশা বামা কে ।
ঘোর ঘটা কান্তি ছটা ব্রহ্ম কটা ঠেকেছে ॥
রূপসী শিরসি শশী, হরোরসি এলোকেশী,
মুখ ঝালা সুখা ঢালা কুলঝালা নাচিছে ॥
দ্রুত চলে আশ্র টলে, বাহুবলে দৈত্যদলে,
ডাকে শিবা কব কিবা দিবানিশি করেছে ।
ক্ষীণ দীন ভাগ্যহীন, দুষ্টচিত্ত সুকঠিন,
রামপ্রসাদে কালীর বাদে কি প্রমাদে ঠেকেছে ॥

৮১

বিভাস—টিমে-তেতাল

অকলঙ্ক শশিমুখী, সুধাপানে সদা সুখী,
তনু তনু নিরখি অতনু চমকে ।
না ভাব বিরূপ ভূপ, যাঁরে ভাব ব্রহ্মরূপ,
পদতলে শবরূপ, বামা রণে কে ॥

১৫০

প্রসাদের রচনাবলী

শিশু-শশধর-ধরা, সুহাস মধুরাধরা,
প্রাণ ধরা ভার, ধরা আলো করেছে ।
চিন্তে বিবেচনা কর, নিশাকর দিবাকর,
বৈশ্বানর নেত্রবর কর বলকে ॥
রামা অগ্রগণ্যা, বটে ধন্য কার কন্যা,
কিবা অশ্বেষণে রণে এসেছে ।
সঙ্গে কি বিকৃতিগুলা, নখ কুলা দন্ত মূলা,
এলো চুলা গায় ধূলা ভয় করে হে ॥
কবি রামপ্রসাদ ভাষে, রক্ষা কর নিজ দাসে,
যেজন একান্ত ত্রাসে, মা বলেছে ।
তার অপরাধ ক্ষমা, যদি না করিবে শ্রামা,
তবে গো তোমায় উমা, মা বলিবে কে ॥

৮২

মল্লার—ধনুরা

সদাশিব শবে আরোহিণী কামিনী ।
শোভিত শোণিতধারা মেঘে সৌদামিনী ॥
একি দেখি অসম্ভব, আসন করেছে শব,
মূর্ত্তিমতী মনোভব, ভবভামিনী ।
রবি শশী বহ্নি অঁখি, ভালে শশী শশিমুখী,
পদনখে শশী রাশি গজগামিনী ।

সাধক রামপ্রসাদ

শ্রীকবিরঞ্জন ভণে, কাদম্বিনী রূপ মনে,
ভাবে ভকতজনে, দিবস রজনী ॥

৮৩

বিভাস—টিমে-তেতাল।

মরি ও রমণী কি রণ করে ।

রমণী সমর করে, ধরা কাঁপে পদভরে,
রথরথী সারথি তুরঙ্গ গরাসে ।

কলেবর মহাকাল, মহাকালে শোভে ভাল,
দিনকর কর ঢাকে চিকুর পাশে ॥

আতঙ্কে মাতঙ্গ ধায়, পতঙ্গে পতঙ্গ প্রায়-
মনে বাসি শশী খসি, পড়ে তরাসে ।

নিরুপমা রূপছটা ভেদ করে ব্রহ্মকটা,
প্রবল দমুজঘটা, গেলে গরাসে ॥

ভৈরবী বাজায় গাল, যোগিনী ধরিছে তাল,
মরি কিবা সুরসাল, গান বিভাসে ।

নিকটে বিবুধ বধু, যতনে যোগায় মধু,
দোলায়ে বদন-বিধু, য়ুহু য়ুহু হাসে ॥

সবার আসার আশা, ঘুচায়েছে আশা বাসা,
জীবনে নিরাশা, ফিরে না যায় বাসে ।

ভণে রামপ্রসাদ সার, নাম লয়ে শ্রামা মা'র,
আনন্দে বাজায়ে দামা চল কৈলাসে ॥

প্রসাদের রচনাবলী

৮৪

মল্লার—ধররা

এলোকেশে, কে শবে, এলোরে বামা ।

নখর-নিকর হিমকরবর, রঞ্জিত ঘন তনু মুখ হিমধারা ॥

নব নব সঙ্গিনী, নব রস-রঙ্গিনী, হাসত ভাষত নাচত বামা ।

কুলবালা বাহুবলে, প্রবল দনুজদলে, ধরাতলে হতরিপু সমা ॥

ভৈরব ভূত প্রমথগণ, ঘন রবে রণজয়ী শ্রামা ।

করে করে ধরে তাল, ববম্ বম্ বাজে গাল,

ধাঁ ধাঁ ধাঁ গুড়্ গুড়্ বাজিছে দামামা ॥

ভবভয় ভঞ্জন, হেতু কবিরঞ্জন, মুক্তি করম সুনামা ।

তব গুণ শ্রবণে, সতত মম মনে, ঘোর ভবে পুনরপি গমন
বিরামা ॥

৮৫

বেহাগ—তেওট

শ্রামা বামা গুণধামা কামাস্তক উরসি ॥

বিহরে বামা স্মরহরে ॥

স্মরৌ কি অস্মরৌ, কি নাগী কি পন্নগী কি মানুসী ।

নাসে মুকুতা-ফল বিলোর, পূর্ণচন্দ্র কোলে চকোর,

সতত দোলত খোর খোর, মন্দ মন্দ হাসি ।

একি করে করী করে ধরে রণে পশি,

তনুক্ষীণা সুনবীনা, বস্ত্রহীনা ষোড়শী

১৫৩

সাধক রামপ্রসাদ

নীলকমল দল-জিতাস্ত্র, তড়িত জড়িত মধুর হাস্ত,
 লজ্জিতা কুচ কলি অপ্রকাশ্য, ভালে শিশু শশী ।
 কত ছলা কত কলা, এ প্রবল চিত্তে বাসি,
 রামা নব্যা ভব্যা অব্যাহত-গামিনী রূপসী ॥
 দিতি স্নতচয় সমর প্রচণ্ড, সলিলে প্রবেশি ।
 এটা কেটা চিত্তে যেটা, হরে সেটা ছুঃখরাশি
 মম সর্ব্ব গর্ব্ব খর্ব্ব করে, একি সর্ব্বনাশী ॥
 কলয়তি রামপ্রসাদ দাস, ঘোর তিমির পুঞ্জ নাশ,
 হৃদয়-কমলে সতত বাস, শ্রামা দীর্ঘকেশী ।
 ইহকালে পরকালে, জয়ীকালে তুচ্ছবাসি,
 কথা নিতান্ত, কৃতান্ত শান্ত, শ্রীকান্ত প্রবেশি ॥

৮৬

ললিত—তেওট

শঙ্কর পদতলে, মগনা রিপুদলে, বিগলিত কুন্তলজাল ।
 বিমল বিধুবর, শ্রীমুখ সুন্দর, তনুরুচি বিজিত, তরুণ তমাল ॥
 যোগিনীগণ সকল, ভৈরব সমর করে করে ধরে তাল ।
 জুহু মানস, উর্দ্ধে শোণিত, পিবতি নয়ন বিশাল ॥
 নিগম সারিগম, গণ গণ গণ, মবয়ব যন্ত্র মণ্ডল তাল ।
 তা তা থেই থেই, জিম্‌কি জিম্‌কি, ধা ধা ডম্‌ফ বাত রসাল ॥
 প্রসাদ কলয়তি, হে শ্রামা সুন্দরি, রক্ষ মম পরকাল ।
 দীন-হীন প্রতি, কুরু কৃপালেশ, বারয় কাল করাল ॥

ঝিঁঝিট—আড়া

সমর করে ও কে রমণী ।

কুলবালা ত্রিভুবন মোহিনী ॥

ললাট-নয়ন বৈশ্বানর বাম বিধু, বামেতর তরণি ।

মরকত মুকুর বিমল মুখমণ্ডল নূতন জলধর বরণী ॥

শব-শিব হৃদয় মন্দাকিনী, রাজত ঢল ঢল উজ্জল ধরণী ।

তরুপরি যুগপদ, রাজিত কোকনদ,

সুচারু নখর-নিকর, সুধা যামিনী ॥

কলয়তি কবিরঞ্জন, করুণাময়ী করুণাকুরু হরমোহিনী

গিরিবর কন্তে, নিখিল-শরণ্যে, মম জীবন-ধন, জননী ॥

বিভাস—টিয়ে-তেতাল

শ্রামা বামা কে বিরাজে ভবে ।

বিপরীত ক্রীড়া, ব্রীড়াগতাসবে ॥

গদ গদ রসে ভাসে, বদন ঢুলায়ে হাসে,

অতনু সতনু জনু অনুভবে ।

রবিসুতা মন্দাকিনী, মধ্যে সরস্বতী মানি,

ত্রিবেণী সঙ্গমে মহাপুণ্য লবে ॥

সাধক রামপ্রসাদ

অরুণ শশাঙ্ক মিলে, ইন্দীবর চাঁদ গিলে,
অনলে অনল মিলে অনল নিবে ।
কলয়তি প্রসাদ কবি, ব্রহ্ম ব্রহ্মময়ী ছবি,
নিরখিলে পাপ তাপ, কোথায় রবে ॥

৮৯

ঝিঝিট—আড়া

শ্রামা বামা কে ?

তনু দলিতাঞ্জন, শরদ-সুখা-কর-মণ্ডলবদনী রে ॥
কুন্তল বিগলিত, শোণিত শোভিত,
তড়িত জড়িত নবঘন বলকে ॥
বিপরীত একি কাজ, লাজ ছেড়েছে দূরে,
ঐ রথরথী গজবাজী বয়ানে পুরে ॥
মম দল প্রবল, সকল হত বল, চঞ্চল বিকল হৃদয় চমকে ॥
প্রচণ্ড প্রতাপ রাশি মৃত্যুরূপিণী,
ঐ কামরিপু পদে এ কেমন কামিনী,
লজ্জা গগন ধরণীধর সাগর, ঐ যুবতি চকিতে নয়ন-পলকে ॥
ভীম ভবার্ণব-তারণ হেতু, ঐ যুগল চরণ তব করিয়াছি সেতু ॥
কলয়তি কবি রামপ্রসাদ কবিরঞ্জন,
কুরু কুপালেশ, জননী কালিকে ॥

প্রসাদের রচनावলী

৯০

খাড়া—তেওট

চিকণ-কালরূপা সুন্দরী ত্রিপুরারি-হৃদে বিহরে ।

অরুণ-কমলদল, বিমল-চরণতল, হিমকর-নিকর রাজিত নখরে ॥

বামা অট্ট অট্ট হাসে, তিমির-কলাপ নাশে,

ভাষে সুধা অমিত ক্ষরে ।

ভ্রমে কোকনদ দল, মধুকর চঞ্চল,

লঘুগতি পতিত যুবতী-অধরে ॥

সহজে নবীনা ক্ষীণা, মোহিনী বসনহীনা,

কি কঠিনা দয়া না করে ।

চঞ্চলাপাঙ্গ প্রাণহর, বরষিত শরখর, কত কত শত শত রে ॥

কহে রামপ্রসাদ কবি, অসিত মায়ের ছবি,

ভাবি ভাবি নয়ন ধরে ।

ও পদ-পঙ্কজ-পল্লবে বিহরতু, মাম্বক মানস আশ ধরে ॥

৯১

ঝিঁঝিট—একতাল

কে মোহিনী ভালে ভাল শশী, পরম রূপসী,

বিহরে সমরে বামা বিগলিত কেশী ।

তনু অনু অমানিশা, দিগন্তরী বালা কৃশা,

সব্যে বরাভয়, বামকরে মুণ্ড অসি ॥

১৫৭

মরি কিবা অপরূপ, নিরখ দলুজ-ভূপ,
 সুরী কি অসুরী কি পন্নগী কি মানুষী ।
 জয়ী হব যার বলে, সেই প্রভু শব ছলে,
 পদে মহাকাল, কালরূপ হেন বাসি ॥
 নানারূপ মায়া ধরে, কটাক্ষে মানস হরে,
 ক্ষণে বপু বিরাট বিকট মুখে হাসি ।
 ক্ষণে ধরাতলে ছুটে, ক্ষণেকে আকাশে উঠে,
 গিলে রথরথী গজবাজী রাশি রাশি ॥
 ভণে রামপ্রসাদ সার, না জান মহিমা মা'র,
 চৈতন্যরূপিনী নিত্য ব্রহ্ম মহিষী ।
 যেই শ্যাম সেই শ্যামা, অকার আকারে বামা,
 আকার করিয়া লোপ, অসি ভাব বাঁশী ॥

৯২

ললিত—তেওট

ও কার রমণী সমরে নাচিছে ।
 দিগম্বরী দিগম্বরোপরি শোভিছে ॥
 তনু নব-ধারা-ধর, রুধির-ধারা-নিকর,
 কালিন্দীর জলে কি কিংসুক ভাসিছে ॥
 বদন বিমল শশী, কত সুধা ক্ষরে হাসি,
 কালরূপে তমোরাশি রাশি নাশিছে ।

প্রসাদের রচনাবলী

কহে কবি রামপ্রসাদে, কালিকা-কমল-পদে,
মুক্তি হেতু যোগী হৃদে ভাসিছে ॥

৯৩

ললিত—তেওট

কুলবালা উলঙ্গ, ত্রিভঙ্গ কি রঙ্গ, তরুণ বয়েস ।
দমুজ-দলনা ললনা, সমরে শবে, বিগলিত কেশ ॥
ঘন ঘোর নিনাদিনী, সমরে বিবাদিনী, মদনোন্মাদিনী বেশ ।
ভূত পিশাচ প্রমথ সঙ্গে, ভৈরবগণ নাচত রঙ্গে,
রঙ্গিণীবর সঙ্গিনী, নগনা সমান বেশ ॥
গজ রথ রথী করত গ্রাস, সুরাসুর-নর-হৃদয়-ত্রাস,
দ্রুত চলত চলত রসে গর গর, নর-কর কটীদেশ ।
কহিছে প্রসাদ ভুবনপালিকে, করুণাংকুর জননী কালিকে,
ভব-পারাবার তরাবার ভার, হরবধু হর ক্লেশ ॥

৯৪

প্রসাদী—একতালা

এবার আমি করব কৃষি ।
ওগো, এ ভবসংসারে আসি ॥
তুমি কৃপাবিন্দু পাত করিয়ে, ব'সে দেখ রাজমহিষী ॥

১৫৯

সাধক রামপ্রসাদ

দেহ-জমীর জঙ্গল বেশী, সাধ্য কি মা সকল চষি ।
মাগো যৎকিঞ্চিৎ আবাদ হইলে, আনন্দ-সাগরে ভাসি ॥
হৃদয় মধ্যেতে আছে, পাপরূপী তৃণরাশি ।
কত দুঃখ-কাটা পায়ে ফোটে, মুক্ত কর মা মুক্তকেশী ॥
কাম আদি ছয়টা বলদ বহিতেছে অহর্নিশি ।
আমি গুরুদত্ত বীজ বুনিয়ে, শস্য পাব রাশি রাশি ॥
প্রসাদ বলে চাষে বাসে, মিছে মন অভিলাষী ।
আমার মনের বাসনা তারার, ও রাজ্য চরণে মিশি ॥

৯৫

ললিত—রূপক

নলিনী নবীন। মনোমোহিনী ।
বিগলিত চিকুরঘটা, গমনে বরটা, বিবসনা সवासনা মদালসা ।
ষোড়শী ষোড়শকলা, কুশলা সরলা,
ললাটে বালার্ক বিধু, ঞ্জতিতলে ব্রহ্মা বিধু,
মনোজ্ঞা মধুরমুখী, মধুর লালসা ॥
সোম-মৌলি-প্রিয়া নাম, রবিজ মঙ্গল ধাম,
ভঞ্জে বুধ বৃহস্পতি, হীন কৰ্মনাশা ।
হরিণাক্ষী হরি-মধ্যা, হরিহর-ব্রহ্মারাধ্যা,
হরি-পরিবার সেই, যে ভঞ্জে দিখাসা ॥

১৬০

প্রসাদের রচনাবলী

৯৬

সোহিনী—বাহার

এস দেখি মন তুমি আমি বিরলেতে বসি রে ।
যুক্তি করি মনে প্রাণে, পিঞ্জর গড়ব গুরু-চরণে,
পদে লুকায়ে সুখা খাব যমের বাপের কি ধার ধারি রে ।
মন বলে করিবে চুরি ইহার সন্ধান বুঝি নে রে ॥
গুরু দিয়েছেন যে ধন, অভয়-চরণ কেমনে খরচ করি রে ।
শ্রীরামপ্রসাদের আশা, কাঁটা কেটে খোলাসা করি রে ।
মধুপুরী যাব, মধু খাব শ্রীগুরুর নাম হৃদে ধরি রে ॥

৯৭

প্রসাদী—একতাল

মন কেন তোর ভ্রম গেলনা ।
কালী কেমন তাই চেয়ে দেখলিনা ॥
ওরে ত্রিভুবন যে মায়ের মূর্তি, জেনেও কি, মন ! তাই জাননা ।
কোন লাজে তাঁর মাটির মূর্তি গড়িয়ে করিস্ উপাসনা ॥
জগৎকে সাজাচ্ছেন যে মা, দিয়ে কত রত্ন সোনা ।
ওরে কোন্ লাজে সাজাতে চাস্ তাঁয়, দিয়ে ছার ডাকের গহনা ।
জগৎকে খাওয়াচ্ছেন যে মা, সুমধুর খাদ্য নানা ।
ওরে কোন্ লাজে খাওয়াইতে চাস্ তাঁয়,
আলো চাল আর বুট ভিজানা ॥

১৬১

সাধক রামপ্রসাদ

জগৎকে পালিছেন যে মা, সাদরে তাও কি জাননা ।
কেমনে দিতে চাস্ তুই বলি, মেঘ মহিষ আর ছাগলছানা ॥

৯৮

মূলতানী—একতালা

কালীগুণ গেয়ে, বগল বাজায়ে, এতনু তরণী ঘুরা
করি চল বেয়ে ।

ভবের ভাবনা কিবা, মনকে কর নেয়ে ॥

দক্ষিণ বাতাস মূল, পৃষ্ঠদেশে অনুকূল, কাল রবে চেয়ে ।

শিব নহেন মিথ্যাবাদী, আজ্ঞাকারী অনিমাди,

প্রসাদ বলে প্রতিবাদী পলাইবে ধৈয়ে ॥

৯৯

টুরী-জায়েনপুরী—একতালা

আমায় ছুঁয়োনা রে শমন আমার জাত গিয়েছে ।

যে দিন কৃপাময়ী আমায় কৃপা করেছে ॥

শোনূরে শমন বলি আমার জাত কিসে গিয়াছে ।

আমি ছিলাম গৃহবাসী, কেলে সর্বনাশী,

আমায় সন্ন্যাসী করেছে ॥

মন রসনা এই দুজনা, কালীর নামে দল বেঁধেছে ।

ইহা ক'রে শ্রবণ, রিপু ছয়জন, ডিঙ্গা ছেড়ে চলে গেছে ॥

যে জোরে একঘরে আমি, সে জোর আমার বজায় আছে ।

প্রসাদ বলে বেজাত ম'লে যম যেন আসেনা কাছে ॥

১৬২

জংলা—একতালী

মা তোমারে বারে বারে জানাব আর দুঃখ কত ।
 ভাসিতেছি দুঃখনীরে, স্রোতের শেহালার মত ॥
 আমার যে মা মূল বাঁধা নাই, কোথায় যেতে কোথা দাঁড়াই,
 ছয় দিকেতে ছয় রিপূর টান, মাঝে পড়ে হ'লাম হত ।
 দ্বিজ রামপ্রসাদে বলে, মা বুঝি নিদয়া হ'লে,
 দাঁড়াও একবার হৃদকমলে, দেখে যাই জনমের মত ॥

প্রসাদী—একতালী

মন জান নাকি ঘটবে কি লেঠা ।
 যখন উর্দ্ধ-বায়ু রুদ্ধ ক'রে পথে তোমার দিবে কাঁটা ॥
 আমি দিন থাকিতে উপায় বলি দিনের সুদিন যেটা ।
 ওরে শ্রামা মায়ের শ্রীচরণে, মনে মনে হওরে আঁটা ॥
 পিঞ্জরে পুষেছ পাখী, আটক করে কেটা ।
 ওরে জাননা যে তার ভিতরে, ছয়ার আছে নটা ॥
 পেয়েছ কুসঙ্গী সঙ্গী, খিজি খিজি ছটা ।
 তারা যা বলিছে তাই করিছ, এমনি বুকের পাটা ॥
 প্রসাদ বলে মন জান তো মনে মনে যেটা ।
 আমি চাতরে কি ভেঙ্গে হাড়ি, বুঝাইব সেটা ॥

দীন-দয়াময়ী কি হবে শিবে ।

বড় নিশ্চিন্ত রয়েছ, তোমার পতিত তনয় ডুবলো ভবে ॥

এ ঘাটে তরণী নাইকো, কিসে পার হব মা ভবে ।

মা তোর দুর্গানামে কলঙ্ক রবে মা নইলে খালাস কর তবে ॥

ডাকি পুনঃ পুনঃ, শুনিয়া না শুন, পিতৃ-ধর্ম রাখলে ভবে ।

অতি প্রাতঃকালে জয় দুর্গা ব'লে, শরণ নিবার কাজ কি তবে ॥

শ্রীরামপ্রসাদ বলে, মা ! মোর ক্ষতি কিছু না হবে ।

মা তোর কাশী মোক্ষধাম, অন্নপূর্ণা নাম,

জগজ্জনে আর নাহি লবে ॥

আমায় কি ধন দিবি তোর কি ধন আছে ।

তোমার কৃপাদৃষ্টি পাদপদ্ম, বাঁধা আছে শিবের কাছে ॥

ও চরণ উদ্ধারের মা, আর কি কোন উপায় আছে ।

এখন প্রাণপণে খালাস কর, টাটে বা ডুবায় পাছে ॥

যদি বল অমূল্য পদ, মূল্য আবার কি তার আছে ।

ঐ যে প্রাণ দিয়ে শব হয়ে, শিব ওপদ বাঁধা রাখিয়াছে ॥

বাপের ধনে বেটার স্বত্ব, কাহার বা কোথা ঘুচেছে ।

রামপ্রসাদ বলে, কুপুত্র ব'লে, আমায় নিরংশী করেছে ॥

প্রসাদের রচনাবলী

১০৪

জংলা—একতালা

আমার অন্তরে আনন্দময়ী,

সদা করিতেছেন কেলী ।

আমি যেভাবে সেভাবে থাকি, নামটী কভু নাহি ভুলি ।

আবার হুঁঅঁখি মুদিলে দেখি, অন্তরেতে মুণ্ডমালী ॥

বিষয় বুদ্ধি হইল হত, আমায় পাগল বোল বলে সকলি ।

আমায় যা বলে তাই বলুক তারা, অন্তে যেন পাই পাগলী ॥

শ্রীরামপ্রসাদে বলে, মা বিরাজে শতদলে,

আমি শরণ নিলাম চরণতলে, অন্তে না ফেলিও ঠেলি ॥

১০৫

প্রসাদী—একতালা

কাজ কি, মা ! সামান্য ধনে ।

ও কে কাঁদছে গো তোর ধন বিহনে ॥

সামান্য ধন দিবে তারা, প'ড়ে রবে ঘরের কোণে ।

যদি দেও মা আমায় অভয় চরণ, রাখি হৃদি-পদ্মাসনে ॥

গুরু আমায় কৃপা ক'রে মা, যে ধন দিলে কাণে কাণে ।

এমন গুরু-আরাধিত মন্ত্র, তাও হারালেম সাধন বিনে ॥

প্রসাদ বলে কৃপা যদি মা, হবে তোমার নিজ গুণে ।

আমি অস্তিমকালে জয় দুর্গা ব'লে

স্থান পাই যেন ঐ চরণে ॥

১৬৫

সাধক রামপ্রসাদ

১০৬

প্রসাদী—একতালা

মায়ের এন্নি বিচার বটে ।

যেজন দিবানিশি দুর্গা বলে, তার কপালে বিপদ ঘটে ॥
হুজুরেতে আরজি দিয়ে মা, দাঁড়াইয়া আছি করপুটে ।
কবে আদালত শুনানি হবে মা, নিস্তার পাব এ সঙ্কটে ॥
সওয়াল জবাব করব কি মা, বুদ্ধি নাইকো আমার ঘটে ।
ওমা ভরসা কেবল শিব বাক্য ঐক্য বেদাগমে রটে ॥
প্রসাদ বলে শমন ভয়ে মা, ইচ্ছে হয় পালাই ছুটে ॥
যেন অন্তিমকালে দুর্গা ব'লে, প্রাণ ত্যজি জাহ্নবীর তটে ॥

১০৭

ইমন—একতালা

কাজ কি আমার কাশী ।

যাঁর কুত কাশী তহুরসি বিগলিতকেশী ॥
সেই জগদম্বার কুণ্ডল, পড়েছিল খসি ।
সেই হ'তে মণিকর্ণি ব'লে তারে ঘোষি ॥
অসি বরুণার মধ্যে তীর্থ বারাণসী ।
মায়ের করুণা বরুণাধারা অসিধারা অসি ॥
কাশীতে মরিলে শিব দেন তত্ত্বমসি ।
ওরে তত্ত্বমসির উপরে সেই মহেশ-মহিষী ॥

১৬৬

প্রসাদের রচনাবলী

রামপ্রসাদ বলে কাশী যাওয়া ভালত না বাসি ।
এঁয়ে গলাতে বেঁধেছে আমার কালীনামের ফাঁসি ॥

১০৮

জংলা—একতাল

জাল ফেলে জেলে রয়েছে ব'সে ।

ভবে আমার কি হইবে গো মা ॥

অগম্য জলেতে মীনের আশ্রয়, জেলে জাল ফেলেছে ভুবনময়,
ওঁ সে যখন যারে মনে করে, তখন তারে ধরে কেশে ॥
পালাবার পথ নাইকো জালে, পালাবি কি মন ঘেরেছে কালে,
রামপ্রসাদ বলে মাকে ডাক, শমন দমন করবে এসে ॥

১০৯

ললিত-বিভাষ—আড়াঠেকা

কালীর নামে গণ্ডী দিয়ে আছি দাঁড়াইয়ে ।

শোন্‌রে শমন তোরে কই, আমিতো আটাসে নই,

তোর কথা কেন রব সয়ে ।

ছেলের হাতের মোয়া নয় যে খাবে ভোগা দিয়ে ॥

কটু বলবি সাজাই পাবি, মাকে দিব কয়ে ।

সে যে কুতাস্ত-দলনী শ্যামা, বড় ক্ষেপা মেয়ে ॥

শ্রীরামপ্রসাদে কয়, যেন শ্যামা-গুণ গেয়ে,

আমি ফাঁকি দিয়ে চ'লে যাব, চক্ষে ধূলা দিয়ে ॥

১৬৭

প্রসাদী—একতাল্লা

জয় কালী জয় কালী বল ।

লোকে বলে বলবে পাগল হ'লো ॥

লোকে মন্দ বলে বলবে, তায় কিরে তোর বয়ে গেল ।

আছে ভাল মন্দ দুটো কথা, যা ভাল তাই করা ভাল ॥

কালীনামের খড়া তুলে' মায়া-মোহ কেটে ফেলো ।

ক'রে মিছে মায়ায় টানাটানি রামপ্রসাদের প্রমাদ হ'লো ॥

প্রসাদী—একতাল্লা

ভাব কি ভেবে পরাণ গেল ।

যার নামে হরে কাল, পদে মহাকাল,

তার কেন কালরূপ হ'ল ।

কাল বরণ অনেক আছে, এ বড় আশ্চর্য্য কালো ।

যাকে হৃদয়মাঝে রাখিলে পরে হৃদয়পদ্ম করে আলো ॥

রূপে কালী নামে কালী কাল হইতে অধিক কালো ।

ওরূপ যে দেখেছে সেই মজেছে অন্তরূপ লাগে না ভালো ॥

প্রসাদ বলে কুতূহলে, এমন মেয়ে কোথায় ছিল ।

না দেখে নাম শুনে কাণে মন গিয়া তায় লিপ্ত হলো ॥

প্রসাদের রচনাবলী

১১২

প্রসাদী—একতালা

শ্রামা মা উড়াচ্ছে ঘুড়ি ।

(ভব-সংসার বাজারের মাঝে)

ঐ যে মন ঘুড়ি, আশা বায়ু, বাঁধা তাহে মায়া-দড়ি ॥

কাক গণ্ডী মণ্ডী গাঁথা, পঞ্জরাদি নানা নাড়ী ।

ঘুড়ি স্বপ্নে নির্মাণ করা, কারিগরি বাড়াবাড়ি ॥

বিষয়ে মেজেছে মাজা, কর্কশ হয়েছে দড়ি ।

ঘুড়ি লঞ্চে ছুটা একটা কাটে, হেসে দেওমা হাতচাপড়ি ॥

প্রসাদ বলে দক্ষিণা বাতাসে ঘুড়ি যাবে উড়ি ।

ভবসংসার সমুদ্র পারে, পড়বে যেয়ে তাড়াতাড়ি ॥

১১৩

প্রসাদী—একতালা

সে কি শুধু শিবের সতী ।

যারে কালের কাল করে প্রণতি ॥

ঘটচক্রে চক্র করি, কমলে করে বসতি ।

সে যে সর্বদলের দলপতি, সহস্রদলে করে স্থিতি ॥

নেংটা বেশে শত্রু নাশে, মহাকাল-হৃদয়ে স্থিতি ।

ওরে বল দেখি মন সে বা কেমন, নাথের বুকে মারে লাথি ॥

প্রসাদ বলে মায়ের লীলা, সকলি জানি ডাকাতি ।

ওরে সাবধানে মন কর যতন, হবে তোমার শুদ্ধমতি ॥

১৬৯

শমন আসার পথ ঘুচেছে ।

আমার মনের সন্ধ দূরে গেছে ॥

ওরে আমার ঘরের নবদ্বারে, চারি শিব চৌকি রয়েছে ;

এক খুঁটিতে ঘর রয়েছে, তিন রজ্জুতে বাঁধা আছে ।

সহস্র-দলকমলে শ্রীনাথ, অভয় দিয়ে ব'সে আছে ॥

দ্বারে আছে শক্তি বাঁধা চৌকীদারী ভার লয়েছে ।

সে শক্তির জোরে চেতন ক'রে তাইতে প্রাণ নির্ভয়ে আছে ॥

মূলাধারে স্বাধিষ্ঠানে কণ্ঠমূলে ভুরুমারো ।

এ চারি স্থানে চারি শিব, নবদ্বারে চৌকী আছে ॥

রামপ্রসাদ বলে এই ঘরে, চন্দ্রসূর্য্য উদয় আছে ।

ওরে তমোনাশ করি তারা হৃদমন্দিরে বিরাজিছে ॥

ভেবে দেখ মন কেউ কার নয়, মিছে ফের ভ্রমণে ।

ভুলনা দক্ষিণে-কালী বদ্ধ হ'য়ে মায়াজালে ॥

দিন দুই তিনের জন্ত ভবে, কর্তা ব'লে সবাই বলে ।

আবার সে কর্তারে দিবে ফেলে, কালাকালের কর্তা এলে ॥

যার জন্তে মর ভেবে, সে কি সঙ্গে যাবে চলে ।

সেই প্রেয়সী দিবে গোবর-ছড়া, অমঙ্গল হবে ব'লে ।

প্রসাদের রচনাবলী

শ্রীরামপ্রসাদে বলে শমন যখন ধরবে চুলে ।

তখন ডাক্‌বি কালী কালী ব'লে কি করিতে পার্বে কালে ॥

১১৬

খান্ধাজ—একতাল

যদি ডুবলো না ডুবায়ে বা ওরে মন-নেয়ে ॥

মন, হাল ছেড়না ভরসা বাঁধ পারবি যেতে বেয়ে ॥

মন, চক্ষু দাঁড়ি বিষম হাড়ি, মজায় মজে চেয়ে ।

ভাল ফাঁদ পেতেছে শ্রামা, বাজিকরের মেয়ে ॥

মন, শ্রদ্ধা-বায়ে ভক্তি-বাদাম, দেওরে উড়াইয়ে ।

রামপ্রসাদ বলে কালীনামের যাওরে সারি গেয়ে ॥

১১৭

খান্ধাজ—আদ্ধা

কালী তারার নাম জপ মুখে রে ।

যে নামে শমন-ভয় যাবে দূরে রে ॥

যে নামেতে শিব সন্ন্যাসী, হইল শ্মশানবাসী,

ব্রহ্মা আদি দেব যাঁরে না পায় ভাবিয়া রে ॥

ডুবু ডুবু হইল ভরা, লোকে বলে ডুবে রে ।

তবু ভুলাইতে পার যদি, ভোলানাথের মন রে ॥

আমি অতি মুঢ়মতি, না জানি ভকতি-স্তুতি,

দ্বিজ রামপ্রসাদের নতি, চরণতলে রেখো রে ॥

১৭১

সাধক রামপ্রসাদ

১১৮

ভৈরবী—একতাল

গেলনা গেলনা, দুঃখের কপাল ।
গেলনা গেলনা, ছাড়িয়ে ছলনা,
ছাড়িয়ে ছাড়ে না মাসী হ'লো কাল ॥
আমি মনে সদা বাঞ্ছা করি সুখ,
মাসী এসে তায় দেয় নানা দুঃখ,
মাসীর মায়া-জ্বালা, করে নানা খেলা,
দেয় দ্বিগুণ জ্বালা, বাড়ায় জঞ্জাল ॥
দ্বিজ রামপ্রসাদের মনে এই ত্রাস,
জন্মে মাতৃকোলে না করিলাম বাস,
পেয়ে দুঃখের জ্বালা, শরীর হল কালা,
তোলা দুখে ছেলে, বাঁচে কত কাল ॥

১১৯

প্রসাদী—একতাল

মন হারালে কাজের গোড়া ।
তুমি দিবানিশি ভাব বসি, কোথায় পাবে টাকার তোড়া ॥
চাকি কেবল ফাঁকিমাত্র, শ্রামা মা মোর হেমের ঘড়া ।
তুই কাচ মূল্যে কাঞ্চন বিকালি, ছিছি মন
তোর কপাল পোড়া ॥

১৭২

কর্ম-সুত্রে যা আছে মন, কেবা পাবে তার বাড়ি ।

মিছে এদেশ সেদেশ ক'রে বেড়াও, বিধির লিপি

কপাল জোড়া ॥

কাল করিছে হৃদয়ে বাস, বাড়ছে যেন শালের কোঁড়া ।

ওরে সেই কালের কর বিনাশ, আস ধররে মন্ত্র সোটা ॥

প্রসাদ বলে ভাবছ কি মন পাঁচশোয়ারের তুমি ঘোড়া ।

সেই পাঁচের আছে পাঁচাপাঁচি, তোমায় করবে তোলাপাড়া ॥

১২০

প্রসাদী—একতালা

আমি নয় পলাতক আসামী ।

ওমা কি ভয়, আমায় দেখাও তুমি ॥

বাজে জমা পাওনি যে মা, ছাটে জমি আছে কমি ।

আমি মহামন্ত্র মোহর করা, কবচ রাখি সাল-তামামি ॥

আমি মায়ের খাসে আছি ব'সে আসল কসে সারে জমি ॥

এবার, তোমার নামের জোরে, থাক্ব ধ'রে নিষ্কর ক'রে

লব ভূমি ॥

প্রসাদ বলে খাজনা বাকি, নাইকো রাখি কড়া কমি ।

যদি ডুবাও হুংখ-সিদ্ধু-মাঝে, ডুবেও পদে হব হামি ॥

১৭৩

জয়জয়ন্তী—একতালা

তুমি কার কথায় ভুলেছ রে মন, ওরে আমার গুয়া পাখী ।
 আমারি অন্তরে থেকে, আমাকে দিতেছ ফাঁকি ॥
 কালীনাম জপিবার তরে, তোরে রেখেছি পিঞ্জরে পুরে,
 মন, ও তুই আমাকে বঞ্চনা ক'রে, অরি-সুখে হইলি সুখী ॥
 শিবদুর্গা কালীনাম, জপ কর অবিশ্রাম মন,
 তোমার জুড়াবে তাপিত অঙ্গ, একবার শ্রামা বলরে দেখি ।

[অবশিষ্ট অংশ পাওয়া যায় না]

গৌরী—একতালা

জগত-জননী তরাও গো তারা ।
 জগৎকে তরালে, আমাকে ডুবালে,
 আমি কি জগত ছাড়া গো তারা ॥
 দিবা অবসানে রজনীকালে, দিয়েছি সাঁতার ত্রীদুর্গা ব'লে,
 মম জীর্ণ তরী, মা আছ কাণ্ডারী,
 তবু ডুবিল ডুবিল ডুবিল ভরা ॥
 দ্বিজ রামপ্রসাদে ভাবিয়ে সারা, মা হ'য়ে পাঠাইলে মাসীর পাড়া,
 কোথা গিয়েছিলে, এ ধর্ম্ম শিখিলে,
 মা হয়ে সন্তান ছাড়া গো তারা ॥

এ সংসারে ডরি কারে, রাজা যার মা মহেশ্বরী ।
 আনন্দে আনন্দময়ীর, খাস তালুকে বসত করি ॥
 নাইকো জরিপ জমাবন্দী, তালুক হয় না লাটে বন্দি মা ।
 আমি ভেবে কিছু পাইনে সন্ধি, শিব হয়েছেন কৰ্ম্মচারী ॥
 নাইকো কিছু অন্য লেঠা, দিতে হয় না মাথট বাটা মা ।
 জয় দুর্গার নামে জমা অঁটা, ঐটা করি মালগুজারি ॥
 বলে দ্বিজ রামপ্রসাদ, আছে এ মনের সাধ মা ।
 আমি ভক্তির জোরে কিন্তে পারি, ব্রহ্মময়ীর জমিদারী ॥

দুঃখের কথা শোন মা তারা ।
 আমার ঘর ভাল নয় পরাংপর ॥
 যাদের নিয়ে ঘর করি মা, তাদের এমনি কাজের ধারা ।
 ওমা পাঁচের আছে পাঁচ বাসনা, সুখের ভাগী কেবল তারা ॥
 অশীতি লক্ষ ঘরে বাস করিয়ে, মানব-ঘরে ফেরা ঘোরা ।
 এই সংসারেতে সং সাজিয়ে, সার হলো গো দুঃখের ভরা ॥
 রামপ্রসাদের কথা লও মা, এ ঘরে বসতি করা ।
 ঘরের কর্ত্তা যেজন, স্থির নহে মন, ছ'জনেতে কল্লো সারা ॥

প্রসাদী—একতাল

এবার ভাল ভাব পেয়েছি ।

কালীর অভয় পদে প্রাণ সঁপেছি ॥

ভবের কাছে পেয়ে ভাব ভাবিকে ভাল ভুলিয়েছি ।

তাই রাগ, দ্বেষ, লোভ ত্যজে, সত্ত্বগুণে মন দিয়েছি ॥

তারা নাম সারাৎসার, আশুশিখায় বাঁধিয়াছি ।

সদা দুর্গা দুর্গা দুর্গা বলে, দুর্গানামের কাচ করেছি ॥

প্রসাদ ভাবে যেতে হবে, একথা নিশ্চিত জেনেছি ।

লয়ে কালীর নাম পথের সম্বল, যাত্রা ক'রে ব'সে আছি ॥

প্রসাদী—একতাল

মন তোরে তাই বলি বলি ।

এবার ভাল খেল খেলায় খেলি ॥

প্রাণ বলে প্রাণের ভাই, মন যে তুই আমার ছিলি ।

ওরে ভাই হয়ে ভুলায়ে ভায়ে, শমনেরে সঁপে দিলি ॥

গুরুদত্ত মহানুধা, ক্ষুধায় খেতে নাহি দিলি ।

ওরে খাওয়ালি কেবলমাত্র, কতকগুলো গালাগালি ॥

যেগ্নি গেলি তেগ্নি গেলাম, ক'রে দিলি মেজাজ আলি ।

এবার মায়ের কাছে বুঝা আছে, আমি নই বাগানের মালি ।

প্রসাদের রচনাবলী

প্রসাদ বলে মন ভেবেছ, দেবে আমায় জলাঞ্জলি ।
ওরে জাননা কি হৃদে গেঁথে, রেখেছি দক্ষিণা কালী ॥

১২৭

প্রসাদী—একতাল

মন তুমি কি রঙ্গে আছ ।

ও মন রঙ্গে আছ রঙ্গে আছ ॥

তোমার ক্ষণে ক্ষণে ফেরাঘোরা, হৃৎখে রোদন, সুখে নাচ ।

রঙের বেলা রাঙে কড়ি সোনার দরে তা কিনেছ ।

ও মন হৃৎখের বেলা রতন মাণিক মাটির দরে তাই বেচেছ ॥

সুখের ঘরে রূপের বাসা, সেইরূপে মন মজায়েছ ।

যখন সেরূপে বিরূপ হইবে, সে রূপের বিরূপ ভেবেছ ॥

(অবশিষ্ট অংশ পাওয়া যায় নাই ।)

১২৮

প্রসাদী—একতাল

ভাল ব্যাপার মন কর্তে এলে ।

ভাসিয়ে মানব-তরী কারণ-জলে ॥

বাণিজ্য করিতে এলে, মন ভবনদীর জলে,

ওরে কেউ করিল ছনো ব্যাপার, কেউ হারালে লাভে মূলে ॥

ক্ষিত্যপ্ত তেজঃমরুদ্ব্যোম, বোঝাই আছে নায়ের খোলে ।

ওরে ছয় দাঁড়ি ছয় দিকে টেনে, গোড়ায় পা দে ডুবিয়ে দিলে ॥

১৭৭

সাধক রামপ্রসাদ

পাঁচ জিনিস নে ব্যবসা করা, পাঁচে ডেকে পাঁচে মিলে ।
যখন পাঁচে পাঁচ মিশায়ে যাবে, কি হবে তাই প্রসাদ বলে ॥

১২৯ ✓

প্রসাদী—একতাল

আমি কবে কাশীবাসী হব ।

সেই আনন্দকাননে গিয়ে, নিরানন্দ নিবারিব ॥

গঙ্গাজল বিশ্বদলে, বিশ্বেশ্বর নাথে পূজিব ।

ঐ বারাণসী জলে স্থলে, মোলে পরে মোক্ষ পাব ॥

অন্নপূর্ণা অধিষ্ঠাত্রী স্বর্ণময়ীর শরণ লব ।

আর বব বম্ বম্ ভোলা ব'লে নৃত্য ক'রে গাল বাজাব ॥

১৩০

প্রসাদী—একতাল

মা আমার বড় ভয় হয়েছে ।

সেথা জমা-ওয়াশীল দাখিল আছে ॥

রিপুর বসে চল্লম আগে, ভাবলেম না কি হবে পাছে ।

ঐ যে চিত্রগুপ্ত বড়ই শক্ত, যা করেছি তাই লিখেছে ॥

জন্ম জন্মান্তরের যত, বকেয়া বাকী জের টেনেছে ।

যার যেম্নি কর্ম তেমনি ফল, কর্মফলের ফল ফলেছে ॥

জমায় কমি খরচ বেশি, তরবো কিসে রাজার কাছে ।

ঐ যে রামপ্রসাদের মনের মধ্যে (কেবল) কালীনাম

ভরসা আছে ॥

প্রসাদের রচনাবলী

১৩১

প্রসাদী—একতাল

ভূতের বেগার খাটবো কত ।

তারা বল্ আমায় খাটাবি কত ॥

আমি ভাবি এক, হয় আর সুখ নাই মা কদাচিত ।

পঞ্চ দিকে নিয়ে বেড়ায়, এ দেহের পঞ্চভূত ।

ওমা, ষড়রিপু সাহায্য তায়, হলো ভূতের অনুগত ॥

আসিয়া ভব-সংসারে, ছুঃখ পেলেম যথোচিত ।

ওমা, যার সুখেতে হব সুখী, সে মন নয় গো মনের মত ॥

চিনি ব'লে নিম খাওয়ালে, ঘুচলো না সে মুখের তিত ।

কেন ভিষক প্রসাদ, মনে বিবাদ, হয়ে কালীর শরণাগত ॥

১৩২

প্রসাদী—একতাল

আমার উমা সামান্য মেয়ে নয় ।

গিরি, তোমারি কুমারী তা নয় তা নয় ॥

স্বপ্নে যা দেখেছি গিরি, কহিতে মনে বাসি ভয় ॥

ওহে কার চতুর্মুখ, কার পঞ্চমুখ উমা তাঁদের মস্তকে রয় ॥

রাজরাজেশ্বরী হয়ে, হস্ত-বদনে কথা কয় ।

ওকে গরুড়-বাহন কালো বরণ, ষোড় হাতেতে করে বিনয় ॥

প্রসাদ ভণে মুনিগণে, যোগ-ধ্যানে যারে না পায় ।

তুমি গিরি ধন্য, হেন কন্যা পেয়েছ কি পুণ্য উদয় ॥

১৭৯

সাধক রামপ্রসাদ

১৩৩

প্রসাদী—একতারা

মা আমার খেলান হলো ।

খেলা হলো গো আনন্দময়ি ॥

ভবে এলেম কর্ত্তে খেলা, করিলাম খুলা খেলা,
এখন কাল পেয়ে পাষাণের বালা, কাল যে নিকটে এলো ॥
বাল্যকালে কত খেলা, মিছে খেলায় দিন গৌয়ালো ।
পরে জায়ার সঙ্গে লীলা-খেলায় অজপা ফুরায়ে গেল ॥
প্রসাদ বলে বৃদ্ধকালে অশক্ত কি করি বল ।
ওমা শক্তিরূপা ভক্তি দিয়ে মুক্তি জলে টেনে ফেল ॥

১৩৪

প্রসাদী—একতারা

মা বিরাজে ঘরে ঘরে ।

এ কথা ভাঙবো কি হাঁড়ি চাতরে ॥

ভৈরবী ভৈরব সঙ্গে শিশু সঙ্গে কুমারী রে ।

যেমন অনুজ লক্ষ্মণ সঙ্গে জানকী তার সমিভ্যারে ॥

জননী তনয়া জায়া, সহোদরা কি অপরে ।

রামপ্রসাদ বলে বল্ব কি আর, বুঝে লওগে ঠারে-ঠোরে ॥

১৮০

প্রসাদের রচনাবলী

১৩৫

প্রসাদী—একতালা

থাকি একখান ভাঙ্গা ঘরে ।

তাই ভয় পেয়ে মা ডাকি তোরে ॥

হিল্লোলেতে হেলে পড়ে, আছে কালীর নামের জোরে ।

ঐ যে রাত্রে এসে ছয়টা চোরে, মেটে দেওয়াল
ডিকিয়ে পড়ে ॥

তাদের দমন করবো কি মা ! ভয়ে ভয়ে যাচি সরে' ।

প্রসাদ বলে কোন্ বেচালে তারাই পাছে কয়েদ করে ॥

১৩৬

প্রসাদী—একতালা

মায়ের চরণতলে স্থান লব ।

আমি অসময়ে কোথা যাব ॥

ঘরে যায়গা না হয় যদি, বাহিরে রব ক্ষতি কি গো ;

মায়ের নাম ভরসা ক'রে, উপবাসী হয়ে প'ড়ে রব ॥

প্রসাদ বলে উমা আমায়, বিদায় দিলেও নাইকো যাব ।

আমার দুই বাহু পসারিয়ে চরণতলে প'ড়ে প্রাণ ত্যজিব ॥

১৩৭

প্রসাদী—একতালা

পূরুলো নাকো মনের আশা ।

আমার মনের দুঃখ রৈল মনে ॥

১৮১

সাধক রামপ্রসাদ

দুঃখে দুঃখে কাল কাটালেম, সুখের আর কিবা ভরসা ।
আমি বলবো কি করুণাময়ী, সঙ্গে ছয়টা কৰ্মনাশ ।
শ্রীরামপ্রসাদ বলে মা, ভেবে ভেবে পাইনা দিশা ।
অভয় পদে শরণ নিয়ে ঘটলো আমার উল্টা দশা ॥

১৩৮

প্রসাদী—একতারা

কেরে বামা কার কামিনী ।
ব'সে কমলে ঐ একাকিনী ॥
বামা হাসছে বদনে, নয়ন-কোণে, নির্গত হয় সৌদামিনী ॥
এ জনমে এমন কন্তো, না দেখি না কর্ণে শুনি ।
গজ খাচ্ছে ধ'রে, ফিরে উগরে, ষোড়শী নবযৌবনী ॥
(অবশিষ্ট অংশ পাওয়া যায় নাই ।)

১৩৯

প্রসাদী—একতারা

মনরে, তোর চরণ ধরি ।
কালী ব'লে ডাকরে ওরে ও মন, তিনি ভব পারের তরি ॥
কালীনামটা বড় মিঠা, বলরে দিবা-শব্দবরী ।
ওরে, যদি কালী করেন কৃপা, তবে কি শমনে ডরি ॥
দ্বিজ রামপ্রসাদ বলে কালী ব'লে যাব তরী ।
তিনি তনয় ব'লে দয়া ক'রে তরাবেন এ ভব-বারি ॥

১৮২

জংলা—ধন্নরা

কালী হলি মা রাসবিহারী

নটবরবেশে বৃন্দাবনে ॥

পৃথক প্রণব নানা লীলা তব, কে বুঝে এ কথা বিষম ভারি ॥
নিজ তনু আধা, গুণবতী রাধা, আপনি পুরুষ আপনি নারী ।
ছিল বিবসন কটী, এবে পীত ধটি, এলো চুল চূড়া বংশীধারী ॥
আগেতে কুটিল নয়ন-অপাঙ্গে, মোহিত করেছ ত্রিপুরারি ।
এবে নিজে কাল, তনু-রেখা ভাল, ভুলালে নাগরী নয়ন ঠারী ॥
ছিল ঘন ঘন হাস, ত্রিভুবন-ত্রাস, এবে যুহ হাস, ভুলে

ব্রজকুমারী ।

পূর্বের শোণিত-সাগরে নেচেছিলে শ্রামা, এবে প্রিয় তব
যমুনা-বারি ॥

প্রসাদ হাসিছে, সরসে ভাসিছে, বুঝেছি জননী মনে বিচারি ।
মহাকাল কান্না, শ্রাম শ্রামা তনু একই সকল বুঝিতে নারি ॥

প্রসাদী—একতারা

কালী গো কেন লেংটা ফের ।
ছি ছি কিছু লজ্জা নাই তোমার ॥

বসন-ভূষণ নাই তোমার মা, রাজার মেয়ে গৌরব কর ।
 মাগো এই কি তোমার কুলের ধর্ম, পতির উপর চরণধির ॥
 আপনি লেংটা, পতি লেংটা, শ্মশানে মসানে চর ।
 মাগো, আমরা সবে মরি লাজে, এবার মেয়ে বসন পর ॥
 তাজি রত্নহার, মা তোমার ও কণ্ঠে শোভে নরশির ।
 প্রসাদবলে ঐ রূপে মা ভয় পেয়েছেন দিগম্বর ॥

১৪২

বাগেশী—ধামার

ঢলিয়ে ঢলিয়ে কে আসে গলিত চিকুর আসব আবেশে ।
 বামা রণে ক্ষতগতি চলে, দলে দানব দলে, ধরি করতলে
 গজ গরাসে ॥
 কেরে কালীর শরীরে, রুধির শোভিছে, কালিন্দীর জলে
 কিংগুক ভাসে ।
 কেরে নালকমল, শ্রীমুখমণ্ডল, অর্ধচন্দ্র ভালে প্রকাশে ॥
 কেরে নীলকান্তমণি নিতান্ত, নখর নিকর তিমির নাশে ।
 কেরে রূপের ছটায়, তড়িত ঘটায়, ঘন ঘোর রবে উঠে
 আকাশে ॥

দিতিসুতচয়, সবার হৃদয়, থর থর থর কাঁপে হতাশে ।
 মাগো কোপ কর দূর, চল নিজ পুর, নিবেদে

শ্রীরামপ্রসাদ দাসে ॥

প্রসাদ রচনাবলী

আগমনী

১৪৩

রাগিণী—মালতী

আজ শুভনিশি পোহাইল তোমার ।

এই যে মন্দিরী আইল, বরণ করিয়া আন ঘরে ।

মুখশশী দেখ আসি, দূরে যাবে দুঃখরাশি,

ও চাঁদ মুখের হাসি, সুখরাশি করে ॥

শুনিয়া এ শুভ বাণী, এলো চুলে ধায় রাণী, বসন না সম্বরে ।

গদ গদ ভাব ভরে, বর বর আঁখি বারে,

পাছে করি গিরিবরে, অমনি কাঁদে গলা ধরে ॥

পুন কোলে বসাইয়া, চারু মুখ নিরখিয়া, চুসে অরুণ অধরে ।

বলে জনক তোমার গিরি, পতি জনম-ভিখারী,

তোমা হেন সুকুমারী, দিলাম দিগম্বরে ॥

যত সহচরীগণ, হয়ে আনন্দিত-মন, হেসে হেসে এসে

ধরে করে ।

কহে বৎসরেক ছিলে ভুলে, এত প্রেম কোথা থুলে,

কথা কহ মুখ তুলে, প্রাণ মরে মরে ॥

কবি রামপ্রসাদ দাসে, মনে মনে কত হাসে,

ভাসে মহা আনন্দমাগরে ।

জননীর আগমনে, উল্লাসিত জগজ্জনে,

দিবানিশি নাহি জানে, আনন্দে পাসরে ॥

ওগো রাগি, নগরে কোলাহল, উঠ চল চল,
নন্দিনী নিকটে তোমার গো ।
চল, বরণ করিয়া, গৃহে আনি গিয়া,
এসো না সঙ্গে আমার গো ॥
জয়া, কি কথা कहিলি, আমারে কিনিলি,
কি দিলি শুভ সমাচার ।
তোমায়, অদেয় কি আছে, এস দেখি কাছে,
প্রাণ দিয়া শুধি ধার গো ॥
রাগী ভাসে প্রেম জলে, দ্রুতগতি চলে,
খসিল কুন্তল ভার ।
নিকটে দেখে যারে, সুখাইছে তারে,
গৌরী কত দূরে আর গো ॥
যেতে যেতে পথ, উপনীত রথ, নিরখি বদন উমার ।
বলে মা এলে মা এলে, মা কি মা ভুলেছিলে,
মা বলে, একি কথা মরি গো ॥
রথ হ'তে নামিয়া শঙ্করী, মায়েরে প্রণাম করি,
সাস্থনা করে বার বার ।
দাস শ্রীকবিরঞ্জে, সৰ্বরূপে ভণে,
এমন শুভ দিন আর কার গো ॥

প্রসাদের রচনাবলী

১৪৫

পিলুবার—৪৭

গিরি এবার আমার উমা এলে, আর উমা পাঠাব না ।
বলে বলবে লোকে মন্দ কারো কথা শুন্বো না ॥
যদি এসে মৃত্যুঞ্জয়, উমা নেবার কথা কয়,
এবার মায়ে ঝিয়ে করুবো ঝগড়া, জামাই ব'লে
মান্বো না ॥

দ্বিজ রামপ্রসাদ কয়, এ ছুঃখ কি প্রাণে সয়,
শিব শ্মশানে মশানে ফিরে, ঘরের ভাবনা ভাবে না ॥

বিজয়া

১৪৬

রাগিণী—ললিত

ওহে প্রাণনাথ গিরিবর হে, ভয়ে তনু কাঁপিছে আমার ।
কি শুনি দারুণ কথা দিবসে আঁধার ॥
বিছায়ে বাঘের ছাল, দ্বারে বসে মহাকাল,
বেরোও গণেশ-মাতা ডাকে বার বার ।
তব দেহ হে পাষণ, এ দেহে পাষণ প্রাণ,
এই হেতু এতক্ষণ, না হলো বিদার ॥

১৮৭

সাধক রামপ্রসাদ

তনয়া পরের ধন, বুঝিয়ে না বুঝে মন,
হায় হায় একি বিড়ম্বনা বিধাতার ।
প্রসাদের এই বাণী, হিমগিরি রাজরাণী,
প্রভাতে চকোরী যেমন, নিরাশা সুধার ॥

১৪৭

গাঢ়াভৈরবী—আড়া

হৃৎ কমল-মঞ্চে দোলে করাল বদনী শ্রামা ।
মন-পবনে ছুলাইছে দিবস রজনী ওমা ॥
ইড়া পিঙ্গলা নামা, সুষুন্না মনোরমা ।
তার মধ্যে গাঁথা শ্রামা, ব্রহ্মসনাতনী ॥
আবির রুধির তায়, কি শোভা হয়েছে গায় ।
কাম আদি মোহ যায়, হেরিলে অমনি ॥
যে দেখেছে মায়ের দোল, সে পেয়েছে মায়ের কোল ।
রামপ্রসাদের এই বোল, ঢোলমারা বাণী ॥

১৪৮

গাঢ়াভৈরবী—ঠুংরী

অপার সংসার, নাহি পারাপার ।
ভরসা শ্রীপদ, সঙ্গের সম্পদ,
বিপদে তারিণী, কর গো নিস্তার ।

১৮৮

প্রসাদের রচনাবলী

যে দেখি তরঙ্গ অগাধ বারি,
ভয়ে কাঁপে অঙ্গ, ছুবে বা মরি ।
তার কৃপা করি, কিঙ্কর তোমারি,
দিয়ে চরণ তরি, রাখ এইবার ॥
বহিছে তুফান নাহিক বিরাম,
থর থর অঙ্গ কাঁপে অবিরাম ।
পুরাও মনস্কাম, জপি তারা নাম,
তারা তব নাম সংসারের সার ॥
কাল গেল কালী হ'লনা সাধন,
প্রসাদ বলে গেল বিফলে জীবন ।
এ ভব-বন্ধন, কর বিমোচন,
মা বিনে তারিণী কারে দিব ভার ॥

১৪৯

বেহাগ—আড়ধেমটা

আমার কপাল গো তারা ।

ভাল নয় মা, ভাল নয় মা, ভাল নয় মা কোন কালে ॥
শিশুকালে পিতা মলো, মাগো রাজ্য নিলে পরে ।
আমি অতি অল্প মতি, ভাসালে সায়েরের জলে ॥
স্রোতের শেহালার মত মাগো ফিরিতেছি ভেসে ।
সবে বল ধর ধর, কেও নাবে না অগাধ জলে ॥

১৮৯

সাধক রামপ্রসাদ

বনের পুষ্পে বেলের পাতা, মাগো আর দিব আমার মাথা।
রক্তচন্দন রক্তজবা, দিব মায়েৰ চরণ তলে ॥
ত্ৰীৰামপ্রসাদের এই বাণী, শোন গো মা নারায়নি।
তনু অন্তকালে আমায় টেনে ফেল গঙ্গাজলে ॥

১৫০

পিনুবাহার—৪৭

ওরে মন বলি, ভজ কালী, ইচ্ছা হয় যেই আচারে।
সদা গুরুদত্ত মন্ত্ৰ কর, দিবানিশি জপ করে ॥
শয়নে প্রণাম জ্ঞান, নিজায় কর মাকে ধ্যান।
ওরে নগর ফির, মনে কর, প্রদক্ষিণ শ্রামা মারে ॥
যত শোন কর্ণ পটে, সকলি মায়েৰ মন্ত্ৰ বটে।
কালী, পঞ্চাশৎ বৰ্ণময়ী, বর্ণে বর্ণে নাম ধরে ॥
কোতুকে রামপ্রসাদ রটে, ব্রহ্মময়ী সৰ্ব্বঘটে।
ওরে আহাৰ কর, মনে কর, আছতি দিই শ্রামা মারে।

১৫১

প্রসাদী—একতালা

কাজ কি রে মন যেয়ে কাশী।
কালীর চরণ কৈবল্য রাশি ॥
সার্কি ত্রিশ কোটি তীর্থ মায়েৰ ও চরণ বাসী।
যদি সন্ধ্যা জান, শাস্ত্র মান, কাজ কি হয়ে কাশীবাসী ॥

১৯০

প্রসাদের রচনাবলী

হৃৎকমলে ভাব ব'সে, চতুর্ভুজা মূর্ত্যকেশী ।

বাসপ্রসাদ এই ঘরে বসি, পাবে কানী দিবানিশি ॥

১৫২

লহরী—আড়াঠেকা

মা বসন পর ।

বসন পর, বসন পর, মাগো । বসন পর তুমি ।

চন্দনে চর্চিত জবা, পদে দিব আমি গো ॥

কালীঘাটে কালী তুমি, মাগো কৈলাসে ভবানী ।

বৃন্দাবনে রাধাপ্যারী, গোকুলে গোপিনী গো ॥

পাতালেতে ছিলে মাগো, হয়ে ভক্তকালী ।

কত দেবতা করেছে পূজা, দিয়ে নরবলি গো ॥

কার বাড়ী গিয়াছিলে, মাগো কে করেছে সেবা ।

শিরে দেখি রক্ত চন্দন, পদে রক্ত জবা গো ॥

ডানি হস্তে বরাভয়, মাগো বাম হস্তে অসি ।

কাটিয়া অশুরের মুণ্ড করেছে রাশি রাশি গো ॥

অসিতে রুধির ধারা, মাগো গলে মুণ্ড মালা ।

হেট মুখে চেয়ে দেখ, পদতলে ভোলা গো ॥

মাথায় সোনার মুকুট, মাগো ঠেকেছে গগনে ।

মা হয়ে বালকের পাশে, উলঙ্গ কেমনে গো ॥

আপনি পাগল, পতি পাগল, মাগো আরও পাগল আছে ।

ওমা, রামপ্রসাদ হয়েছে পাগল, চরণ পাবার আশে গো ॥

সাধক রামপ্রসাদ

বনের পুষ্পে বেলের পাতা, মাগো আর দিব আমার মাথা।
রক্তচন্দন রক্তজবা, দিব মায়েৰ চরণ তলে ॥
শ্রীরামপ্রসাদের এই বাণী, শোন গো মা নারায়নি।
তনু অন্তকালে আমায় টেনে ফেল গঙ্গাজলে ॥

১৫০

পিলুবাহার—৪৭

ওরে মন বলি, ভজ কালী, ইচ্ছা হয় যেই আচারে।
সদা গুরুদত্ত মন্ত্র কর, দিবানিশি জপ করে ॥
শয়নে প্রণাম জ্ঞান, নিজায় কর মাকে ধ্যান।
ওরে নগর ফির, মনে কর, প্রদক্ষিণ শ্রামা মারে ॥
যত শোন কর্ণ পটে, সকলি মায়েৰ মন্ত্র বটে।
কালী, পঞ্চাশৎ বর্ণময়ী, বর্ণে বর্ণে নাম ধরে ॥
কৌতুকে রামপ্রসাদ রটে, ব্রহ্মময়ী সৰ্ব্বঘটে।
ওরে আহাৰ কর, মনে কর, আছতি দিই শ্রামা মারে।

১৫১

প্রসাদী—একতাল

কাজ কি রে মন যেয়ে কাশী।
কালীর চরণ কৈবল্য রাশি ॥
সার্বিক ত্রিশ কোটী তীর্থ মায়েৰ ও চরণ বাসী।
যদি সন্ধ্যা জান, শাস্ত্র মান, কাজ কি হয়ে কাশীবাসী ॥

১৯০

প্রসাদের রচনাবলী

হৃৎকমলে ভাব ব'সে, চতুর্ভুজা মুক্তকেশী ।

রামপ্রসাদ এই ঘরে বসি, পাবে কাশী দিবানিশি ॥

১৫২

লহরী—আড়াঠেকা

মা বসন পর ।

বসন পর, বসন পর, মাগো । বসন পর তুমি ।

চন্দনে চর্চিত জবা, পদে দিব আমি গো ॥

কালীঘাটে কালী তুমি, মাগো কৈলাসে ভবানী ।

বৃন্দাবনে রাধাপ্যারী, গোকুলে গোপিনী গো ॥

পাতালেতে ছিলে মাগো, হয়ে ভক্তকালী ।

কত দেবতা করেছে পূজা, দিয়ে নরবলি গো ॥

কার বাড়ী গিয়াছিলে, মাগো কে করেছে সেবা ।

শিরে দেখি রক্ত চন্দন, পদে রক্ত জবা গো ॥

ডানি হস্তে বরাভয়, মাগো বাম হস্তে অসি ।

কাটিয়া অশুরের মুণ্ড করেছে রাশি রাশি গো ॥

অসিতে রুধির ধারা, মাগো গলে মুণ্ড মালা ।

হেট মুখে চেয়ে দেখ, পদতলে ভোলা গো ॥

মাথায় সোনার মুকুট, মাগো ঠেকেছে গগনে ।

মা হয়ে বালকের পাশে, উলঙ্গ কেমনে গো ॥

আপনি পাগল, পতি পাগল, মাগো আরও পাগল আছে ।

ওমা, রামপ্রসাদ হয়েছে পাগল, চরণ পাবার আশে গো ॥

সাধক রামপ্রসাদ

১৫৩

প্রসাদী—একতারা

অন্নপূর্ণার ধন্য কাশী ।

শিব ধন্য কাশী ধন্য, ধন্য ধন্য গো আনন্দময়ী ॥

ভাগীরথী বিরাজিত, প্রবাহে অর্দ্ধ শশী ।

উত্তর বাহিনী গঙ্গা জল চলেছে দিবানিশি ॥

শিবের ত্রিশূলে কাশী, বেষ্টিত বরুণা অসি ।

তন্মধ্যে মরিলে জীব শিবের শরীরে মিশি ॥

কি মহিমা অন্নপূর্ণার, কেউ থাকে না উপবাসী ।

ওমা, রামপ্রসাদ অভুক্ত তোমার, চরণ ধূলার

অভিলাষী ॥

১৫৪

প্রসাদী—একতারা

সাধের ঘুমে ঘুম ভাঙ্গে না ।

ভাল পেয়েছ ভবে কাল বিছানা ॥

এই যে সুখের নিশি, জেনেছ কি ভোর হবে না ।

তোমার কোলেতে কামনা-কান্তা, তারে ছেড়ে পাশ ফের না ॥

আশার চাদর দিয়াছ গায়, মুখ ঢেকে তাই মুখ খোল না ।

আছ নীত গ্রীষ্ম সমান ভাবে, রজক ঘরে, তায় কাচ না ॥

খেয়েছ বিষয় মদ, সে মদের কি ঘোর ঘোচে না ।

আছ দিবানিশি মাতাল হয়ে, ভ্রমেও কালীর নাম বল না ॥

১৯২

প্রসাদের রচনাবলী

অতি মুঢ় প্রসাদ রে তুই, ঘুমায়ে আশা পুরে না ।
তোর ঘুমের মহা ঘুম আসিবে, ডাকলে আর চেতন পাবে না ॥

১৫৫

প্রসাদী—একতালা

কালী বল রসনা রে ।

ও মন ষটচক্র রথ মধ্যে, শ্রামা মা মোর বিরাজ করে ॥
তিনটে কাছি কাছাকাছি, যুক্ত বাঁধা মূলাধারে ।
পাঁচ ক্ষমতার সারথি তায় রথ চালায় দেশদেশান্তরে ॥
যুরি ঘোড়া দৌড় কুচে দিনেতে দশকুশী মারে ।
সে যে সময় শির নাড়িতে নারে কলে বিকল হলে পরে ॥
তীর্থে গমন মিথ্যা ভ্রমণ মন উচাটন করোনা রে ।
ও মন ত্রিবেণীর ঘাটেতে বৈস শীতল হবে অন্তঃপুরে ॥
পাঁচ জনে পাঁচ স্থানে গেলে ফেলে রাখবে প্রসাদেরে ।
ও মন এইত সময় মিছে কাল যায় (যত) ডাক্তে পার
হু' অক্ষরে ॥

১৫৬

প্রসাদী—একতালা

ডাক্তে মন কালী বলে ।

আমি এই স্তুতি মিনতি করি, ভুলনা মন সময় কালে ॥
এসব ঐশ্বর্য্য ত্যজ, ব্রহ্মময়ী কালী ভজ,
ওরে ওপদপঙ্কজে মজ, চতুর্ভুজ পাবে হেলে ॥

১৯৩

সাধক রামপ্রসাদ

বসতি কর যে ঘরেতে, পাহারা দিচ্ছে যমদূতে,
ওরে পারবেনা ছাড়ায়ে যেতে, কাল ফাঁসি লাগবে গিলে ।
দ্বিজ রামপ্রসাদে বলে, কালের বশে কাজ হারালে,
ওরে এখন যদি না ভজিলে, আমসী খাবে আম ফুরালে ॥

১৫৭

কালংরা—ঠুংরী

হের কার রমণী নাচে ভয়ঙ্করা বেশে ।

কেরে নবনীল জলধর কায়, হায় হায়, কেরে হরহৃদি
হৃৎপূলে দিগ্বাসে ॥

কেরে নির্জনে বসিয়া নির্মাণ করিল,
পদ রক্তোৎপল জিনি, তবে কেন রসাতলে যায় ধরণী,
হেন ইচ্ছা করে, অতি গাঢ় করে, বাঁধি প্রেমডোরে,
রাখি হৃদি সরোবরে, হিল্লোলে ভাসে ॥

কেরে নিন্দিত রাম কদলীতরু, হেরি উরু, দর দর রুধির ক্ষরে,
যেন নীরদ হইতে নির্গত চপলে, অতি রোষ বলে,
ভূজঙ্গম দলে, নাভি পদ্মমূলে, ত্রিবলীর ছলে দংশিল এসে ।
কেরে উন্নত কুচকলি, মুখ শতদলে অলি,
গুণ গুণ করিয়া বেড়ায়, যেন বিকশিত সিতাসুজ বনরুহায়,
কিবা ওষ্ঠ শোভা, অতি লোল জিহ্বা, হর মনোলোভা,
যেন আসব আবেশে, শিশু সুখা ভাসে ॥

১২৪

প্রসাদের রচনাবলী

করে কুন্তলজাল আবৃত মুখমণ্ডল, লম্বিত চুস্থি ধরায়,
তাঁহে তুফান ধীরবাহু সন্ধান করা, অর্দ্ধচন্দ্র ভালে, শিতি
মুছ দোলে,
কি চকোর খেলে, কিবা অরুণ কিরণে গজমতি হাসে ।
কত দুন্ধবা দুন্ধবী, নাচিছে ভৈরবী, ..
হিহি হিহি করিছে যোগিনী, কত কটরা ভরিয়া সুখা
যোগায় অমনি
রামপ্রসাদ ভণে, কাজ নাই রণে, এ বামার সনে,
যার পদতলে শবহলে আশুতোষে ॥

১৫৮

পিলুবাহার—৪৭

ভবে আসা খেলব পাশা বড়ই আশা মনে ছিল ।
“মিছে আশা, ভাঙ্গা দশা, প্রথম পঙ্খুড়ি পলো ॥
পোবার আঠার ষোল যুগে যুগে এলেম ভাল ।
শেষে কচে বার পেয়ে মাগো পাঞ্জা ছকায় বদ্ধ রইলো ॥
ছ দুই আট, ছ চার দশ কেহ নয় মা আমার বশ ।
আমার খেলাতে না হলো যশ, এবার বাজী ভোর হইল ॥
হৃদ হলো চোদ্দপোয়া, বদ্ধ পথে যায়না যাওয়া ।
রামপ্রসাদের বুদ্ধিদোষে পেকেও ফিরে কেঁচে এলো ॥

১৯৫

সাধক রামপ্রসাদ

১৫৯

প্রসাদী—একতাল

পতিত পাবনী পরা,

পরামৃত ফলদায়িনী ।

সুদীনে চরণ ছায়া, বিতর শঙ্কর জায়া
কুপাং কুরু স্বপুণে মা, নিস্তার কারিণী ॥
কৃত পাপ হীন পুণ্য, বিষম ভজনা শূন্য ।
তারারূপে তারয় মাং নিখিল জননী ॥
ত্রাণ হেতু ভবার্ণব, চরণ তরণী-তব ।
প্রসাদে প্রসন্ন ভব, ভবের গৃহিণী ॥

১৬০

বসন্তবাহার—একতাল

কালী কালী বল রসনা ।

কর পদধ্যান, নামামৃত পান, যদি পেতে ত্রাণ, থাকে বাসনা ॥
ভাই বন্ধু স্নাত দারা পরিজন, সঙ্গের দোসর নহে কোন জন ।
হরন্ত শমন বাঁধিবে যখন, বিনে ঐ চরণ কেহ কার না ॥
দুর্গা নাম মুখে বল একবার, সঙ্গের সম্বল দুর্গানাম আমার ।
অনিত্য সংসার নাহি পারাপার, সকলি অসার ভেবে দেখ না ॥
গেল গেল কাল বিফলে গেল, দেখনা কালান্ত নিকটে এল ।
প্রসাদ বলে ভাল, কালী কালী বল, দূর হবে সব যম-যন্ত্রণা ॥

১৯৬



মূলতানী ধানেশী—একতালা

করণাময়ি ! কে বলে তোরে দয়াময়ী ।
 কারো ছক্ষেতে বাতাসা, (গো তারা)
 আমার এল্লি দশা, শাকে অন্ন মেলে কৈ ॥
 কারে দিলে ধন জন মা, হস্তী, অশ্ব, রথচয় ।
 ওগো তারা কি তোর বাপের ঠাকুর,
 আমি কি তোর কেহ নই ॥
 কেহ থাকে অট্টালিকায়, মনে করি তেম্নি হই ।
 মা গো, আমি তোর পাকা ক্ষেতে দিয়াছিলাম মই ॥
 দ্বিজ রামপ্রসাদ বলে, আমার কপাল বুঝি অগ্নি অই ।
 ওমা, আমার দশা দেখে বুঝি, শ্রামা হলে পাষণময়ী ॥

মৃত্যুর প্রাক্কালীন সঙ্গীত চতুষ্টয়

ললিত-খাষাঙ্গ—একতালা

তিলেক দাঁড়া ওরে শমন, বদন ভরে মাকে ডাকি ।
 আমার বিপদকালে ব্রহ্মময়ী, এলেন কি, না এলেন দেখি ॥
 লয়ে যাবি সঙ্গে করে, তার একটা ভাবনা কিরে,
 তবে তারা-নামের কবচমালা, বুধা আমি গলায় রাখি ॥

সাধক রামপ্রসাদ

মহেশ্বরী আমার রাজা, আমি খাসতালুকের প্রজা,
আমি কখন নাতান, কখন সাতান,
কখনও বাকীর দায়ে না ঠেকি ॥
প্রসাদ বলে মায়ের লীলা, অত্রে কি জানিতে পারে ।
যাঁর ত্রিলোচন না পেলেন তত্ত্ব, আমি তাঁর অন্ত পাব কি ॥

১৬৩

প্রসাদী—একতাল

বল দেখি ভাই কি হয় ম'লে ।

এই বাদানুবাদ করে সকলে ॥

কেহ বলে ভূত প্রেত হবি, কেহ বলে তুই স্বর্গে যাবি,
কেহ বলে সালোক্য পাবি, কেহ বলে সাযুজ্য মেলে ॥
বেদের আভাস, তুই ঘটাকাশ, ঘটের নাশকে মরণ বলে ।
ওরে শূন্যেতে পাপ পুণ্য গণ্য, মান্য করে সব খোয়ালে ॥
এক ঘরেতে বাস করিছে, পঞ্চজনে মিলে জুলে ।
সে যে সময় হইলে আপনা আপনি, যে যার স্থানে যাবে চলে ॥
প্রসাদ বলে যা ছিলি ভাই, তাই হবি রে নিদান কালে ।
যেমন জলের বিশ্ব জলে উদয়, জল হয়ে সে মিশায় জলে ॥



লগিতবিভাগ—একতাল

কেবল আমার আশা, ভবে আশা, আসা মাত্র হলো ।
 যেমন চিত্রের পদ্মেতে পড়ে, অমর ভুলে রলো ॥
 মা নিম্ন খাওয়ালে চিনি বলে, কথায় করে ছলো ।
 ওমা ! মিঠার লোভে, তিত মুখে সারা দিনটা গেলো ॥
 মা খেলবে বলে, ফাঁকি দিয়ে নাবালে ভুতলে ।
 এবার যে খেলা খেলালে মাগো, আশা না পুরিল ॥
 রামপ্রসাদ বলে ভবের খেলায়, যা হবার তাই হ'লো ।
 এখন সন্ধ্যা বেলায়, কোলের ছেলে, ঘরে নিয়ে চলো ॥

প্রসাদী—একতাল

তারা । তোমার আর কি মনে আছে ।
 ওমা, এখন যেমন রাখলে সুখে, তেমনি সুখ কি পাছে ॥
 শিব যদি হয় সত্যবাদী, তবে কি তোমায় সাধি ;
 মাগো, ওমা, ফাঁকির উপরে ফাঁকি, ডান চক্ষু নাচে ॥
 আর যদি থাকিত ঠাঁই, তোমারে সাধিতাম নাই ;
 মাগো ওমা, দিয়ে আশা, কাটলে পাশা, তুলে দিয়ে গাছে ।
 প্রসাদ বলে মন দৃঢ়, দক্ষিণার জোর বড় ;
 মাগো ওমা, আমার দফা হলো রফা, দক্ষিণা হয়েছে ॥

সাধক রামপ্রসাদ

শ্রীশ্রীকালী-কীর্তন ।

ভবজলধি-নিমগ্ন-রুগ্ন-জনগণ-বিমোচন-করণ-কার
পালিকা কালিকার গোষ্ঠাদিশীলা বর্ণন ।

১৬৬

বন্দনা ।

বন্দে শ্রীগুরুদেব কি চরণ ।
অন্ধপুট খোলে ধ্বঙ্ক সব হরণ ॥
জ্ঞানাজ্ঞান দেহি অন্ধ কি নয়ন ।
বল্লভ নাম শুনায়ত করণ ॥
কেবল করুণাময় গুরু ভবসিদ্ধুতারণ ।
তপন-তনয়-ভয়-বারণ-কারণ ॥
শুচারু চরণদ্বয় হৃদে করি ধারণ ।
প্রসাদ কহিছে হয় মরণের মরণ ॥

মাতঙ্গের বাল্যলীলা ।

১৬৭

গৌরচন্দ্রী ।

গিরিবর আর আমি পারিনে হে
প্রবোধ দিতে উমারে ।

উমা কেঁদে করে অভিমান, নাহি করে স্তম্ভপান,
নাহি খায় ক্ষীর ননী সরে ॥

প্রসাদের রচনাবলী

অতি অবশেষ নিশি, গগনে উদয় শশী,

বলে উমা ধরে দে উহারে ।

আমি পারিনে হে, প্রবোধ দিতে উমারে ॥

কাঁদিয়ে ফুলালে আঁখি, মলিন ও মুখ দেখি.

মায়ে ইহা সহিতে কি পারে ।

আয় আয় মা মা বলি, ধরিয়ে কর-অঙ্গুলি,

যেতে চায় না জানি কোথারে ॥

আমি কহিলাম তায়, চাঁদ কি রে ধরা যায়,

ভূষণ ফেলিয়ে মোরে মারে ।

উঠে ব'সে গিরিবর, করি বহু সমাদর,

গৌরীরে লইয়া কোলে করে ॥

সানন্দে কহিছে হাসি, ধর মা এই লও শশী,

মুকুর লইয়া দিল করে ।

মুকুরে হেরিয়া মুখ, উপজিল মহাসুখ,

বিনিন্দিত কোটি শশধরে ॥

শ্রীরামপ্রসাদ কয়, কত পুণ্যপুঞ্জচয়,

জগৎ-জ্ঞাননী যার ঘরে ।

কহিতে কহিতে কথা, সুনিত্রিতা জগন্মাতা,

শোয়াইল পালঙ্ক উপরে ॥

প্রভাত সময় জানি, হিমগিরি রাজরাণী,

উমার মন্দিরে উপনীত ।

সাধক রামপ্রসাদ

মঙ্গল আরতি করি,
চেতনা জন্মায় রাণী,
প্রেমভরে অঙ্গ পুলকিত ॥

বারে বারে ডাকে রাণী, জননী জাগৃহি জাগৃহি জাগৃহি॥

আগত ভানু রজনী চলি যায় ।

পুলকিত কোকবধু শোক নিবায় ॥

উঠ উঠ প্রাণ গোরি, এই নিকটে দাঁড়ায়ে গিরি,

উঠগে। এবমুচিতমধুনা তব নহি নহি নহি ॥

শ্রুত মাগধবন্দী, কৃতাজ্জলি কথয়তি,

निद्रां जहिहि जहिहि जहिहि ॥

গাত্র উত্থানং কুরু করুণাময়ি ।

সকল্লদৃষ্টিং ময়ি দেহি দেহি দেহি ॥

כחל

ভজন ।

চল গো মন্দাকিনীজলে, শিবপূজা বিশ্বদলে;

মাই গুন ওলো মাইকি ভাষ ।

তখন গৌরীর কনকমুখে মৃদু মৃদু হাস ॥

মা ডাকিছে রে ।

কোকিল-কলরুত, শীতল মারুত,

হতরুচি সম্প্রতি ভাতি শিখী ।

প্রসাদের রচনাবলী

নায়ক মলিন, বিলোকনে কুমুদিনী,
কম্পিতবিগ্রহা মলিনমুখী ॥

কলয়তি শ্রীকবিরঞ্জন দীন, দীনদয়াময়ি দুর্গে,
আহি আহি আহি ।

ভীমভবার্ণবমধুষু তারয়, কৃপাবলোকনে,
মাম্পাহি মাম্পাহি মাম্পাহি ॥

* * * *

শ্রী শ্রীকৃষ্ণকীর্তন

১৬৯

* * * *

ওহে নুতন নেয়ে । ভাঙ্গা নৌকা চল বেয়ে ।

তু কুল রহিল দূর, ঘন ঘন হানিছে চিকুর,
কেমন কেমন করেছে দেয়া, মাঝে যমুনায় ভাসে খেয়া,

শুন ওহে গুণনিধি, নটো হোক ছানা দধি,
কিন্তু মনে করি এই খেদ ।

কাণ্ডারী যাহার হরি, যদি ডুবে সেই তরী,
মিছা তবে হইবে হে বেদ ॥

যমুনা গভীরা ভাঙ্গা তরী, অবলা বালা কুশোদরী,
প্রাণ রক্ষার তুমি মাত্র মূল ।

সাধক রামপ্রসাদ

অবসান হলো বেলা, একি পাতিয়াছ খেলা,
ঝাটং পারে চল প্রাণ নিতান্ত আকুল ॥

*

*

*

*

সীতা-বিলাপ *

১৭০

মোরে বিধি বাম, গুণনিধি রাম,
কি দোষে গেলে ছাড়িয়ে হে ।
জনক-দুহিতে কাঁদিতে কাঁদিতে,
লব কুশ দৌহে লইয়া সহিতে,
আইল জীবননাথেরে দেখিতে,
শিরে কর হানি, পড়িয়া মহীতে,
হাহাকার রব করিয়ে হে ॥

(সীতার) লোচন-সলিল পড়িছে ঝরিয়া,
রামের দুখানি চরণ ধরিয়া,
কাঁদেন জননী করুণা করিয়া,
কোথাকারে প্রভু গেলে হে চলিয়া,
কোন্ অপরাধ পাইয়ে হে ॥

* সীতা বিলাপ কোন্ রামপ্রসাদের কৃত বলা শক্ত । নীলুর
দলের রামপ্রসাদ কি কবিরঞ্জন রামপ্রসাদ—ঠিক বলা যায় না ।

প্রসাদের রচনাবলী

অভাগিনী ডাকে উঠনা স্বরিতো,
শুনিয়া না শুনো এ কোন্ উচিতো,
কমল-নয়নে চাহনা চকিতো,
বিদরে পরাণো করনা স্থগিতো,
প্রবোধ দেহনা উঠিয়ে হে ॥

ধূলায় ধূসর এ হেন শরীর,
দুকূল আকূল হোয়েছে কটীর,
ললাট ফলকে পড়িছে রুধির,
দিবসে সকলি দেখি হে তিমির,

আলো কর প্রভু জাগিয়ে হে ॥
কর হোতে ধনু পড়েছে খসিয়া,
কে হানিল বাণ বিষম কসিয়া,
নাশিল জীবন হৃদয়ে পশিয়া,
কেমনে এমন দেখিব বসিয়া,

পরাণ যাইছে ফাটিয়ে হে ॥
ললাট-লিখন ঘুচাতে নারে,
আপনি উদরে ধরেছি যারে,
তনয় হইয়া বধিল পিতারে,
আহা নাথ নাথ কি হলো আমার,
উপায় না দেখি ভাবিয়ে হে ॥

সাধক রামপ্রসাদ

ধিক্ ধিক্ তোরে বলি রে তনয়,
বুঝিলাম তোরা আমার ত নয়,
এমন করিতে সমুচিত নয়,
প্রভুরে লইলি যমের আলয়,

ইহা দেখি আমি বসিয়ে হে ॥

এ ছার জীবন কেমনে রাখিব,
তোমার নিকটে এখনি মরিব,
জালি চিতা আমি তাহাতে পশিব,
নহে হলাহল অশন করিব,

কি কাজ এ দেহ রাখিয়ে হে ৷

প্রসাদ কহিছে গুন মা জানকী,
রামের মহিমা তুমি না জান কি,
প্রবোধ মান মা কমল-কানকী,
এখনি উঠিবেন রাঘব ধানুকী,

দেখিবে নয়ন ভরিয়ে গো ॥

শিব-সঙ্কীৰ্তন ।

১৭১

ললিত—একতাল

হর ফিরে মাতিয়া, শঙ্কর ফিরে মাতিয়া ।

শিঙ্গা করিছে ভভ ভম্ ভম্, ভৌ ভৌ ভৌ । ববম্ ববম্,
বব বম্ বব বম্ গাল বাজিয়া ॥

মৃগন হইয়া প্রমথ নাথ, ঘটক ডমরু লইয়া হাত,
কোটি কোটি কোটি দানব সাথ, আশানে ফিরিছে গাইয়া ।
কটীতটে কিবা বাঘের ছাল, গলায় ছলিছে হাড়ের মাল,
নাগযজ্ঞোপবীত ভাল, গরজে গরব মানিয়া ॥

শশধর-কলা ভালে শোভে, নয়ন-চকোর অমিয় লোভে,
স্থির গতি অতি মনের ক্ষোভে, কেমনে পাইব ভাবিয়া ।

আধ চাঁদ কিবা করে চিকিমিকি,
নয়নে অনল ঝিকি ঝিকি ঝিকি,

প্রজ্জ্বলিত হয় থাকি থাকি থাকি, দেখে রিপু যায় ভাগিয়া ॥
বিভূতি-ভূষণ মোহন বেশ, তরুণ অরুণ অধর দেশ,
শব আভরণ গলায় শেষ, দেবের দেব যোগিয়া ।

বৃষভ চলিছে থিমিকি থিমিকি, বাজায়ে ডমরু

ডিমিকি ডিমিকি,

ধরত তাল ডিমিকি, ডিমিকি, হরিগুণে হর নাচিয়া ॥

সাধক রামপ্রসাদ

বদন-ইন্দু ঢল ঢল ঢল, শিরে দ্রবময়ী করে টল টল,
লহরি উঠিছে কল কল কল, জটাজুট মাঝে গন্ধিয়া ।
প্রসাদ কহিছে এ ভব-ঘোর, শিয়রে শমন করিছে জোর,
কাটিতে নারিনু করম-ডোর নিজগুণে লহ তারিয়া ॥

১৭২

বব বম্ বম্ ভোলা ।

মাগী যেমন মিন্‌সে তেমন, তেয়ি ছুটী চেলা ॥

আরোহণ বুঝোপরে, শিঙ্গে ডম্বুর করে, 'মুখে বলে

হরে হরে রুদ্রাক্ষ মালা ॥

জটাতে কুলু কুলুধনি, বিরাজিতা সুরধুনী ।

মস্তকেতে মণি ফণী, অর্ধচন্দ্র ভালা ।

ভ্রম-সংশোধন—‘পতিব্রতা সর্বাঙ্গী’ অধ্যায়ে দ্বিতীয় লাইনে ‘সর্বেশ্বরী’
হলে ‘সিদ্ধেশ্বরী’ হইবে ।





গ্রন্থকারের অপর বই

“মীরাবাই”

মীরাবাইয়ের সংক্ষিপ্ত জীবনী অতি সুন্দরিত ভাষায়
লিখিত। শেষাংশে মীরার অনেক বিখ্যাত ভজন
গান এবং বাংলা কবিতায় তাহার অনুবাদ আছে।

আনন্দবাজার—সাহিত্য ও ভক্তশ্রেষ্ঠ মীরাবাইয়ের জীবনী বালক-
বালিকাদের জন্য সরল ভাষায় লিখিয়া লেখক বাঙ্গলা শিশু-সাহিত্যের
সম্পদ বৃদ্ধি করিয়াছেন। মীরাবাইয়ের পুণ্য জীবন কাহিনী পাঠ করিলে
তরুণদের মনে যে উন্নত হইবে, তাহাতে সন্দেহ নাই। লেখক মীরাবাইয়ের
জীবনী লিখিতে গিয়া আধুনিক ঐতিহাসিকদের সংগৃহীত তথ্যের উপরই
প্রধানতঃ নির্ভর করিয়াছেন। গ্রন্থে মীরাবাইয়ের কতকগুলি বিখ্যাত
ভজন গানের বাঙ্গলা কবিতায় অনুবাদ সন্নিবিষ্ট হওয়াতে গ্রন্থের মৌলিক
বৃদ্ধি হইয়াছে। অনুবাদ ভাল হইয়াছে। এক্ষণে গ্রন্থ বিদ্যালয়ের
বালকবালিকাদের পাঠ্য হওয়া উচিত।

প্রবাসী—এইপুস্তকে মীরাবাইয়ের সংক্ষিপ্ত জীবন-কাহিনী বর্ণিত হইয়াছে
এবং পরিলিষ্টে পঁচিশটি ভজনের বাংলা পদ্যানুবাদ সংযোজিত হইয়াছে।
‘কোমলমতি বালকবালিকাদের জন্য লিখিত’ হইলেও ইহা পড়িয়া
পাঠক মাত্রেই যথেষ্ট তৃপ্তি ও উপকার পাইবেন। কেবলমাত্র জনপ্রবাদ
অবলম্বনেই এই পুস্তক রচিত হয় নাই—অনেকস্থলে ঐতিহাসিকদের
আলোচনা হইতেও সাহায্য গ্রহণ করা হইয়াছে।.....

প্রকাশক—উদ্বোধন কার্যালয়

১, উদ্বোধন লেন, বাগবাজার
কলিকাতা।

মূল্য ৥০ আট আনা।

